



補訂黃文獻公集序

孔子顏曾思孟四子七十子其所言學也
而文莫大於是董子文不出於學其文爲
最高韓氏歐陽氏以文衍其學文爲最工
周程張朱五子學外無文焉烏之傳朱學
始文清徐氏與直卿黃氏同皆而在何王
金許四氏之前而紹徐氏之學者爲處善
龔氏子厚康氏景雲朱氏通齋葉氏唐卿

補訂黃文獻公集序

補訂黃文獻公集序

王氏元齡樓氏南稜王氏則又繼通齋晉
卿石氏又繼唐卿彥脩裕軒又承許氏而
朱子共世南軒張氏象山陸氏外有東萊
呂氏龍川陳氏則葉氏邽出呂氏門而朱
氏質陳氏錫繼之喻氏南強侃出陳氏門
葉氏謹翁承祖邽及父震蓋自紹興申至
明洪建永洪宣正間學相禪不絕而文獻
黃先生生景炎丁丑二十五而舉校官又

二年舉憲史三十九賜同進士出身丞寧
海四十二判諸暨五十五爲應奉翰林文
字同知制誥兼國史院編脩官進階儒林
郎轉承直郎國子博士換奉政大夫江浙
等處儒學提舉七十拜翰林直學士知制
誥同脩國史明年兼經筵七十二升侍講
學士中奉大夫知制誥同脩國史同知經
筵事七十四得謝南還又七年而卒追封

江夏郡公文獻其諡也蓋自宋寶慶後學術紛而陳言是襲先生成童稟業山南劉氏凡十五年隨取徵于故老二十而執弟子禮於巖南方氏垂四十年先生故石氏甥也事晉卿三十五年接唐卿之緒總角預南稜弟子列五十年續通齋之宗蓋通齋唐卿得先生而三傳而先生後得忠文王氏是亦足比蹤何王金許四氏抑四氏

產金蘭東三邑諸氏竝產烏而先生又因方氏與吳氏思齋爲忘年交并溯龍川其記山南集有曰辭必已出古也又曰其爲言也非出於古非不出於古也又曰文辭各載夫學術者也無愧先聖人斯可已又曰聖賢未嘗學爲文也沛然而發之卒然而書之而天下之學爲文者莫能過焉以其爲本昌爲源博也宋文憲以爲一神之

所爲中統至元以來二三人而已王忠文
謂以精純之學羽翼聖學以典雅之文黼
黻人文誠一代之儒宗百世之師表而先
生之門弟子若王宋二氏外德源侍先生
亦侍許氏伯清侍許氏復侍先生而先生
嘗謁許氏於歲寒亭沒爲之銘謂少不能
從游而偶獨後死序方氏之集舉聖予之
論在人倫不在人事在天地不在古今謂

言先生詩無以易此斯則遺經吟社莫非
物理人事之所寓焉蓋先生之文可能也
而其少無仕進之情尊師取友以成其學
猶恨不及事白雲而侍白雲者轉師先生
此不可能也此劉宋王朱諸弟子未能發
先生之覆而亦劉宋王朱諸弟子所由此
而心形俱服者而宋又與彥修友忘年卒
後先生一禩宋表其墓蓋許黃門無異同

而宋十九受經業聞人氏故與許同得統
魯齋者於是宋之門有正學方氏王之孫
孝莊稔又師正學二百九十年來能不推
本宋王以及先生哉而數十年之中有力
持聖學見於從祀之疏宗貫之錄最後有
葺理學淵源斷以山陰爲學術純正終始
一節者斯則先生之風流猶未歇絕矣然
則世皆謂華川忠孝足以冠冕一世文章

風槩足以度越當昔而不知理學一綫猶
可尋討在昔道學傳劫自有宋道學原不
別於儒林然特爲標揭亦足使文人學士
知有從來故廷曾於志中旣特著之而於
先生復申言之其先生之集名曰損齋橐
凡二十五卷元皆縣大夫胡公惟信刻於
薨後之五年屬文憲爲之序復建祠俾忠
文記之當是至正壬寅癸卯歷二百三十

八年而張侯維樞選而布之今又九十二年矣版之闕者百有十而字之漶且譌者不止百千焉稍爲補之訂之尚當求其全本而以文憲狀及忠文祠堂碑入附錄增鏡其後是爲敘 皆

康熙三十年歲次辛未文林郎知義烏縣

後學會稽王廷曾頓首拜撰



金華先生黃文獻公集序

天地之氣日新而無窮文辭亦與之無窮蓋其升降翕張俯仰變化皆一神之所爲神也者形之而弗竭用之而彌章氣之樞文之所囿也成周而上六藝興焉禮不同乎春秋春秋不同乎詩詩不同乎書書不同乎易成周以下諸家言雖不能如經亦各以所學鳴龍門則異于河汾河汾則異于昌黎昌黎則異于廬陵廬陵則異于伊洛夫豈欲騁異哉文與氣資神以生其勢則然也近代自寶慶之後文弊滋極唯陳腐之言是襲前人未發者則不能啓一喙精魄淪亡氣局荒靡漸焉如弱卉

之汎緒風文果何在乎逮入國朝群工疊出剝華而踐
樸草蕩以趨真爛然五色之文照耀于天下沿至先生
彌為極盛先生之所學雖其本根則師群經揚其波瀾
則友遷固沉浸之久超然有會于心嘗自誦曰文辭各
載夫學術者也吾敢為苟同乎無悖先聖人斯可已故
其形諸謬述委蛇曲折必鬯所欲言出用于時則由進
士第教成均典儒臺直禁林侍講經帙以文字為職業
者殆三十年精明俊朗雄蓋一世可謂大雅弗群者矣
今之論者徒知先生之文清圓切密動中法度如孫吳
用兵神出鬼沒而部伍整然不亂至先生之獨得者又

焉能察其端倪哉於戲蹄涔之水其流不能尋尺通河
巨海則涵浴日月一朝而萬變土鼓之聲其聞弗及百
武迅風驚霆則振撼萬物衡縱上下無幽而不被此無
它神與不神也文辭之出與天地之氣相為無窮奈何
不河海風霆之若而睨睨蹄涔土鼓間果誰之過也上
而六藝下而諸家言所倡雖有大小之殊其生色之融
液至今猶津津然是誠何道哉學者尚以是而求先生
也先生薨後之五年家藏日損齋藁共二十五卷縣大
夫胡君惟信恐其埋歿亟取鋏梓以傳謂濂嘗從先生
學俾為之序濂也不敏何足以知先生追念疇昔侍几

杖華川之上先生酒微醺歷論文辭原乎學術每至數
百言自顧於道無聞溺志汗漫無根之域不足上承明
訓方將刻厲剔去陳腐以振華英而九京不可作矣俯
仰今古能無感乎姑誦所聞以書于篇端若先生所以
擅一代之盛者則不待序而後見也先生諱潛字晉卿
姓黃氏婺之義烏人其官序行業具見臨川危公所撰
神道碑銘茲不著明人同郡宋濂謹序

重刊黃文獻公文集目錄

卷之一

五言古詩七十五首

律詩六十二首

絕句詩四首

卷之二

七言古詩二十八首

律詩一百二十九首

絕句詩四十四首

卷之三

賦一首

贊六首

騷一首

答問一首

策問 六首

策題 一首

雜著 四首

勸農文 一首

樂章 一首

祭文 二首

祝文 九首

表 十首

牋 三首

箋 一首

公文 一首

啓 三首

書 一首

傳 四首

行述 一首

制 二首

箴 一首

行狀 一首

辭 一首

卷之四

題跋 八十九首

跋 三十首

卷之五

序 二十八首

卷之六

序 二十八首

卷之七

記 五十六首

筆記 三首

附錄 三首

卷之八

墓記 四首

銘九首

墓誌銘 三十一首

卷之九

墓誌銘 三十六首

卷之十

碑文 一首

廟碑 二首

神道碑 十一首

墓碑 四首

墓碣 三首

墓表 五首

重刊黃文獻公文集目錄終

重刊黃文獻公文集卷之一

門人 宋 濂 全 輯

後學 虞 守 愚 全 校

溫陵張維樞子環重選
會稽王廷會培菴補訂

五言古詩

櫟詩五首

日月東西行群動亦不息寄身萬物中寧獨謙茲役所
以魯中叟遑遑走南北聖哲諒已然旅人能久宅
晨起步南園旭日朗以清葵花衆草中曄曄數丹榮流
光非汝私獨爾心自傾覽物有深懷竝立方舍情
璞玉與寶劔淪落初未偶君看被漭核各在千年後將

身比金石誰當獨長久悠悠百代下相知復何有
孤雲澹無心出山偶爲雨長風忽吹散渺渺歸無處唯
餘向來山突兀青如故慷慨魯仲連功成身已去
春風著萬物欣欣皆自私可憐兒女花榮悴更相持獨
有澗底松偃蹇如不知何疑楊執戟草玄鬢若絲

效古五首

上山見明月下山月相隨月豈知愛我我行自見之故
山日已遠故人不可思殷勤謝明月願爾無時虧
女美衆所悅士窮世所輕輕重安足言泥盡水自清淮
陰初寄食曲腰躄下行季子黃金多妻嫂來相迎自古

已復然歎息空吞聲

擊石乃有火石火光不揚攀天亦有路天高路何長嗟
峨萬古雲下覆歌哭場富貴誠足多貧賤不可忘
落花隨風吹各自東西飛花飛既不息水流復無極同
生不同歸能勿異顏色木生則有枝豹死則有皮悠悠
岐路間多言亦奚爲

飲酒莫盡醉盡醉無餘懽讀書莫弔古弔古多悲酸蕭
艾蔽中野白露摧芳蘭鳳飢不得死鷓臬食琅玕去去
復去去采芝青雲端

人事如草木

人事如草木一氣榮悴之外物何預人而實喜與悲堂
堂異姓王昔者跨下兒窮通本邂逅達者固不疑阮生
亦隘人慟哭真奚爲

煌煌明月珠

煌煌明月珠未害居濁水君看黃河黃豈解污清濟我
方遺吾形寵辱齊一指懸知破琴戴未若搯槲櫛

微雲翳白日

微雲翳白日群動何喧喧嗚呼麒麟兒化爲猴與猿登
高望四荒但見黃河奔誰哉沂其流與我歸崑崙萎藁
青桂花霜霰日已繁豈不有桃李對之有忘言

古意

荆人初得玉斲足辭巖阿持獻萬乘君君門正嗟峨誰
其尸國工謀以石見訶迷邦誠不忍欺君反同科臣口
不自明臣心終靡它抱璞重再拜呼天淚滂沱淚盡血
可續玉在良已多是事古則然嗚呼今柰何

連雨襟書五首

蕭蕭十日雨出門竟何之不愁道路難所懼沾我衣悠
悠看屋梁作計誠已非有酒不解飲且遂哦吾詩
昔慕栗里翁頗復志耕耘偶入翰墨場把筆學爲文偃
蹇獨何成喧啾浪云云念彼荷簑子窮年愧其勤

虛堂坐無言，繾綣悲宿昔。常時眼中人，已如不相識。剝
琢者誰子，令我喜折屐。忽去已莫追，一咲岸玄憤。
我思仇山人，山川莽回互。十書九不到，木葉歲頻暮。頗
聞近移居，併失夢中路。得無挈妻兒，倒載入山去。
今日曷不樂，孤倡無與酬。兀坐把書卷，展玩不自休。借
問誰所爲，其人已千秋。山雨政可聽，撥書置床頭。

不自晚晴

洩雲散積雨，林水含餘清。披衣有竒懷，偶從林叟行。新
晴遠峰麗，夕陰孤花明。曠日固所虞，聊茲息營營。

夜歸

空山四寥寥，落日翳榛莽。蜿蜒草中徑，躡屩度寒雨。楠
杉窈深黑，忽忽疑伏虎。林窮澗水明，稍聽歸人語。

陪諸老夜飲

世故不可料，忽若浮雲移。坐令百年內，顛倒殊歡悲。顧
惟我與公，異代同一時。覽古旣深慨，撫今亦餘噫。長川
去悠悠，青山莫委蛇。向來遠遊意，我行方遲遲。咄哉有
志士，卒歲恒寒飢。况復託渺茫，欲與千載期。盈虛信天
運，廢興豈人爲。願公姑舍是，一觴聊可持。

讀忠簡宗公遺事

公初起滄陽，艱危屬多壘。蒼然國家意，委身干戈裏。陰

飈卷翠華朔雪被南紀悠悠虞淵日力盡揮不止寅恭
秉齋鉞際會開朱邱長安付馮異漢業中興始宮庭數
汎掃蹕路無荆杞疚心望鑿輿感激涕如水上方出
師嗚呼孔明死宴安不可懷肉食母乃鄙巨舟竟未焚
三語猶在耳蕭然舊祠下碧草垂堦祀登堂挹光儀赤
烏仍几几千載墮淚碑一夫敢殘毀傳家有遺書叙事
非虛美勗哉慎失墜庶以裨信史

曉行湖上

曉行重湖上旭日青林半霧露寒未除鳧鷖靜初散寅
緣際餘景閃倏多遺玩會心乍有得撫已還成嘆夙予

丹霞約爰茲芳洲畔獨往願易違離居歲方換沙暄芷
芽動春遠川華亂存期乃寂寞取適豈爛漫小隱倘見
招漁樵共昏旦

西峴峰

層雲抱春岑急瀨洩嵌竇脩蹊入窈窕衆綠蔚以茂名
亭標水樂柱折荒碑什幽尋得緇廬亂石扶結構青精
午堪飯碧澗寒可漱平生慕真賞及此成邂逅冥探指
絕頂有路忽通透緣蘿度蒙密翠氣濕衣袖寄身次寥
內下睨入寰陋清謳雜風竹大嘯落巖狖東峰在眉睫
可望不可就同遊却何時瑤草春已秀

夜興

秋氣入病骨殘夢條然驚芭蕉葉間露風過皆成聲攬
衣次寥內搔首天河橫飢蟲語不休中宵誰汝令孤鴻
亦何苦犯霜度微明悠悠念群動百感忽我并大化倘
不爾吾其免營營

寒星挂疎林夜色翳餘暝鷄聲驅行客出門路方末亦
有山中人熟睡初未醒而我立於獨婆娑玩光景一笑
天宇青此意君自領舉頭見殘月葉脫知深秋今我曷
不樂歲月如驚鷗常憐古志士辛苦歌飯牛空山夜曼
曼政合秉燭遊臨風振吾衣蕭瑟不得留小立殊復佳

澗水鳴幽幽

陳生詩

陳生少也孤秉志何軒軒讀書奉慈母承顏郁春溫元
然處膝下不間晨與昏叢叢萬井中陳生深閉門暉暉
百花時陳生不窺園常恐去左右或乖覆育恩一朝抱
長痛飛霜墮秋萱鹽酪不入口日夜涕傾盆欲娶弗及
養矢言終不昏尚賴百歲後兄子父所孫朝來遊子衣
忽逐東風翻世方醉糟粕何庸薦犧尊陳生顧謂我是
事安足論幸託山水窟放情詠蘭蓀嗟今學步者觸險
爭飛奔願爾利鋤鏹深斲六籍根願爾進竿舫高泝百

聖源源長流自遠根大枝乃蕃勿搖崔嵬筆誇作礫硯
言弘惟孝與悌百行茲其元咄哉行勿休日月方云云
贈言豈予敢情真覺辭繁匪爲陳生榮庶感薄俗敦

述懷

端居有多感求志無餘營夙違金門路緬愛丹丘名謬
忝君子顧捧已厠群英卑棲念遠引窘步迷先征俛默
敦宿尚低徊阻平生伏枕倦中夜攬衣寄遐情上天廓
澄穆列宿揚光晶俯視林木改仰悲鴻鴈鳴跂子秉微
素十年守柴荆希世乖近務慕隱餘衷誠願言良時晚
庶保幽人貞

寄方子踐子發

窮居悵無遂徂歲聿載陰飛翹隕芳華候蟲厲哀音急
颺扇叢薄泫露棲喬林撫景慨往古端搯思繼今折蘭
間幽佩解纓濯清潄石林宵蔥蒨佳柏鬱蕭森遺世豈
予敢匡時非我任覽已謝高軌卽事念所欽纏綿阻道
里緬邈眺岡岑委懷竚芳訊貽好在規箴

寄俞子易

間居寡歡豫枉駕忻周旋清言邁修夜朱火銷餘煙嘉
會良不易鬱抱罄所宣揆余徇微業春冬屢徂遷著微
作往哲馳芳謝時賢睠茲企參益揮袂增慨然杪秋淒

且厲郊圻曠阡眠振飈卷飛藿積霧迷遐川契闊歲復
流瞻望情所牽存期尙勿奪輔仁庶不謬紫芝無新曲
白駒有遺篇矢心遂招要贈言比芳荃

東園晚歸

洪湏嬰近務超遙愛佳辰興言望東菑良苗藹津津鄙
人昧時趨曠途夙所遵幸遠簪組累稍欣田圃鄰兀兀
登故畦悠悠踰城闔理穢出新竹撼枯落荆薪夕日逗
遠川餘暉散衣巾疊疊觀物變依依念農人渠渠長者
言惻惻非賤貧

送凌吉叟杭州教授

浙水西八州惟杭實名都古來萬人海逐逐無賢愚况
茲百年後淳朴古不如翩翩誰家兒白馬驕路隅春風
樊樓醉一笑百斛珠亦有朱門家齊謳間吳歛綃綺散
煙霞繽紛被童奴可憐彼蚩蚩久爲紅塵驅頽俗如波
瀾孰障羣流趨又如敗屋壁風雨須人扶博士非冗官
豈卽無良圖當今歌舞場化作弦誦區行矣循所務辭
章信其餘春風摻別衣晴沙秀寒蘆何以贈子行白雲
不可呼聊持狂者言用比貂襜褕

送朱仲山之京

麒麟出渥洼意欲周八極芻豆豈不多未便甘伏櫪念

君抱耿耿坐視暄涼易忽辭白髮親去作青雲客應恐
鄧仲華笑爾長寂寂鄙人屬有念未辦經世策青燈雨
如綫窮巷方偏仄縣知摻斧斤不必睨樗櫟往哉布汝
懷庶用副前席勿云萬戶侯自可談笑覓百年滔滔內
跂路足南北出處會有爲聚散奚暇惜歌我辛苦詞送
子遠行役崢嶸壯士志慘淡游子色那無平生期慎爾
保金石莫將賈生淚先爲離別滴

贈葉審言別

昔人稱好士乃有黃金臺黃金亦何物顧用驕賢才葉
君披短褐志力何雄哉北走叫閭闔紅塵指崔嵬終然

無苟售自保同嬰孩車服非吾榮黃金直浮埃十年今
何官茅屋歌蒼苔豈無琅玕樹鳳飛故低徊一朝脫身
去歛觀雲路開葉君善自愛往矣毋嫌猜迷邦古所誚
豈第貴不回願言吐奇骨落落排風雷尙念窮賤者衡
門守蒿萊

舟中偶書

我舟合江滸水清石頽頽念此殊可嬉如何有行役沙
頭白髮翁捫蝨子晨夕茅茨八九椽終歲閱過客

晚泊釣臺下

四山環一水遺臺故嶺岼那無漁樵居政復不敢安舍

舟衝微雨憑軒俯清灣念昔乘興來無從寄游觀今我
有行役乃爾容躋攀山靈豈愛我爲解塵土顏落日奠
蘋藻清風聞珮環幽尋不可極林暝吾當還却去望層
碧孤舟生晚寒
登鍾山最高頂以三山半落青天外爲韻得天字
平陸漫千里茲山乃穹然猶憐布金地未卽辭喧闐巖
液散珠琲春岡走蜿蜒稍欣涉幽邃登頓衣屢褰路細
石礧礧崖深竹娟娟洞扉剝開廠峻峯指中天真探歷
欽崟垂蘿弱容牽碧潭隱光怪華雨標崇筵下睨飛鳥
背茫茫但蒼煙眇默園圃期淒涼雲嶠篇休駕將未能

惆悵春風前

休日集于城南

投耒從遠遊牽世爭明畧豈不有簡書未能置丘壑崇
岡近盤互春物紛照灼休沐集諸彥迂趾惠前諾稍空
林中尊復詠霞上作迢迢歷墟壠靡靡瞰城郭修陽蔭
晴渚野櫻散朱萼撫時悼推斥畢景顧棲託損益向子
明才能賈生薄睠言觀歲寒無將媿場藿
江左失其御強臣玩天誅歡娛一以乖狂獠無趨趨黃
屋播草野彤庭交劍爰事樞始誰秉捧首如奔狐偉茲

百世士死與二子俱孤哀耿未沫足以孚豚魚義旗果
東指白日開天衢孰最撥亂功之人或其徒伊昔大雅
廢清言鄙文儒禾黍已橫委衣冠尚舒徐屹然見砥柱
獨障狂瀾趨高風邈難攀捐生乃區區青簡煥遺烈蒼
榛闕幽墟日夕悲吹多天高年運徂世方用骯骯猶將
愧玄虛江濤渺在望雪涕空漣如

制司馬公祠堂

朔風破滄溟白浪無餘地可憐甘棠樹乃爾能蔽芾借
問誰所遺馬公古能吏當年印纍纍庶務劇于蝟藏龜
不待灼騁駿無留轡偏仄兵馬區藹然承平意晏安亦

聊爾國步方不易至尊又嘗膽壯士頻裂皆煌煌青冥
鉞可同牛刀試嗚呼豪俊人竟偃風雲志致身豈云卑
生世已其季安知潁川守遂非廟堂器嚴祠閉寂寥古
木合蒼翠平生辨香祝母乃兒女事如何百載下能墮
看碑淚未惟茂陵翁苦心抱天藝力耘耳有收黽勉觀
來齋渠渠桑梓恭喋喋市井議庶哉瞻前脩樹德母自
畏

送人赴廬陽學官

播非人所居潭陽實其鄰荒淫雜巫鬼哀怨餘騷臣念
子有新役水陸彌數旬乃知臯比座佇承文翰賓遐徼

指天末男邦控城闔俎豆當在列冠裳定來臻足明理
化盛演溢周窮垠廣陌望八荒出車日駢駢蠻荆孰無
適忠信惟書紳簡書有程期取別無逡巡揚鑣觸炎熱
振鐸驚遠人沅水春蕩瀟楚峰莫嶙峋行行慎其度離
別何苦辛

曉望

城頭鴉鳴曙起坐理冠幘開窓寫遙望煙霧竟川澤喧
喧市聲動漠漠井氣白如何山中人歲莫塵埃客
發金陵留別一二同志

盛名不易居直道我所遵雖在嘉遯志未渝白圭言罷
釣出滄海迴帆翅江濱城闔遠滅沒風水屢崩奔蕭條
故交地愴恨遊子魂始雷茂陽澤孤生限窮鱗沈翔自
殊勢衰榮實同根戰勝物可遺目擊道已存乘桴詎無
取絕絃難具論寄言同心子毋徒念加餐

龍灣夜泊

乘潮出遠浦日莫北風平高亭不可望遙遙笳鼓聲月
明寒鴈下江空夕煙生非關川途念沈憂坐自盈

敬亭山

昔窺謝公作今陟敬亭寺徵素忻始遊賞勝資深詣脩
脩綠水木宛宛交蹊術緣澗草豐幽颺松颺駛微鍾

響香障高閣浮花氣聿熏旃檀妙豈愛岑壑媚憑生實
內惕即事多宜聿息陰暎松檟寒芳懷芝桂海岳期屢
遷石林路深閱經營乖道要迫窄餘物累稽首調泐尊
尚飲無生惠

宿雲黃山作

束髮弄文史挂席去瀛壖邂逅乖良會擯落迨茲年息
景念生理洗心宿象筵恭惟上皇代異人祕靈詮宗師
既逾海茲山亦棲賢金棺滅雙樹寶篋絨紅蓮仰窺攝
誘功信知願力堅內愧實菲薄冥通未精專褰裳碧峰
雨焚香石林煙綵翠何紛紜苔澗窅洄公尋幽匪外適

蘊真冀重宣二邊離有無五濁空腥羶豈伊俄傾用庶
謝平生緣

重登雲黃山

茲山實靈奇吐納變舒慘太常闕弗錄名號何駢黜重
華秩山川盛典軼封疆遺侈綸綍濁潔羅醢醜腐儒
世所貸薄藝守鈇槩無能旅駿奔徒取肆游覽霖潦時
始收天地餘藹晻嵐光乍璘璫石狀終黓黓行行恣
屨往往得洼坎冒進誠近貪自畫將豈敢久之零埃豁
秀色坐可攬青熒插鋒鏑翕輭披菡萏崖奔馬駢駢石
踞虎耽耽高尋指天路幽矚極玄窞前行幾台背後或

兩髦髻綠岡既蹠踣登嶺仍輜轆舉頭塔廟湧地平忽
如毯天人所食息瓊玖化餘糝林輝寶燈燒風語金鐸
撼敗壁詩者誰漬墨亂濃淡險盡乃復佳疲極復何憾
是節蕤賓初野薦首昌歎煮瀑茶可啜剖石蜜堪噉名
談析毫髮苦語瀝肝膽理冥心自珍機湊首屢鎮陽烏
碧西翥衆色齊慘澹崔嵬識梗楠蒼莽辨葭菼暮投僧
所寰鍾鎗鼓統統羣居肅不吳其飯聲有噉迴睨夸奪
場撫事叢百感趨名蛾赴燭逐利魚投糝何時脫火宅
霍若頷去頷綺言息誦誦妙供紛醢醢于焉寄相羊庶
以忘坎壈誰云入道苦餘味需橄欖

秋夜觀書作

間居感時駛獨學難爲功眷言思古人幽懷極忡忡秉
燭起中夜攬卷來清風恭惟千載心皎潔懸無窮氓俗
自升降道妙非汙隆後來亦奚爲黑白紛相攻華芳昨
可悅軌轍何由通吾將離言說庶以觀其同所憂明爲
累不懼蓄不豐開軒視明河白月當天中怡然掩書坐
夜氣方鴻濛

覽元次山春陵行有感近事追和其韻以寓鄙懷
惟王始建官民命有所司奈何闕流薶束首無一施屬
者秋夏交上牀殊酸悲赤日紛按行人馬同時疲連阡

見標榜不救饑與羸仍聞咨鞭籌慘切傷膚皮檢覈須
再三供張常恐遲哀哀鬻兒女買買行安之感茲欲無
愬既往何由追尙慚噢咻恩稍緩租稅期云胡有倉卒
徵斂更相隨但將充其數肯復計爾貲肉食不自鄙謂
我非敢知棲棲甌石儲剝割無或遺言是鄰壤凶藉此
敷恩慈寧知是州人俟死他無爲出語餘喘息行步須
扶持猶令比樂士疾苦喘謂誰俛首州縣間道責自其
宜况迫大府令聯絡飛符移豺狼方在郊鷹隼宜用時
區區獮狐兔政爾何增虧吾賤不及議爲君陳苦辭
登錢山望菰城慨然而賦

吳興水爲州諸山若浮萍况此一培塿瑣屑世未名所
欣漁樵居乃與緇錫并種竹有萬竿結茅無十楹老僧
解人意蹤履能相迎芳草被行逕朱藤暗巖扃蕭條空
堦暮日照莓苔青循嫌所歷卑未極遊眺情聳身白雲
上始見春申城想當高會時樓觀飛青冥竭海薦壘勺
窮山羞鼎劔安知千載後寂寞無人行煌煌冠蓋區區壤
壤孤兔瑩歸來朱門客聽此松風聲

逸山過姚紫英別業

逸山誠復佳逸人不可逢何言一笑頃得此蒼髯翁今
晨過其廬碧苔滅行蹤坐我松竹間野蕪羅甘豐物無

驚世談頗多曠士風念昔去巖壑輟耕白雲中白雲故
無恙我乃羞樊籠祗應山林癖未易藥石攻高期出避
迨意氣將無同十年舊泉石忽忽蟠吾甯起視白日低
歸禽亂西東拔地森四壁攬天唯一峰復聞麻谷幽近
與金蓋通山態方屢改泉源殊未窮湫然一區內嗟我
何懂懂

次韻答蔣明府先生

文章不經濟耽書或成淫偶從長者游稍窺古人心不
琢豈非玉無絃孰爲琴歲宴燈火微江濶魚龍深願言
報嘉貺安得雙南金

和方韶父先生以蒲城風雨近重陽爲韻七首
掩書坐中宵堦空葉落蒲不見書中人蒼燈夢秋館
豈不有膏沐所慕非傾城翠袖日以薄勗哉歲寒情
棲遲憐繫瓜夢寐追飛蓬去去羊荊州吳帆渺霜風
當年白衣人賴以慰風雨不飲政復佳有酒無用潯
江瑤配荔枝勝處終不近好醜且勿爭天道有定分
龔叟遂已矣目斷山千重煙霞故無志勝會何由逢
寒華衰復榮東籬幾殘陽蟠桃亦何好千年期一嘗

金華北山紀遊八首

靈源

偶爲山中游遠過雲關宿蒼燈閃初夜雨氣蒸深屋時
聞清梵音窈眇松林曲

草堂

迢迢上方界水木翳清景山深不可留日暮衣裳冷淒
其懷昔游百歲嗟俄頃

二洞

仙山高不極萬古積蒼翠清興薄暮移遺跡洞天秘巖
阿春寂寥群仙勿子遲

鹿田

披榛度空荒突兀崖寺古幽花雜紅白老屋亞雲雨前

瞻石徑微咫尺不得取

寶峰

下山復上山躡蹻行沮洳宿雲冒長嶺旭日映高樹山
僧亦何爲獨向城闈去

潛岳

潘公古達人陳迹閔丘壑草生春晝長鳥啼巖花落神
交千載上未敢付冥漠

山橋

行行指水末路逐飛雲上時登巨石憇共聽春泉響尋
源竟莫窮即事成幽賞

寶石

暮投招提境明發首歸路舉頭望山椒遙認經行處重
重巖壑間蒼然正烟霧

中秋會宿浦陽江上分韻得仰字

嘗窺仙華錄勝踐心所仰蹉跎二十秋故爾勞夢想名
談出邂逅高槩餘拂彷彿至月仍圓別來山似長百年
空中絮此會知難兩欲去吾未能不飲君宜強露豈多
夕滋風竹留晚響岐路方悠悠云何稅塵鞅

龍山九日

鬢色滄海溼彌年窘將迎屬茲九日至緬愛龍山名欣

然得勝踐况乃群彥并碧蘿引幽策涼泉度飛觥志適
形可忘神舒體逾輕鄙劣竟何取醜顏結華纓登高謝
能賦徇祿慙歸耕幸此農事休萬寶咸告成庶竭一餉
樂持用夸昇平月出衆山靜天空夕雲鷺先民貴無荒
簡書今有程悵焉難久留振袂松風生

石臺分韻得下字

蒼山面長溪勢若飲奔馬層臺跨其脊萬古挹瀟灑
臨茲維要朋從未云寡迢迢歷榛莽靡靡眺原野白雲
與翠霧曾在履屐下窮秋向搖落霜菊故堪把賞心孰
無同幽抱欣已寫邈矣千載期銘山俟來者

雍熙僧舍偶書

幽牕悄無寐落葉不可數風驚葉間露中宵聽成雨起
視天正碧萬里若垂宇茲予亦何爲兀兀守環堵

送楊學正還餘姚

舜江吾舊游風物殊不惡江水天際來宛宛帶郊郭雲
帆渺沙渚翠嶂森樓閣別離不可念此日忽已昨想見
春水生烟柳仍濯濯君胡父去此三徑獨盤礴空齋耿
燈火月冷潮聲落近聞故人書遠致江上作白駒幸無
遐淮陽詎云薄招要忻良會綠酒春可酌采芹有遺篇
風雪多新樂因君訊同志何用慰離索

奉府帖賜高年帛晚宿孝義山中賦

棒檄去卅邑承筐布明恩詎敢期稅駕惟知懼乘軒時
春雨新已嘉木陰正繁農人有耕作羽蟲亦飛翻感彼
物情適念此王事敦悠悠迫長路靡靡窮郊原庶與遺
老逢幸聆長者言持以薦芹曝無慙貢丘園低徊白日
晚寂寞蒼山根吾行匪游衍此懷誰與論

遊西山同項可立宿靈隱西菴

薄游厭人境振策窮幽躅理公所開鑿遺跡在巖麓秋
杪霜葉丹石面寒泉淥仰窺條上猿攀蘿去相逐物情
一何適人事有羈束却過猊峰迴遙望松林曲前山夜

來雨濕雲漲崖谷縹緲辨朱甍禪房帶脩竹故人丹丘
彥抱被能同宿名篇聊一詠異書欣共讀蹉跎未聞道
龜勉尚干祿夙有立整期吾居幾時卜

送祝蕃遠北上

春風吹九衢卑卑桃李門明堂待松柏未失山林尊相
逢今歲寒是事無深論念子抱遠志此道夙所敦刊條
落其葉將使見本根痛恨日月微毅然闢浮雲奈何夸
毗子聚訟生紛紜瀛洲富才彥冠蓋如雲屯去去當遇
合美價傾璵璠惟須用卿法力行尊所聞丈夫必有事
寤主在一言上以裨聖學下以安元元我如鶴俛咏豈

復思乘軒子如搏風鵬本是天池鯤棲棲文學掾平世
何足云勗哉保令德契闊期無諉

陳孝子詩

南仲杭陳氏斗龍父所名家臨百丈溪父書傳考亭夫
亦人之子胡獨以孝稱維仲適母盛王實生寧馨盛謂
我已出無殊祝螟蛉仲父諱弗言王卒不自明睠然舍
之去呱呱聞泣聲年運日已往頭角稍崢嶸顛天乞殞
滅願以益父齡父沒盛亦亡弔影傷孤筴或乃告之故
曰汝王所生王居清湖上去此無十程時仲新捧檄精
廬擬橫經悲號棄其官肩輿親奉迎安知世代易人非

餘故城鄰有鶴髮嫗叩之曰始嘗言我與汝母少小俱
娉婷汝母生汝歸去作江東行不知今在無老我猶零
丁仲也聞益悲羸糧事晨征六年困逆旅冷雨啼青燈
譬彼無母雛投林輒哀鳴求豐有施氏大屋深重局於
焉得母處一夕相合并母子更抱持淚如九河傾三日
負母還盜賊方搶攘倉黃與之遇白刃紛交橫頓首前
致辭覩縷陳衷誠能令激高義相戒勿敢驚仲昔以至
行上天降休禎靈鴈旣群集嘉瓜復冬榮區區彼蝨蟲
豈遂無人情聖門語純孝厥有閔與曾未聞樹竒節謠
誦傳轟轟此道古或希此事今可徵我歌雖云俚庶感

蚩蚩氓

上京道中雜詩十二首

發大都

辭親獨行邁遙遙抵京國胡爲突不黔驅馬更遠適至
尊有時巡樹羽殷阡陌宿衛必近臣顧問須耆德陋儒
亦何知冗從同執戟草深原野青雨暗關塞黑寥寥盛
年意眷眷游子色一身萬人中敢不思努力

劉蕢祠堂

劉君古遺直祠堂在丘園嗟此豪俠窟文雄歛孤騫平
生二三策匪徼明主恩瑣瑣談得失無乃市井言馮高

一長望苦厭車馬喧微風過疎雨青山滿前軒陰晴倏
異態浮雲實無根悠悠千載心去去勿復論

居庸關

連山東北趨中斷忽如鑿萬古爭一門天險不可薄聖
人大無外善閉非捷鑰車行已方軌關吏徒擊柝居民
動成市廬井互聯絡幽龕白雲聚石磴清泉落地雖臨
要衝俗乃近淳朴政須託桃源不必銘劔閣僕夫跽謂
我無爲久淹泊山川豈不好但恐風雨惡

榆林

崇崇道傍土云是古長城却尋長城窟飲馬水不腥斯

人亦何幸生時屬休明向來邊陲地今見風塵清未忝
被行路牛羊散郊坰儒臣忝載筆帝力猗難名

槍竿嶺

憶昔賜第歸吾母適初度蹉跎歲月晚今辰乃中路居
人誇具慶游子慙叱馭茲山稱最高揚鞭入烟霧轟轟
多峭峰濛濛饒雜樹崎嶇共攀援躑躅頻返顧陳情未
成表登高詎能賦獨憐山下水遠向廬溝去

李老谷

緣崖一徑微入谷雙崦窄密林日易曛况乃雲雨積行
人望烟火客舍依山色家僮爲張燈野老煩避席未覺

風俗殊祗驚關河隔嚴程不可緩子規勿勸客

赤城

鷄鳴秣吾馬晚飯山中行何以慰旅懷赤城有嘉名灘
長石齒齒樹細風泠泠時見巖壁間粲若丹砂明溫泉
發其陽撫訶勤百靈前峰指金閣真境標殊庭白道人
跡稀青岬雲氣生信美無少留緬馬起深情

龍門

竦身望龍門緩轡行兀兀溪迴愁屢渡雨橫驚暴溢兩
崖儼相向百水怒爭出人言馬上郎快意每多失自非
渥洼種不得矜捷疾飄飄蟣蝨臣凜凜龜鼉窟皇靈重
覆冒利涉用終吉迴睨向所經千嶂隱朝日青林外盤
紆黃流中蕩瀟後來未渠央君子宜戰栗

獨石

解鞍及亭午稍欣烟霧收蒼然衆山出歷歷如雕鏤前
瞻一石獨靈宮居上頭頗聞去年夏水激龍騰湫走避
登屋上夜半齊呀咻幸茲溪澗中今作清淺流宴安不
可懷變化誠難求翠華渺在望行矣毋淹留

擔子窪

自從始出關數日走崖谷迢迢度偏嶺險盡得平陸坡
陀皆土山高下紛起伏連天暗豐草不復見林木行人

烟際來牛羊雨中牧颯然衣裳單咫尺異寒懊佇立方
有懷相逢仍問俗畏途宜疾驅更傍灤河宿

李陵臺

日暮官道邊土室容小憇漢將安在哉荒臺猶髣髴低
徊爲之久懷古增歎欻長風吹曠野飛雨千里至蕭條
蒼山根草木餘爽氣常憐司馬公予奪多深意奏對實
至情論錄存大義史臣司述作遺則敢失墜

上都分院

晨興過桓州旭日生蒼涼舉頭見觚稜金碧何巍煌洪
河貫其前青山環四傍暮投玉堂署鼇峰屹中央升階

旅群彥官燭分餘光琴冊森在側談笑來清觴列坐無
所爲陳詩詠黃唐帝鄉豈不樂父母遠莫將起視雲漢
低垂星爛寒芒南飛有冥鴻邈哉天際翔

遊寶陀寺

十年望滄海臨流不能度蒼茫歲華晚邂逅舟楫具拂
衣乘天風挂席隨烟霧且從蛟門發暝投翁洲住前瞻
積水深島嶼青無數梅岑特孤絕遙見日出處寄身人
境外矯首禪關路粲粲金砂石離離白花樹高期愜幽
抱歷覽增遐慕俯伏笞磴間庶與真靈遇二邊非可取
三觀何時悟豁然坐忘言目送寒潮去

雪竇紀遊八首

移舟泊泉口我行已信宿天寒洲渚生峰迴川途曲烟霞
蘭若高別墅在林麓攬衣待明發石路何幽阻日出不見人
林深但多虎乳峰稍已近恐懼那復數高人欣相迎山門帶
流水風生珠樹間月窺鏡池裏觸景遂成迷應接殊未已

幽尋指山榭崖傾忽如瀉俯身視木末懸水在足下冥
冥巖岫中宴坐奚爲者

亭亭妙高臺迥出千峰上怪松多十圍巨石非一狀心

賞孰與同昔賢有餘唱

蕭然上方境人稀知地僻中峰路難辨丹山雲仍積徒
聞古仙人石上餘足跡

詰旦逾西岡草木益深秀梯苔下絕巘坐石看飛溜陰
靈多窟宅欲往不敢又

興移初出山繫纜長汀樹夜來雪已深溪風水難度猶
疑鍾磬音遙遙白雲處

送曾止善孔廟司樂

周官重司樂典教專成均如何千載下實去惟名存之
子負遠志被褐徂冬春低徊不自衒保此席上珍小試

特豪末食祿同庶人幸與駿奔齒位卑號仍尊既殊仕
伶官况及游聖門金石方在耳頌聲未崩淪聞風苟有
作薄俗斯還淳嗟予領胃子四術空遺文鏗鏘尚莫辨
論說將何云臨分用自愧贈言聊具陳

同王章甫待制校文上京八月十五夜宿龍門驛
涼風墮黃榆萬馬皆南馳而我方北首度關及鳴鷄石
路更幽阻僕夫慘不怡徐驅待明發泱泱窮烟霧貂裘
者誰子恠我逢掖衣爲言霜露多遑遑獨安之我非不
自愛簡書今有期憶昔州縣間折腰向小兒荏苒二十
年白首初登畿同袍如燕鴻去住恒相違悠然慨平生

與世何參差暝投龍門驛高館臨迴溪青崖拱白月水
木含餘輝秋色故瀟灑我行殊未遲相從况魁彥烟若
珊瑚枝衰暮奚足云一觴聊共持

送鄭以道

鄭君不羈客漫仕常優游故人滿天上獨佐嶺南州嶺
南風土異去天將萬里駟騎如流星衆手挽不止到官
定多暇坐對梅花時溪石秀可硯泚筆成新詩詩成付
迴鴈動是春冬隔用儒行召君努力崇明德

送王君寬同年歸長安

昔忝膺薦送被褐趨上京蒙恩賜清問彙進陪時英東

帶仕州縣暫爲閭里榮蹉跎二十年來拂舊題名升沈
久已判存歿復堪驚忽逢王明府話舊欣合并蕭條逆
旅中書帙亂縱橫坐閱車馬喧澹焉若無營雖懷帝鄉
樂不受世網嬰寵辱端可齊去就一何輕空餘綿抱戀
猶軫故人情予方徇微祿未能返柴荆終然無補報白
髮日夜生如何同遊處餞此千里行度關秋風起落木
寒蟬鳴相思阻良覲惻愴何由平

題社左司西巖詩卷後

吾聞古達士大隱非山林如何鵷鷺間白駒起遐心遙
遙望故山此系塞繚以深峰巒勢交集積翠千萬尋園廬

在其下門巷常惜惜軒窓帶流泉花木久成陰春秣足
新釀亦有書與琴終然戀魏闕未忍投華簪平明奉朝
退粉署鬱沈沈披襟坐高閣獨對西山岑爽氣幸可致
塵慮安能侵勿云須吾土始用窮登臨異方苟同得視
古猶視今聊爲招隱篇往和巖中吟

題象山環溪圖

崇山標地靈萬古聚清泚堂堂故相家高風在高木仙
翁上天去逸響今誰續優哉四千石接軫飛華轂夫君
冰雪姿乃爾抱幽獨翩然來帝旁霞裾儼初服侍祠明
廷上厭直齋廬宿睠言懷舊居結構依山麓軒窓對晴

嵐林抄出懸瀑散爲百道泉噴薄翻珠玉餘潤之所蒙
杭稻豐比屋春事日向深桃源酒方熟往來無俗駕異
書仍可讀歸歎定何時專此溪一曲相逢京洛間紅塵
眯人目披圖覲佳致山水增新綠先賢止息處杖履存
遺躅愛山錫嘉名惠幸及樵牧于于後來者猶或被膏
馥安得從君游青雲兩黃鵠

題趙涼公瑞瓜圖

慶門集嘉况異瑞呈瓜田生五而成十竒偶出自然觀
物可知德發祥匪由天願言植靈苑永奉君王前合形
表同休雅詠流綿綿

歲晏

歲晏木葉落遙見東城隅雉堞鬱岩堯列屋何蕭疎悠
悠西南望赫赫金張廬退朝集冠蓋鳴珂沸通衢合還
多俊游並轡飛華裾顧盼有光彩行者爲踟躕俯慙筋
力微無從效馳驅日斜坐官舍還拂案上書緬彼川路
長感此年運徂遲迴不能去歎息將焉如

送陳太祝

夫君青雲彥早通金閨籍弁服勞駿奔執事謹朝夕忽
乘使者車意氣何輝赫將指固有嚴爲務本非劇經營
禮文事詎日期會迫定知多餘暇時復肆游歷向來佳

麗地觸目成陳迹西山獨偃蹇不改太古色相逢幾遺
老慷慨語疇昔芙蓉君子花足以娛使客我方守一官
兀坐如龜息當歸更淹留臨別增感激長風吹遠塵浩
浩千里白欲附南飛鴻安得生羽翼

送王鍊師歸四明

飄飄采真侶乃在四明山霞裾朝帝所瓊館留人間忽
聞雙鳧鳥却向東南還望之若流星邈然不可攀海月
照塔祀天風飛佩環我何苦羈旅冰雪生朱顏

集淵明句題李中甫負外稼亭

東方有一士客養千金軀束帶聽鳴雞出則陪文輿代

耕本非聖暫與園田踈園田日夢想投冠旋舊墟興言
在茲春新疇復應畚田父有好懷過門更相呼披草共
來往履歷周故居悠悠待秋稼時還讀我書雖未量歲
功栖遲固多娛此事真復樂此語真不虛餞送傾皇朝
歸子念前途前途當幾許直至東海隅古時功名士事
事在中都遙遙沮溺心君情定何如

集淵明句題胡王嘉樹軒

孟夏草木長霜露憔悴之藹藹堂前林冬夏常如茲嚴
霜九月中卓然見高枝如何捨此去白日掩荆扉深谷
久應蕪此蔭獨不衰龜俛六九年懷此貞秀姿常恐負

此懷未足爲高栖及時當勉勵慷慨思南歸親戚共一
處日夕歡相持披榛步荒墟登高賦新詩坐止高蔭下
一觴聊可揮從今至歲寒縱心復何疑

求嘉王君自製挽歌辭蓋能安死生而未忘情乎
死生者也集淵明句以釋之

自古皆有沒我今始知之居常待其盡逝將不復疑人
生無根蒂去來何依依既來孰不去奄去靡歸期復得
返自然人間良可辭何事空立言念此懷悲悽日醉或
能忘一觴聊可揮且極今朝樂千載非所知

丙子七月十七日同輝公登紫微巖汪生元明許

生存仁來會遂宿鹿由寺明日乃由山橋回至芙蓉
峯而別追念數十年間並游之士往者已不可
作在者又莫之與同兩生願能不憚其勤相從躡
屩行風雨中誠一時清事也第未知後游爲何日
同游爲何人撫事述情成二十韻邀兩生同賦奉
呈審言子長

吾年未及謝倦飛已知還乃復嬰近務無由縱清歡幸
與方外士相從巖壑間小憩遂深入詰曲披茅菅昔人
有遺躅縹緲青雲端高居匪結構異狀如雕鏤志怪固
無取懷賢邈難攀停策訪舊游欲去仍盤桓迅飈發中

夜衆木號驚湍涼秋變梓暑山深氣先寒泉石無改色
四時自推遷交朋半新故念之增慨然兩生亦可人環
佩來珊珊携手恣幽步流目窮遐觀時於林缺處遙見
城南山行行度危磴悠悠睇層巔凝陰闕朝采玄澤醜
神淵嘉穉日已豐藹焉滿中田覽物多所欣賞心殊未
闌後期孰與同良會當何年

湖上即事

垂雲晝濛濛湖面惟一色薄暮風更生際夜雪初積凝
陰勢方盛塵境喧暫息坐久聞琴音忽然破寥闕不
試院諸公西湖同泛分韻得儀字

秋杪景將晏天高霧仍披漾舟西城曲散策南山陞重
棘幸已撤累觴欣共持及茲酒不空未害席更移會合
非可常簡書各有期念之動予懷勗哉慎其儀

題清華亭

名區匯脩渚流望俯平陸飛雨天際來遠峰淨如沐生
香餘晚華繁陰藹嘉木秀色坐可攬終然不盈掬觸景
幽興多接物道機熟誰能與之遊食芳飲山渌

題松聲樓

長松四簷間落落無與伍天清嘯歌發肯作兒女語道
人有真聽無迎亦無拒尚不知有耳况覓聲處所起視

南山高明月在庭戶應念朝市人聞雞走風雨
送寧上人歸吳中
我如雲間鶴又厭雕籠養子如海上鷗初不嬰世網胡
爲逐吾輩飲啄勞俛仰得無坐書癡遂爾生技癢欲於
一毫端而現諸萬象重雲連夏秋雨點大如掌三州成
巨浸百水猶怒長倉忙揖我去風蒲映飛絮有形天地
間浮萍依浩蕩向也本非來今馬亦非往臨岐將何贈
詩境方渺莽幸子頗聰明莫作離別想

至正丁亥春二月起自休致入直翰林夏四月抵
京師六月赴上京述懷五首

夙予抱微尚漫仕遂浮沉決去不復疑甘以投華簪春
天動使星空谷發楚音倉忙遣就道載筆歸詞林弱質
幸小朽茂恩一何深義當不俟駕事乃違初心揖與親
友別長眺故山岑臨觴不能御朗詠巖中吟
揚帆越江淮河水來活活呂梁扼其衝石芒殊峭拔汴
河柁忽摧度洪纜遽絕前途總安流風勁桅復折兼旬
涉險艱脫命爭豪髮行行薄畿甸值此正陽月皇輿方
北狩前旌曉已發疾驅望清塵我馬不及秣出關歷峻
阪下視原野闊礪谿多縈迴岡嶺互盈缺舊遊如夢寐
古道無改轍經時春草變久旱夏雲執遠行誠苦辛儻

免蒙霜雪

信宿憇虛館平明玉堂開微風散靈雨階祀無纖埃良
會秩初筵芳醪湛罇壘內官出黃封飛鞚天際來承平
多故事鄙劣慚非才抃躍向宸廷慶雲鬱崔嵬乞身懼
再瀆戀闕空徘徊
日出旦氣清齋拔趨行宮周陟夾馳道大帳垂穹窿鳴
鞘下霄漢別殿臨薰風攝衣升玉除穆穆瞻睟容謁拜
未及已迴光赫重瞳詔使侍經幄通藉丹禁中斯榮非
所希十載庶一逢怵惕久復前旅進陪群公願因奉清
燕忼慷輸微忠衰遲力不逮勞心但忡忡

圓象無停運日馭轉西陸原野多歸人翩翩共馳逐念
昔居閑曹未老先納祿蒙恩列外監放浪湖一曲薄田
皆舊畝救廬非新卜白首重見招英遊並華轂寒松雖
復凋幽蘭豈再馥宜尼譏患失伯陽貴止足時暮復何
言終期返初服

仙華方先生析簡齊杏花消息雨聲中之句爲韻
賦山中社雨七章和者四人先生於第四章見及
顧未能屬和今五十餘年諸老皆已下地先生門
人在者惟朱仙仲山年八十矣偶逢春社興懷存
歿追次前韻以抒鄙情

貞居遠人寰屋老四山靜一翁屹靈光二季亦秀整
曉聞楓林鼓雨過鄰墻杏脩然發孤詠語盡意方求
昔年慟笑地古劔生銅花淒其懷故交中情亂如麻
全彼盛壯時緩轡揚輕橈吁嗟長星墜無復出漢巴
淮陰權奇士髀肉老始消長眉已雪色頰頰尚紅朝
朋游三數公於焉共逍遙平生經濟策忘言付詩瓢
卓哉全歸子離塵返冥極却觀人世間千載猶一息
贈言在吾耳風規良可則欲叩封禪書探囊竟無得
憶別青岳翁歸進江上鴈書札未相忘歲月遽如許
山長春樹深地閣雲濤阻詩筒杳不來今雨非舊雨

千華幾千仞峻絕臨紫清天壇瑤草合石穴陰風生
跋跋履未眷眷立壑情幸有一夔足雅歌續遺聲
前脩遂不作良友孰我同兀坐守章句獨學無全功
徒操五色筆隨人畫虛空悠悠感存歿惆悵百年中

五言律詩

寄方韶父先生

牢落江南賦知音寄渺茫鹿麋行處有芝草夢中香
遙興滄溟閣悲歌白髮長平生今古淚滴破綠蘿裳

雨二首

兀坐九十日雨聲殊未收花時翻益睡茅屋不禁愁
生

事吾何望春寒晚故留江波青滿眼萬里付雙鷗
泥潦今如此出門知路難蓬蒿春自長桃李夢曾看未
覺龍公倦誰憐燕子寒青燈耿蕭瑟千載入憂端

急雪下不止朔風終夜鳴飢蟲應蚤蟄老鴈故南征生
理真何計沈吟獨此情山中歲酒熟不飲竟須傾

送友人

鄉路三百里獨歸衣正單涼風紫洲水斜月白沙難燈
火期方遠關山歲欲闌倚門應望汝莫慢駐征鞍

寄友人

憐君山水意局促守柴扉故里悲秋草涼風滿
洲斜日晚白社幾人歸寂寞分遙念天寒木葉稀

秋懷五首

天末雲猶去山中歲欲徂周流吾道在歎息古人無野
鵲疑秋樹新駒怯暝途蒼茫念同志微薄忝爲儒

對酒高天豁登樓落日曛亂蟬悲暮葉老鴈赴長雲落
柘嵇中散棲遲鄭廣文身名竟如此碌碌竟何云

稍稍秋河落娟娟宿露微天清江不息野迥樹相依回
首狂歌數經心昨夢非流螢無思極巧入絳帷飛

仰古嗟無及關情極可哀禰生才見忌賈傅直爲災世

肯憐樗櫟吾曾悔草萊小詩聊戲耳何乃併生猜
風雨仍搖落江山且滯留懶從生事拙閑惜壯心休弱
蔓縈歌石空槎卧狀流興懷到微物世故劇悠悠

柴荆

赤日薄烏帽柴荆無定棲可能詩似錦乍取醉如泥薄
業慚漁艇深衣逐馬蹄蕭條江海興芳草故萋萋

憑軒

信有儒冠誤憑軒意欲迷山深風雨惡天闊羽毛低它
日開炎瘴連城送鼓鼙荷戈吾媿爾未敢歎塗泥

風雨

風雨忽如此閉門方晝眠故應爲計拙可復要人憐燈
火羗村路桑麻杜曲田悠悠今視昔把卷一茫然

山中懷友七首

大府趨群彥脩才復壯齡汲瀾開白晝羽翼動青冥弱
質悲殊調明時敢獨醒未妨茅屋底寂寞抱遺經
望遠空山裏天寒夕夢孤林昏行魍魎江晚變靡蕪風
雨憐同病塵沙感壯圖向來懷古意迴首未能無
踈放誰容我交遊重得君論文輕咳唾問俗到耕耘一
咲能青眼相思有白雲春風動閭巷還往謾紛紛
何事虛齋裏猶分首宿盤高林容偃蹇衆翼避扶搏黑

夜文星動青天劔氣寒終南山正好那得悔儒冠
自是麒麟種卑棲又幾年故廬南雪下短褐北風前歲
暮山林瘦天高雨露偏肯同兒女輩俛仰事春妍
卓犖恒山秀相逢幾抱琴五年風雨別四海弟兄心雪
外梅花遠山中桂樹深定知嵇叔夜高興萍雲林
洛社推年少清才照士林春風何處客芳草獨行深遣
墨收秦刻新吟學楚音別離無一字目斷白雲岑

悼雙林栗上人

飛錫遍諸方棲身復故鄉年隨雙樹老人與一琴亡暗
草迷春塔疑烟鎖夜堂瀟瀟今日雨誰炷影前香

社日重過方子踐

東風吹客衣長憶見君時一別鷲雲散重來與燕期春
深今雨夕花老去年枝莫待空山裏青燈有所思

聞子踐卧疾

吾子仍多病何人共解頰水聲和藥臼春色閉松關積
雨連三月懷人劇萬山同遊况零落浩蕩可追攀

和吳贊府齋居十詠十首

焦桐

憐爾抱竒質無香亦自焚材高初偶得音苦竟誰聞天
海空遺操永霜見裂紋中厨方煮鶴終得舍夫君

嘉簡

六籍灰寒又名山餘舊藏漆痕微有字芸草寂無香後
死嗟猶及斯文豈遽亡世方珍貝葉掩卷一淒涼

破硯

巨璞何年鑿磨穿偶至今線紋虛綠潤雨氣失玄陰
瓦礫看無異塵埃積轉深明光幾携入往事復何心

殘畫

勝境不可得微綃餘舊圖丹青初彷彿塵土半模糊
蝶飛疑去波濤圻漸無良工今豈有爲爾一長吁

舊劍

憶啓蛟龍匣提携徑出門紅塵走馬處白日報人恩
歲月銅花澁雲烟斗氣昏淒涼中夜舞回首暗銷魂

塵鏡

古鏡色如墨千年獨此留玉臺塵網暗珠匣土花浮
莫笑塵埃滿曾令鬼魅愁盤龍驚已化雲雨夢悠悠

廢檠

不解照珠翠早同文字盟何言中路棄無復向人明
雨宿高齋夢秋吟廢館情相看幾今夕及此慨平生

敗裘

襲爾亦已久霜風兩袖穿甘從穉子笑未受故人憐
雅

製餘前古深期在暮年素絲今化盡念汝獨依然

斷碑

零落秋風卧何年廢廟碑圖經愁莫載耆舊說頻移野
燒龜趺失荒苔鳥跡疑遙知千載後拂拭轉堪悲

卧鐘

龍虺久推折沈埋奈爾何咍民誰睥睨野衲自摩挲雅
奏多年歌銘文幾字訛斜陽荆棘裏長伴舊銅駝

過謝臯羽墓

識子今無日風流可復尋山林餘楚製弟子解闔音滄
海他年夢青天後夜心平生匣中劔零落遂如今

元日即事

回首人類異興懷誰與同塵埃欺白苧歲月入青銅雨
急蒼范外春生浩蕩中長憐故園樹一一受東風

八詠樓

懷古荒碑在登樓晚望餘秋陰垂野薄江勢抱城斜天
地悲遊子冰霜感歲華紅塵吹裋褐歸興及清笳

溪南即事

莽莽長川去行行薄暮時山光連睥睨寒色入旌旗夕
鳥歸飛急風帆逆上遲世情關物理俛仰寄長思

明月樓

遺堞何年有飛甍壓上頭鼓鞀分大幙香火望靈湫曲
岸舟如矢遙沙樹欲浮登臨且吾土未敢恨淹留

含香道中

殘日亭猶遠輕風帽易斜稻畦低沒鶴草逕曲行蛇經
世知無策謀生會有涯殷勤理黃菊留眼待秋花

懷揚仲弘

離別驚如雨蹉跎媿後塵祗今才有數多爾術能神王
唾春風濕煙霄碧樹新謬慚推吏事吾敢望平津

八詠樓遇方子踐

風雨三年別登臨一笑同綠莎垂古井碧瓦映疎桐世

故違高枕吾生劇轉蓬相逢感疇昔出處愧匆匆

杭州寄子踐

樽酒何人共春光著處同乾坤容野馬歲月失飛鴻俗
眼能無白風花故自紅向來常處士早已負諸公

次韻答子踐

不謂飛霞佩珊珊然寂寞濱相看今雨夕漸近長年人往
事驚如夢何峯擬卜隣平生千里駕還往得辭頻

劉聲之爐亭夜話

儒冠寧誤我壯志自多違昭代尊經術先生尚布衣清
言今夕共大隱昔人稀預恐蒼山麓無從候少微

言今兩三首
湖闊雲如積，天空雨正豪。
風颺蕪晝夜，井邑帶波濤。
茅屋垂垂破，漁舟故故高。
何妨張仲蔚，環堵自蓬蒿。
釋子吾憐汝，泥行去不難。
憑闌真自笑，高枕敢求安。
天地三辰遠，江湖五月寒。
好將遮日手，却把釣魚竿。
田父愁何訴，龍公怒未休。
千畦沈翠羽，百水散黃流。
小市猶長閉，孤城併欲浮。
誰誇補天漏，此事恐悠悠。

金陵客舍漫書

不擬芙蓉珮，終然桂寂寥。
百年多事始，千里一身遙。
巢燕驚華屋，講鷹望亦霄。
蒼叢桂樹愁，絕小山招。

陪仇仁父先生登石頭城

談笑逢諸老，登臨失故亭。
薄遊成汗漫，高步覺崢嶸。
峽水通吳白，淮山入楚青。
平生一盃酒，及此慰飄零。

抱琴

三尺枯桐樹，相隨年歲深。
此行端有意，何處託知音。
隱青山夜，寥寥太古心。
空携水仙曲，更向海中岑。

吳贊府挽詩三首

鶴去愁滄海，鴻飛困朔風。
冥冥方獨往，已已竟長終。
莫樹還鄉劍，真隨厭世弓。
向來曾慟哭，不是爲途窮。
百代龍川子，風流見外孫。
餘生唯白帽，舊業自青門。
浩

蕩期千載蒼茫哭九原仙華雲縹緲愁絕刻舟痕
懷古餘哀思憐君尚典刑清談無俗子白髮死遺經客
社荒春夕鄉山隕夜星夕陽隣舍笛悽切可堪聽

春日郊行雜興三首

忽忽時頻異垂垂花正繁登臨聊極目出處可忘言風
急江光亂春濃野色昏舊游嗟契闊覽物思空存
五畝清江曲爲農計未踈那無經世策宜付絕交書野
笛吹頻歇漁舟去若虛十居能有待天地本吾廬
高興真誰共佳辰祗屢經天清風細細花遠樹冥冥勝
事今非昔狂歌醉欲醒終南飛鳥外一髮向來青

次韻答友人

十載論交地才皆第一豪江湖嗟契闊風雨夢蕭蕭騷趨
走知無力標題敢自高期君養翎羽一擊可徒勞

九日登石頭城

背郭翬塵遠高秋川岳清幽懷初曠蕩陳迹故縱橫遙
望龍盤舊長憐蟻穴爭緝園隨處闢粉堞向來傾發草
窺簪并看碑驗故坐門開蒼耳路亭愛翠微名遠樹淮
南出滄江鳥外明人煙川浩渺風物歲崢嶸吹帽仍佳
節傳觴但老兵愚生雜蛙黽浪走媿璜珩去去帆檣盡
蕭蕭蘆葦鳴登高未成賦覽古獨含情政復哀王粲何

堪厭襍衡敝廬滄海曲日斷白雲生

寄李生

有美維仙李孤標見碧梧高門留雨露短褐混泥途姿
悍寧爲小機深或類愚洗心須具葉游藝及擣蒲政爾
難藏穎幡然獨抱竿從容觀近效僂俛事群趨稍廢琴
心曲能操牆背書誰將窮罔象莫使避珊瑚它日逢何
暮清談動至晡醉醒勞問我喜怒得令渠契闊江湖迥
漂零歲月徂青雲悲捷徑白日仰亨衢秋社扮榆外南
包橘柚初飛騰如借順能勿笑蟾蜍

次韻答陳君采蕪簡一二同志六首

憶昔雙溪上相逢暮雨時交游傾意氣談笑挹丰儀草
草中年別寥寥天雅詩受材知有分豐嗇竟誰司

不謂飄零日求賢網四張胡然卑小技乃爾闕孤芳寶
唾非無色江鴻詎有行散材何所似徒愧飾青黃

十載西州客論交著處新時時談述作一一望光塵澹
月銀河曉暄風玉樹春幸令窺髮鬢微薄尚何伸

默守知存道清言不廢儒身方同木石名已在江湖此
士須前席何人屬後車唯應畊釣者縹緲識霞裾

尚想南歸始簪花出禁闈塵沙迷故步桃李借餘輝有
日酬天造終身返布衣風流成二老巾履倘相依

亦有貞居子難忘太古情詩筒來絕響茗椀出新烹
落筆傳意蕭條異代名無爲念離別惆悵不能平

洋山夜發

蕭蕭洋山暮倉忙拜水神吹噓端有力漂泊竟無津
黑夜魚龍界皇天蟻蝨臣生還如偶遂敢憚歷微辛

陸氏水軒分韻得揚字

高會軒楹敞清秋笑語涼行雲隨度曲野水映飛觴
坐挹才華盛衰慙鬢髮蒼新詩穿窈眇何力共游揚

寄黃伯陽

摻別逢春雨移舟落夜濤忽驚滄海大轉覺碧雲高
揚

子多奇字玉祥忝佩刀深情空繾綣短髮正刁騷

送陳養直歸四明

迢迢淞河水同渡不同歸執袂方成別驚帆已若飛
野橋行屐酒風雪去時衣瞻望嗟何及天長鴻鴈微

送胡允文紹興錄事

斯文千載後一髮渺存亡尚喜衣冠舊能傳翰墨香
春秋嚴助對富貴買臣鄉莫厭官曹劇諸生在鴈行

讀陳制幹遺事

歷歷青雲上飛揚彼一時深春曲江宴清夜郾城詩
老去山河在仙成日月遲空言徒有託千載欲誰期

去山隆山牟先生挽章

井絡收英氣文昌返列星能官須伐閔仍世覲儀刑漂
轉逾三峽森扶並五丁芝蘭紛消砌橘袖歛充庭它日
看空櫪羣公羨發硯鼎湖驚掃迹華表訝摧翎風物嗟
王粲心期託管寧乘桴良已後抱瑟匪求聽此道誠何
病明時忌獨醒迢迢瞻北極袞袞化南溟薦剡多新墨
恩袍祇舊青故應氈座冷不愧草堂靈食糜餘深味縣
車及暮齡一朝傷永訣千古闕遺經謬忝鴻私久徒增
雪涕零無辭歌薤露有恨寄泉扃

入京道中寄同里諸友

十年州縣底及此望京華客路時時雨春江岸岸花何
方堪報國將老更浮家可得同携手山顛復水涯

送句龍提舉之雲南

獨抱文章印驅車背朔風行歌萬里別聲教百蠻通列
郡創殘後諸生色笑中誰當偕計吏封殖待新功

題天童疊秀軒

名山標巨剎樓閣在青冥別路通禪窟當軒列翠屏
暝禽多雪色偃樹盡龍形負土新成塔非才愧勒銘

登酉四月同子長至赤松子長先去遂獨宿智者
之草堂已而子長與正傳俱來同出靈源詣鹿田

遊三洞遠過山橋至潛岳謁故中書舍人潘公之
塏復廻智者而別

昔共張公子翩翩訪赤松重來經兩紀獨去宿孤峯古
木蒼波映禪房側徑通夕陰千嶂黑人靜一燈紅幸及
軒車會寧辭杖履從相看如夢寐健走愧兒童春盡山
仍好林深磻忽窮天低時墮雨寺遠但聞鍾第古田無
痕探竒洞有龍幽尋穿窅窳高步踏玲瓏靈草多成藥
踈篁不作叢嵐光凝曉曖野色在空濛下瞰疑無底言
旋復向東巖阿婁斷磴烟外落飛淙細路緣苔磴危橋
跨石罅泉依山曲曲雲與樹重重巨剎縷名岳穹垣護

畝宮倚闌斜日下入室老僧逢零落螭頭黑荒涼馬鬣
封不才待薄祿終古望遺風弛擔雲關裏傳觴雪峽中
追隨尋道侶述作付文雉急景真流電浮生尚轉蓬後
期觀歲晏來往意憧憧

送簡縣尹

簡氏多兄弟才名萃一家嗟君本朝士出宰向天涯度
嶺三冬雪行春一縣花應憐未歸客鞍馬尚風沙

送趙仲理御史

籍甚聲華舊頻年沐盛恩校書天祿閣執法太微垣攬
轡炎埃豁揮豪玉露繁庸踈徒自笑投贈欲何言

送趙宗吉御史

憶共趨龍禁驚聞正豸冠汗顏居館下墻首望臺端去
路黃河直飛霜白日寒仙舟如可託歸理釣魚竿

送馬伯忱教授

卓犖青雲彥飛騰及妙年書成天祿閣座有廣文擅九
陌車塵外千軍筆陣前白頭慚倚席臨別思茫然

送王道一郎中

使者下青冥郎官動列星揚旌開瘴癘持斧用雷霆遠
俗難馴化儒臣解引經無如多註誤能勿望平亭

送宋顯夫憲僉分題得邵怡祿

謝公千載後陳迹在淮孺遺愛傳終古嘉名配昔賢藕
花方爛熳使節莫留連移取甘棠樹分栽郢水邊

送宋翼卿照磨

莽莽關河路西征獨據鞍借材蓮幕底養壘栢臺端指
日傳溫詔朝天正法冠廣平心鐵石寧禪朔風寒

送潮陽蘇縣尹

夜水藏蛟鱔秋天卷瘴雲田多陶令秫石有大蘇文巧
宦誠為樂修才況不羣尚煩驅筆陣時復張吾軍

同劉遂初脩撰周伯溫編脩任大瞻經歷王繼志
架閣西山行香次初韻

仙馭賓天久衣冠此出游祇園金地古汾木白雲秋謁
拜陪諸彦躋攀展寸眸始知山水窟近在帝王州深岫
歲青靄平蕪映綠疇層臺臨太液環海像瀛州粵自遺
弓劍無從望鞋旒明庭虛次舍綵纜舊維舟陞戟盈千
列靈輿副九旂祠官偵伺謹中使往來稠備禮兼今昔
求神遍顯幽琅函開貝葉王瓚薦黃流盼蠻人天合輝
光日月伴遙看陳羽衛疑是問龍樓花雨繽紛落香烟
泱泱浮重關羅虎兕簇仗擁螭蚪去去簫聲遠微微扇
影收清都成夢境塵劫等浮漚歸逕綠湖尾殘陽掛樹
頭舉盃相慰藉分席暫淹留物色迂行轡風寒龍敝裘

迴瞻天路未坐感歲時周戀闕慙衰朽非材墮謬悠詞
休富鴻藻珍贈苦爲酬

題道士熊君壽母詩卷

跨鶴出山中春衣密密縫度關占紫氣賜酒拆黃封介
壽慈顏喜承家積慶重蘇耽却來石石上有仙蹤

題石門淨勝寺

十頃蒼陂上山迴地勢偏屋樓黃面老碑掛赤烏年葉
葉風荷顫層層雪瀑懸青燈夜寒聞獨照一僧禪

初至寧海

地至東南盡城孤邑屢遷行山雲作路累石海爲田蜃

炭村村白椶林樹樹圓桃源名更美何處有神仙
縹緲蛟龍宅風雷隔杳冥人家多面水島嶼若浮萍
海鹽煙黑淘沙鐵氣腥停驂方問俗漁唱起前汀

試院同諸公爲主試官作

右轄升庸日秋闈獻藝初端居煩坐鎮妙柬備賢書憶
昔興文運惟天啓聖謨教條行九有學業出三餘儒術
俄中否詞場遂久虛綸言何噩噩髦士共于于吐握承
謙德飛揚感壯圖至公留藻鑑成物待洪爐蕭穆華星
聚涵容化日舒誰歎隨計吏行矣聽傳臚橘柚天庭貢
參苓相府儲鋪張須鉅筆衰朽媿荒踈

試院同諸公爲監試官作

文治回亨運群言協虞謀設科存墜典傳詔及遐陬風
動黃簾曉霜飛白簡秋迂臨宣上化精察副旁求懷牒
魚鱗集摛辭繭紕抽按行承獎飭鼓舞望甄收冰鑑垂
清照淵珠免暗投充庭先品物入殼總英游奏自蘭臺
上名依挂籍留神仙司下土桃李在南州使節光華盛
公堂禮數優無能禪末論傾詠獨綢繆

游法華山回宿樓氏書房遙望高頭陀智者國師
道場上清五雲龍壽諸山而未及至其處贈同游
傅生國章

故廬湖山曲門對法華山百里空荒外三峯掩靄間倦
游煩汲引闊步強躋攀老怯高寒境非緣興盡還
小憇虛齋夕何人笑語同青雲一才子白髮兩衰翁節
物逢春好名區有路通未能窮勝踐健走媿兒童

過來康桃巖

立石平如削飛雲近可梯莫窮千古勝但惜衆山低靈
草經春長珍禽隔樹啼人言舊朝士感事有留題

五言絕句

山中偶題

古苔隱石色寒花明藥叢有時白礪雨終日青松風

夜坐

涼風動千里孤坐思滄洲白露洗明月青天此夜秋

題趙公畫蘭竹

倚蘭幽人操綠竹君子德天天彼棘心胡爲久吾側

題馬虛中畫

人在白雲處舟在清溪曲不聞欸乃聲但見山水綠

重刊黃文獻公文集卷之一

[Faint bleed-through text from the reverse side of the page]

重刊黃文獻公文集卷之二

門人 宋王濂 全輯

後學 虞守愚 全校

溫陵張維樞子環重選
會稽王廷會培菴補訂

七言古詩

可憐行

紅顏白面可憐子杖藜飢走荒山裏翠眉新婦雪色兒
掩袖嬌啼瘦如鬼道傍朱門照霜戟腸斷汝翁呼不起
金魚象笏供樗蒲紈袴終然愁餓死春風秋月哀思多
嗟汝少年柰老何

崑崙歌寄吾丘子行

[Small vertical text on the left margin]

翠鸞啼雲天四垂花龍雙雙神姥歸金僊憶君淚如水
昌陽落花青蘂藥曾城珠闕揚素氛開明信信環九門
羲和走馬不待人鯨魚吸海衆生塵若有人兮悵脩阻
紫玉參差老鳳語笑揮如意教雲舞雲間鶴雛生兩羽
歸來歸來勿蹉跎秋風吹折玕琪柯

梓山行贈桑生

昔聞山中采藥翁問姓但指簷前桐君家本以桑爲氏
胡不種桑翻種梓桐君采藥不學醫桑君學醫兼采詩
朝來索我歌梓山使我閣筆頻指頤問君梓樹家何處
青山難尋夢中路但見清風兩袖寬詩筒戢戢多柵樹

長歌短歌亦奚爲坐看藥籠懸珠絲種桑種梓俱有術
也應無術醫君癡

采芝曲贈永嘉林道士

碧峯矗起三十六老芝千年琢紅玉帝遣仙人下采芝
迷花失石憺忘歸忘歸幾載無消息蟠桃積核高數尺
何日青牛駕爾還肯念金華牧羊客

金華山贈同遊者三十韻

杖藜初出城西門萬株紅葉如雲屯芙蓉峯前問行路
宛宛一線隨潺湲水聲漸遠山漸近弱蘿纖葛手所捫
須臾橫側變峯領高岸忽復爲平原細泉瀏瀏竹竿直

石樹駢立疑同根剝金敗碧逢廢刹猶以第一名其軒
天明獨去弔遺迹玉女委蛻空丘墻樓居西起望明滅
石扉呀若山之樊罅幽穴險徑沮洳膝行匍匐不得奔
剝觀崖广架寥汰雙龍遶雷蟠蜿蜿紛綸怪狀滿巖腹
熊虎踞伏鸞鳳騫其餘瑣細無不有形求像索難具言
前趨林麓却下絕俯矚九地窮涯垠青枝翠羽不復辯
但聽風水聲喧喧高燒松炬度其背珠箔忽隨華燈繁
聳身上出指絕頂碧桐高下彌山園遙穿蓬艾蹋雲雨
險艱從此不易論秋毫細路莫容足下瞰不測傍無藩
怪藤如鉤草如劔舉首仰歎愁攀援山翁頽之笑引臂

前牽後接猴與猿馳坑跨谷欹側過背汗喘息逾包燔
陰沈古洞閔星日雖有寒暑無朝昏却行左轉復深入
愈覺慄慄搖心魂珠纓縹緲現滿月稽首大士天人尊
拂衣徑逐飛鳥下青山出沒波濤翻或云漢人隱身處
彷彿肩背餘苔痕蛇蟠磬折又數里龕巖十丈開墉垣
夜歸草堂殿突兀坐看雲月吐復吞怡然携手盡文士
頗覺筆下來源源名山石室如可託幸子歲晏來無諼

送俞觀元

寒窓讀書吻政悲坐聞剝琢走啓扉衝風蹋凍至者誰
俞子訪我繇剡溪相逢把辭語移時婦女驚咲群兒疑

俗物病我不可醫眼明見此珊瑚枝朝來贈我天馬詩
忽然掉頭去莫羈鼻端氣息干虹蜺詎能折腰向小兒
文章枝癢聊爾嬉策勲聖處今毋遲繫我愛子莫助之
臨岐躑躅徒嗟咨

讀清江集

元祐儒臣煥星斗後有作者非其偶二龍三鳳何續紛
况乃淵源魯中叟適從塵編識英爽想見世澤餘忠厚
長公平生二三策大廷披腹驚群后風流斑斑仲與季
茅茨采椽絕丹黜獨追古昔寓陽秋稍挾疵瑕到瓊玖
却蟠餘力歸賦詠古硬清圓無不有爰物人文啓河洛

下逮百氏分戶牖空言可託匪末藝巨筆待援須好手
典刑未墜乃至今吾生已幸何云後青燈照夜兩如線
輿論微辭煩擊剖追慕政復慙捧心贊美胡能付鉗口
從遊起死不敢期儻挹殘膏注空朽

題李坦之詩卷

神仙中人世莫識政以文章為戲劇李生也復可憐人
手鍾螭梃待春色山空歲寒誰念汝青楓墮影霜露白
遠遊賦成一朝去翠蓋雲棋暮何適蓬萊烟霧秋冥冥
鄧君白鹿無消息袖中驪珠三百顆夜深勿近蛟龍宅
金華之山青矗天山人看山忘歲年黃精芝草幸可食

安得與子巢其間石牀醉聽松風眠無為長歌怨如哭
使汝惻愴凋朱顏

甲辰清明日陪諸公入南山拜胡侍郎墓回汎舟
湖中作

日終甲子斗直辰持觴遠酌胡侯墳兩漿赴鷗背城闈
四十有四同州人半為吳語如李真湖窮岸出水陸分
舍舟登途指嶙峋少年健走黃犢奔或乃喝道驚春雲
老翁繭足仍後塵解衣徑眠草為茵前趨一里趨廟門
杖藜不得辭微辛嚴祠高居絕四隣傍為一丘標石麟
升階鞠躬羞藻蘋拜興有相祝有文亦或稽首稱諸孫

歸途探幽挾荒榛下睨塵上多蟲蟲放舟催發無逡巡
勝賞莫許窮涯垠開蓬列坐羅羶葦託名鄉飲無主賓
誰歟解事強討論欲以窮達為卑尊美人今代王右軍
口吐秀句天葩芬鴈行拱立何紛紛爭言我公詩絕倫
龐眉被褐兩山民閉目宴坐方申申艤舟黑亭鷓噪昏
晴楊吹花灑衣巾裁詩紀實聊云云慎勿浪傳來怒嗔
送傳主簿

吾聞上古之士比屋皆可封有材不必登王公可憐衛
青日尊貴飛將自老風塵中傳公平生經濟手却抱一
生今白首隨人騎馬著青衫爽氣如虹射牛斗出門大

笑望長安長安萬里行路難行路難知奈何贈君一杯
酒請公聽我歌崑崙之山兮高巍巍黃河之水兮清有
時洛陽少年休太息東山謝公來未遲燕昭之事不足
云陛下聖德如華勛願公功成名遂身早退曾連小兒
能笑人

茗溪風雨中章德茂同泛

黑風翻江白雨傾檣歌柂側斷人行此時惟我與章子
孤舟蕩漾煙波裏蒼蒼楊柳黃浩歌擊舷興彌長翩然
一葉恣掀舞青山白塔頻低昂朝過城南暮城北舟人
問我將誰適章子掉頭作吳語秋水夜來深幾尺忽看

大字標竹林寺門對水仍陰陰敲門見竹不見人竹間
翠石何蕭森迴舟少林雨如注四顧冥茫但煙霧魚鷺
龍躡吾不知披蓑却入菰蒲去岸傍群兒拍手呼笑言
狂客世所無嗚呼古人今則無後來視我知何如為君
留此有聲畫題作扁舟煙雨圖

次夫由茗溪出大湖抵陽羨十四韻

首陽山人餓至死陶公乃為飢所驅大賢出處自有意
腐鼠何得疑鷓鴣誰初令我墮世網久抱礫石行崎嶇
今晨笑與親友別煙波泱泱扁舟孤穹天大澤合為一
回睨人境茫如無向來蟻聚安足戀而取窘束同囚拘

暮投高館燈閃閃坐談姬孔歌黃虞是間幸可容一息
孰與臣朔肩侏儒汗顏俛首飽腥腐咄子所樂非我娛
故人殷勤入我夢云我作計陋且愚此生通塞久自斷
豈憂一勺忘江湖春風二月花蔽野珊瑚玉樹唯空株
丈夫兒女各有事爲君起坐生長吁

次韻方子踐雪中見寄

前年江南雪一尺腐儒共走誇三白寧知有客卧欲僵
凍骨稜層撐鐵石今年復此雪塞門江湖無處浮言樽
野風蕭蕭日色死看人射虎蒼山根牛衣覆寒夜復夜
金石餘音慙慰藉平生萬卷定安施一甌送我當渠借

題陵陽牟公紫陽方公詩卷

兩翁風流掃地無文章光燄埋丘墟紛紛小兒政疾走
安用佩玉飛長裾憶昔登堂三十載夢想時復瞻眉須
昆蟲閉關水返壑孰使驪龍道領珠願言保此勿輕出
幸免兒輩相睚盱

題大瀛海道院

丹山之山青崔嵬隱居舊隱山之隈千年土鼎爲誰出
深崖古像松聲哀鴻飛天上爪在雪過者莫睨君能來
想當月斧乍揮霍奔走屬役皆仙才卷藏瀛海歸一粟
願盼瞬息生風雷森然幻有啓神界白日照耀金銀臺

昔聞使者茲入海樓船煙霧何時迴君其置此勿復念
少須碧水揚黃埃九重夔夔陛下聖方士未易誇蓬
萊琳宮貝闕長望幸天高海闊心悠哉

陽山昱上人訪予吳門寓舍求爲湘竹詩予辭以
未見竹上人不遠六十里自山中舁其竹而來好
事有如此者欣然爲賦長句

道人來自陽山麓手携舊種千竿竹小裁方斛不盈尺
中有瀟湘江一曲未信天工能爾奇不知地脉從誰縮
晴窓脩脩散烟霧眼底森然立羣玉豈期我乃累此君
蒙犯風埃走塵俗故山方遠重愁絕新句未成慙迫促

黃岡之產大中椽政用材美剝其腹願言保此終天年
歲莫山中伴幽獨

杭州送兒姪歸里

空江月滿潮聲怒二兒勇踏潮頭去故園天末渺予懷
夢中識汝歸時路起向江樓遙望汝江上青楓正霜露
涼風颯颯吹汝急櫓搖背指龍山渡翩然一葉舞中流
嗟汝童心得無懼自我西游歷三紀舉目交朋半新故
下車相揖何紛紛白頭朝士猶徒步玄都觀裏舊桃花
見我重来能幾度緬思疇昔仍念汝倚徙闌干日將暮
前潮方斷後潮續層波複浪無重數魚龍出沒相後先

疾雷槌山雨如注隔岸峯巒空復多沙際冥茫但烟霧
計程知汝已登陸息肩弛檐今何處明朝過我三金山
能勿徘徊起哀暮近聞旱魃肆為虐殺吾手植千株樹
且須為我語此隣莫遣牛羊上丘墓

題松溪圖

獨騎瘦馬走赤日忽對畫圖雙眼明想見高人茅屋底
石床卧聽松風聲秋風漸高霜露白松根茯苓已堪食
鬱紆遲暮祗自憐卷圖還客三歎息

題周鍊師雲崖圖

我本山中牧羊客偶然失脚紅塵陌矯首丹崖不可攀

但見層空暮雲碧樓居仙人元不死天長地久無消息
騎麟翳鳳者為誰道上相逢不相識披圖示我舊游處
流水桃花尚春色為言白石久已爛茯苓無復成琥珀
忽然長揖不肯住飄若流星去無迹若為握手賦歸來
求與人間風雨隔

贈熊天瑞先輩

熊君南州山澤臞敝衣不滿六尺軀年丁七十氣尚麤
撥棄舟楫遠江湖塵埃掠面水生鬚北走梁宋至皇都
舉頭仰瞻

天子居姓名無由達公車何王之門無長裾君惟抱瑟

王好竿寒風蕭蕭雪塞廬退從諸生誅唐虞詩成篝燈
手自書字如凍蠅密復踈食可無肉出無驢爲我跼履
來于于曰予其歸無所須一言用比明月珠我方守官
檄株拘嗒然忘言據槁梧童子穰穰環座隅笑我腹笥
太空虛感君遠來增歎吁愛莫助之將何如翰林主人
揭大夫與君少若同隊魚巖棲穴處多其徒君歸而求
宜有餘長歌鼓缶聲嗚嗚青天自高雲自孤

番易周節士歌

周君生長番君里長身俟俟鬚仍美師張先生業孔氏
夏螢冬雪頻繼晷先生愛君不翫斲君謂先生我知己

遭時戰伐多瘡痍賊衆乘之作姦軌郡檄先生俾一洗
先生慷慨爲之起曰彼蚩蚩聚蜂蟻兗渠本我家奴爾
我將笞之用折箠披其角毛脫距觜奴挾兵來速如鬼
反噬其主先生死先生諸子俱幼稚周君聞之失箸叱
曰古復讐蓋有禮師長之讐視兄弟我今必也書于士
走告郡府伏以俟府公義之弗敢止授以及折與弧矢
或云彼衆我無幾盍募援兵爲表裏君奮不顧行益駛
賈勇直前無與比賊窮擲金計何詭得金失賊墮其罅
亟取貪夫尸諸市士氣復振賊乃靡追奔逐北劇賊
迅雷不及掩其耳一柵旣覆衆柵毀生致賊奴洎妻子

刊其心肺馘俎几告于先生辭疊疊凱旋公庭旗旂旄
散遣部伍歸耘耔天戈耀日方南指郡將效死弗拜跪
周君堂堂衆所恃人咸謂君今可仕細書降表僅尺紙
大哉公侯小刺史君言我本不獲已出為吾師刷讎耻
罪人已得賊已弭東村西落無荆杞不義富貴寧飲水
公母多談且休矣閉門高卧肉生脾白駒空谷餘四紀
歿葬金潭有廟祀鄉人歲時擊羊豕子暎來與胄子齒
踵門泣涕言如此嗟君壯節甚竒偉播茲歌詩侑哀誄

送李憲使赴燕南分題得鳥飛曲

臺市樹枝上鳥無數當年元只為公來今日從公却飛

去趙北際燕南垂道傍綠樹多好枝公之所憇鳥所依
公母亟行鳥勿飛問公此去何時歸上林春深樹如織
公歸但聽鳥消息

贈夏德頌

夏君懷抱何磊落卜居不肯依城郭丙舍新開近墓田
雪柏霜松翳丘壑一朝興來不可遏萬里黃塵走京洛
叩門遺我尺素書儷玉駢珠相照灼為言家世本臞儒
餘力惟知事畊鑿窮年甘與鹿豕遊敢希鴻鵠翔寥廓
祇今遠來亦有意求詩元不求官爵華星秋月幸分輝
持向山家慰蕭索我聞君言重太息感君望我殊不薄

清時雜選富才彥
笞鳳鞭鸞趨館閣
揮毫成風墨成雨
瑞錦披張分製作
一言引重力千鈞
青雲驥尾端堪託
顧我方為句讀師
掇拾殘編味糟粕
坐隅童子日叟叟
平生雅意渾銷鑠
奚暇清吟發天巧
剪紅刻紫供朝譌
君歸卉木尚餘春
况值新篁初解籜
傳家有書故可讀
有石可眠泉可酌
大勝山人來索價
低頭欲就微官縛
我雖齷齪坐無氈
有客如此良不惡
戲拈筆管和竈煤
爲君聊賦山中樂

風樹銓爲李生作

返照入深林
牛羊在丘隴
風吹白楊樹
葉葉各自動
如

何當此時孤子萬里歸
有琴未成聲遽欲絃
吾詩吾懶言
詩子姑去抱琴聽
子風中樹

題錢舜舉畫

鳥雀鷹鷂皆羽族
強之食乃弱之肉
兩雀亦分弱與強
一遭搏噬一高翔
畫師描貌勞意匠
詩人見畫齊惆悵
人間萬事無不然
雞蟲得失安足言

題李氏白石山房

名山秀出鄱江曲
上有立石如立玉
尚書履聲忽已遠
隱者新居在盤谷
花開鳥鳴春晝未
白雲重重養喬木
夫君亦復稱其家有書
能藏且能讀
露鈔雪纂久愈富

何啻鄴侯三萬軸山靈翕霍謹呵護夜半虹光發深屋
引泉天井助芳潤大勝吳儂飲山淥我欲從之不可到
細字長書俄滿幅毫分縷析極根抵大義森然見條目
鄙人媿莫知所對叩請安得留更僕頗聞石洞闕遺音
龍門餘韻須君續臨風傾詠寄綢繆衰朽終期挹膏馥
題張清夫心遠堂

吾聞古來賢達士不擇山林與朝市百年塵麈兩醯雞
鵬鷄逍遙俱可爾夫君平生瀟洒意俯睨軒裳猶弊屣
翩然一舸鱸魚鄉歸來不待秋風起忘言兀兀坐終日
天地古今齊一指但見山高湖水深青螺蕩漾銀盃裏

柴桑之人去我久風味何妨略相似神交冥冥雲海長
目送歸鴻眇千里

題醉歌圖

翰林主人天上来布帆不爲鱸魚開江湖渺渺天一色
朝光暮色相徘徊昔賢心賞餘勝處祇有水竹無亭臺
碑材久已沒荆棘屐齒不復留莓苔後來視今猶視昔
今我不樂胡爲哉太官馬漣遠莫致鄰翁綠蟻浮新醅
欣然一飲便終夕鼻端氣息如雲雷是間別有一天地
不知何處爲蓬萊迴觀方內海一粟醯雞塵甕何喧豨
黃冠秘監太狂態騎鯨供奉非仙才揮毫政要真學士

鋒車流水行相催
瑤池曲宴多雨露
歸歟酌彼黃金壘
不七言律詩

送孫君文判官

笑語匆匆似夢中
衣裳俄復判西風
殘蟬落日那堪別
瘦馬長途喜未窮
歲事已空南畝稼
歸期應老故山桐
興來尚有平生棹
載酒何時覓釣翁

感舊

華屋山丘不可期
峴峯依舊綠參差
空懷下榻延徐孺
無復乘舟訪戴逵
日暮更聞隣舍笛
歲寒賴有角弓詩
舊遊寂寞成今古
冷石秋花處處悲

鳳凰山

滄海桑田事渺茫
行逢遺老色淒涼
爲言故國遊麋鹿
漫指空山號鳳凰
春盡綠莎迷梵道
雨多蒼薺上宮墻
遙知汴水東流畔
更有平蕪與夕陽

開元宮

誰使藏舟一夕移
紅樓翠幕未全非
曾聞帝子乘鸞去
疑有仙人化鶴歸
煙迳月明瑤草歇
石壇露冷碧桃稀
赤闌橋畔多時立
閑看楊花作雪飛

早起

漠漠晴簷散薄雲
獨搔短髮立清晨
春風入樹無行迹

曉月窺簾欲近人旋覺新吟隨夢寐不知清霧濕衣巾
何人正踏長安陌想見看花拂面塵

寄陳君采

江淹文采碧雲消潘岳才華玉樹彫後爾千年開捷鑰
森然作者見風標琪花夕日輝相並金匱名山路未遙
賸欲傾心數還往高期無使竟蕭條

次韻答吳正傳

諸老彫零半九原後來英發見蒼然高標能復居人下
緩步猶須出我前天馬爲誰生月窟仙禽有日到芝田
論心待取同傾蓋可使空回雪夜船

寄葉審言

千里相思黃葉初喜傳消息慰離居姓名漫入山公啓
懷袖元無賈誼書已分畊共供賦歛胡令汲引到樵漁
臨歧躑躅頻回首風雨蕭蕭鴈正踈

獨立

數盡飛花一愴然壯心迢遞夕雲邊十年人事空流水
二月風光已杜鵑過眼青春寧復得汚人黃土絕堪憐
故園尚有平生約可使蒼苔到石田

即事

南陌東阡草色齊愔愔門卷客來稀受風燕子輕相逐

著雨楊花濕更飛，綠樹無言春又盡。紅塵如霧手頻揮，浮生莽莽吾何計。獨立看雲竟落暉。

予與劉君師魯爲文字交十有四年而固未嘗相識也。茲過武林偶遂良覲，有喜而賦。

邂逅神交十載餘，青楓落月幾愁予。何言此日同傾蓋，勝讀平生未見書。天上玉堂容可到，山中金匱得長虛。故多餘事宜商略，可待秋風怨索居。

九日

獨立憑高發興新，霜清露白復佳辰。綠樽不解醉黃花，滿頭應笑人。檣邊老僧幽期失，巖壑二句頻。

秋天此日併回首，鵝鴈寄書愁未因。

次韻山南先生遣興二首

稍覺春風入剪裁，更無魂夢到塵埃。苔枝自送黃昏影，寶篆頻銷白晝灰。世態漸應隨日別，老懷可復向人開。擁爐坐聽蕭蕭雪，載酒携琴也莫來。

蒲團兀坐久忘機，何暇重尋是與非。老鴈長雲天渺渺，晚花寒蝶思依依。起看丹竈春無恙，欲試青鞋雪未晞。鵬鷗逍遙端可耳，玉堂何必媿柴扉。

寄仇仁父先生

一官十載尚沉淪，門巷蕭蕭白屋貧。自有陶公爲社友。

從呼杜老作詩人兒曹故復輕前輩
儻步誰當出後塵
招隱詩成無處寄
莫雲凝碧坐愁神

寄朱十八丈判官

金榜淒涼已十年
風流文采故依然
香山老去誰同社
栗里歸來尚有田
懷古坐看西日落
得春寧問北枝偏
清泉白石多深趣
千載心期入近篇

寄朱仲山

異縣關心朔鴈飛
酒燈棋雨計頻違
寄書全覺嵇康懶
入夢多疑李白非
黃葉閉門方寂寂
碧雲回首故依依
相逢賴有梅花約
試蹋東風走翠微

寄友人

繫舟一別雲水鄉
暮川葭蕩空蒼蒼
漳濱卧病它年憶
渭北題詩春日長
蕪菁作花已爛熳
楊柳飛絮苦顛狂
聞道茯苓已堪斲
遲子青鞋經澗岡

夏日漫書

枕上初殘柏子香
鳥聲簾外已斜陽
碧山過雨晴逾好
綠樹無風晚自涼
芳歲背人成荏苒
好詩和夢落倉茫
求羊何不來三徑
門掩殘書滿石床

逢葉伯幾

水煙沙雨送歸航
楓葉蘆花已十霜
瑤曲天風春夢遠

墨池秋草故遊荒，碧峰又是新迴鴈。
白石依然舊化羊，一笑相逢却成別。
暮雲千里思茫茫。

宿賈氏山房

暝色蒼茫赴遠岑，獨追燈火下荒潯。
寒沙細水通幽徑，脩竹高楠走翠陰。
草草悲歡中夜語，悠悠醒醉百年心。
石霜煙月寒無寐，坐聽疎鐘出二林。

送友人之京

偶緣送遠接清遊，煙雨東城晚樹幽。
離別自應多感慨，笑談未害各風流。
百年芳草頻頻合，萬事孤雲故故浮。
大華黃河入回首，春風愁絕李膺舟。

答友人

芝掌峯前一盃酒，別離歲晚迤相望。
野梅如雪遙入眼，曉鴈連天寒叫霜。
閉門窮巷燈火冷，回首蒼山雲樹長。
幾時抱被却同宿，愧爾詩筒遠送將。

憶友人

無復高談慰索居，壯心零落竟何如。
人間漫有金臺夢，身後誰傳玉枕書。
半畝蒼苔埋僻地，一聲白雪斷絃初。
芙蓉峯下聞吹笛，淚滴春天草木踈。

哭李無逸

青春未受二毛侵，談笑俄聞變古今。
千日却醒徒有望。

九原莫作遂何心平生欠荷劉伶鋪此夜誰彈子敬琴
水樂亭西煙草碧舊遊回首重沾襟

過烏傷墓

丹青像設始何年翁仲遺墟自古傳時有北人來下馬
不知秦樹幾啼鶻牧童解指看碑路野衲分畊祭墓田
回首長安西日外茂陵松柏正蒼煙

雜興 三首

昔從六客堂前客共買何山渡口船杉松夾道得古寺
風雨漫山連杜鵑憶別老僧如昨日待分幽事及他年
春江正綠不能去勝踐蕭條祗可憐

幾回擬作送春詩出戶春風去不知葉底孤花猶入眼
竹根稗筍欲過眉久拋書卷都如夢閑看香煙偶似癡
寄語平生張仲蔚一歡相屬竟何期
劉生去滌相如噐朱子新裁賈誼書百代風流今視昔
十年懷抱我憐渠故應曾對談諧樂也復能容禮法踈
風雨瀟瀟守環堵祗今可望故人車

山中夜歸

漫山松葉行逕迷獨穿筇确幽步遲驚風低草山虎過
寒月掛樹天星垂泉鳴荒冢夜半落露洗青林光陸離
茅簷抱膝者誰子歌闕飯牛聲正悲

旅夜

歷歷飛螢度眼明，獨攢高枕數殘更。
薄遊已倦新彈鋏，舊業猶餘未棄檠。
一雨送晴初月色，百蟲專夜故秋聲。
情知三十非年少，已覺人間有後生。

三月三日西湖舟中

黃塵奔走媿平生，對客猶稱舊姓名。
此事正堪三太息，祇今忍負四難并。
放舟乍落空濛境，送酒元無窈窕聲。
金谷蘭亭嗟已矣，不妨時暫濯吾纓。

金陵天津橋

五雲零落渺天涯，陳迹蒼茫日自斜。
畫角已吹邊塞曲，

紅藍新長內園花，可憐遺老埋黃壤，曾倚春風望翠華。
好在北山猿與鶴，依然同住舊煙霞。

送人歸豫章

已覺棲遲懶曳裾，可能爲我強躊躇。
一帆秋色紅塵外，千里江關白鴈初。
建業水清誰共飲，潯陽潮斷定無書。
黃金未盡朱顏在，

哭陳茂卿

多病文園鬢未霜，可人風味故難忘。
豈期夜壑舟無定，竟使春天草不芳。
賣藥幾時來海上，遺文須我訪襄陽。
誰憐後死仍漂泊，雲白山青自故鄉。

宣城客中偶書

眼看春霄擁勝流，漂零回首媿沙鷗。
黃塵烏帽知誰爲，白飯青芻復此留。
未必嵇康能作吏，何妨李廣不封侯。
敬亭雲鳥知無恙，款段佳須逐俊遊。

梳頭得白髮

偶逐飛雲別礪岡，解纓聊濯滄浪襟。
懷久已無山水容，鬢誰令有雪霜。
未必丹砂真却老，一回首更爲郎前脩。
未遠斯文在，努力無愁波路。

送韶父先生遊京

不到南徐三十春，好將夢寐弔遺民。
先生風骨充水

祇想重來是後身，棹響官河風色暮。
雲離野服鬢毛新，舊遊偶失扶桑路。
煩向滄江一問津。

山南先生挽詩

仰驚喬嶽失嶙峋，千載風流可復聞。
鼎有丹砂輕縣令，囊無蕙苾詫將軍。
芾袍歲月孤青簡，石室文章闕白雲。
淚盡侯芭悲獨立，短衣高馬祇紛紛。

喜方韶父先生至兼懷山南先生

夢覺秋宵失薜蘿，尚煩青簡慰蹉跎。
山中舊別期猶在，歲晚相逢感易多。
華表神仙成寂寞，靈光風雨見嵯峨。
百年珍重斯文寄，趼足脩程可柰何。

百千韶父先生有詩復次韻以和

兩翁故復可憐人傾蓋長安四十春華屋山丘如隔日
夜床風雨得彌旬書籤藥裹仍仍在橘刺藤梢一一新
漫寫餘哀寄冥漠大荒誰見下麒麟

寄張如心

謬羨侏儒飽一囊舊遊搔首獨淒涼連天斷鴈初沈日
匝地寒花欲有霜聞道為郎須白髮未殊高枕待黃梁
紅顏好在張公子坐聽松風春晝長

送王傅朋靜江教授二首

丞相威名震百蠻蕭條異代得吾賢宦遊忽過三湘去

家學應令四海傳北望犬牙連上國夜占鷄尾直中天
炎風朔雪皆王土未覺青春雨露偏

碧蓮峰下駐飛驂風土遙知久自諳會有新書禪禹貢
坐聞舊俗化周南深篁盡日迷山鬼毒草無時起瘴嵐
珍重斯文強食飯漫誇丹荔與黃甘

送揚州傅學正

全淮控制列城遙尚想青春虎豹驕一日江山走珠玉
萬家燈火沸笙簫喜逢才俊登文署好頌升平答聖朝
芍藥瓊花兒女事可緣風月逗華鐮

余山

春雲牢落鴈無聲沙岸參差石有稜
雙屐漫窮芳草逕一龕長愧白頭僧
晴濤閃閃翻孤日山木昏昏卷翠藤
後夜清風滿遙念夢遊空指上方燈

龍潭山

二月清江照眼明避風舟楫滿迴汀
斷雲挾雨時時黑密葉藏花樹樹青
習隱未成陶令賦行歌聊共屈原醒
碧潭光景無消息坐着魚兒點翠萍

遣興

青雲如夢慨平生白髮驚春忽數莖
漸覺交遊隨日別強知顏色逐人行
百年松檟誰能去五畝煙霞故可耕

妄念掃除渾欲盡少游何得尚相輕

次韻方子踐觀潮

潮生潮落有時休朝暮吳兒幾白頭
被髮祇誇迎駭浪側身寧解障奔流
江吹碧瓦人聲曉雲閃朱旗海氣秋
後夜月明天在水有誰能此試登樓

次韻子踐秋社歸巖南

久悟清都是夢中未嫌短褐任飛蓬
時情冉冉心如醉世議紛紛耳欲聾
會種扮榆依漢社共談禾稼續幽風
蹉跎偶負平生約已復人間歲一終

杭州寄里中一二同志

故山有路去無從，燈火關心夢不通。浪走紅塵真自笑，
舊遊白社竟誰同。胷中好貯千巖秀，眼底徐觀萬馬空。
風雨未休鴻鴈斷，此懷渺渺故難窮。

客樓雨中

江城飄泊動經年，盡日高樓閱過船。睡起小窓初聽雨，
岸旁垂柳已生煙。坐拋歲月今如此，每望雲山欲泫然。
尚喜游從得諸彦，時將樂事寄新篇。

次韻答蔣春卿

不謂紅塵拂面時，軒然談笑一舒眉。晴風石鼎浮花乳，
夜雨春盤冷碧絲。握手遽成三宿戀，論心那覺十年遲。

酒船漁網歸無計，未必山前白鷺知。

送楊山長歸錢唐

百里鄉心海鴈飛，三年官况野鷗知。兒童早已占歸信，
弟子應能頌去思。茅屋荒田春草草，杏花深巷雨絲絲。
人生適意須行樂，駟馬高車恐未遲。

章德懋同登車蓋山

城南日日望蘇灣，碧樹童童蓋一山。何意茲辰成邂逅，
與君携手共躋攀。鉤衣亂石通高步，着面和風啓醉顏。
尚愛銘碑多楷則，俗書且勿闕妖嬈。

重遊毗山

十載重來思惘然勝遊邂逅一開顏高林有色煙雲淨
曲逕無香草樹閑漫遣金樽催白日絕憐紅粉浣青山
南朝舊迹今誰記腸斷風流不可攀

湖州遇葉士心因寄郭祥卿架閣

謝公城下蹋春暉最憶東園夜不歸落月清樽波瀵瀵
高花銀燭霧霏霏未愁強醉羅衣濕政恐重來燕麥稀
大地風濤竟如料九霄一鵠看橫飛

大卿牟公挽詩二首

雲光一夕失崔嵬多上相逢淚雨推夾道共看丹旆去
遺民猶憶繡衣來蕭蕭悲吹蘋花冷渺渺鄉山杜宇哀

哭盡貞元舊朝士臨岐無語重徘徊

後生無復望儀刑青史徒煩列姓名窮有遺文成鉅冢
死無新爵上銘旌瓜田方任蓬蒿浸玉樹偏依雨露生
舊笏滿床知未墜翰林風月向來清

次韻牟主簿南湖客中

遙望仙槁度碧湖翩然高興不枝梧也知白髮行相待
無奈青山不受呼過眼光風殊獵獵露衣多露已塗塗
相逢幸及南枝好一笑聊須引百壺

次韻姚子敬教授筠菴別業

故園煙樹渺江關長愧求閑未得閑客路獨愁黃葉下

高人正在白雲間
隣儻遂容依止
載酒終期共往還
未害看山仍柱笏
一竿付我釣滄灣

次韻別程晉輔教授

落拓江湖久不歸
相逢還及試春衣
忽聞煙際蘭橈動
誰共花前玉笋飛
青眼故多知已在
黑頭未覺壯心違
赤霄孔翠吾何望
喔喔隣雞爾自肥

花信

已覺尋芳去較遲
千林紅紫想紛披
幾經夜雨能無恙
試問春風竟不知
斜日游蜂應有夢
野亭立馬已多時
殷勤却是江南客
曾擘冰霜寄一枝

草意

澹煙斜照舊離離
吐漫芳心欲向誰
可是忘憂能自得
若教指佞定無私
東風江上何人識
南國春來有夢知
留取青青承雨露
未應紅紫浪相疑

闕下口號

適駿先猷在作人
忝陪多士奉明綸
端闈乍啓清光近
臚句高傳茂典新
奎壁照臨回景運
風雷鼓舞契昌辰
不才何以酬天造
徒誅菁莪樂至仁

賜第後歸謁郡府承為置宴口號

拜賜纔霑雨露香
又驚盛典出黃堂
鳴騶合遝迂十騎

坐席雍容累百觴他日同鄉脩故事不才終古被餘光
承宣得意逢明牧諸彥能無共激揚

郡廳宴集之明日鄉先生復爲置酒重述口號

去年此日宴瓊林雨露光華映古今稱慶謬承賓禮重
微榮彌覺主恩深少須天詔從容至坐看宮花取次簪
千載斯文寄來哲可應外物累初心

北山歸路呈古心師兼簡方外諸友

尋幽偶向靈源宿却過雲關望翠微初日映空千樹立
驚風遶磻百泉飛舊題歲月人頻異乍別烟霞路易非
幸有潘郎遺事在何時一鉢去如歸

喜趙繼道至有懷陳君采

匆匆聚散定何常耿耿心期故未忘草木關情人事異
雲霄迴首路岐長交游歷落銀河隔製作紛綸瑞錦張
為語何時共傾倒秋床風露已生涼

寄曹子訥千壽道二同年

憶同鵠立遶天關清漏無聲虎豹閑黃榜未開齊望拜
紫衣高唱遽分班已禱恩出尋常表更羨身居季孟間
海國鄰疆幸無遠可容接武向蓬山

寄別宋推官

目斷仙帆去莫從翩然心逐北飛鴻未忘綠幕追遊盛

况忝黃堂禮數崇南國幾人歌召伯漢廷有日相于公
悠悠聚散何堪計趨走終期出下風

送姜學錄

短褐蕭條兩鬢蒼逢人猶解說春坊雲霄有路新推轂
風月傳家舊佩囊此去官曹雖冷落不妨門戶暫輝光
况聞寮友多華胄休暇過從樂未決

送鹽官傅都目

春風匹馬去翩翩老佐名州鬢未班遙數驛程知到日
坐令官府靜如山河塘燈火機聲裏墟落鹽烟海氣間
歷歷舊遊如夢寐可容乘一追攀

送貢教授致仕歸里

宦情鄉思兩依依獨裹寒氊去若飛歲晏忍為千里別
林間驚見一人歸官河遠樹迎仙棹夕日暄風颺綵衣
漫使臨歧生悵望可容泉石借餘輝

陳山晚泊

一柱孤撐杳靄間人言此是客星山流風百世今誰嗣
應詔諸生故未還荒冢草深迂石路高齋月滿闕松關
窮年漫迹滄江上及此維舟獨厚顏

送三高祠陸主奉

垂虹古祠煙樹新昔賢高致久無聞畫圖想像空陳迹

譜謀流傳喜到君春水白鷗分座席寒泉秋菊薦爐熏
臨歧何限滄洲意目斷風帆天際雲

送陳推官之信州

三朝兩世掌絲綸異代仍瞻玉樹新尚喜傳家餘宦譜
又聞議獄用儒臣中年離別情何限南渡風流迹未陳
遙想郡齋多暇日肯憐州縣正勞人

送胡古愚兼簡道傳博士

坐擁臯比十載餘忽聞飛鶚上公車此行未可輕投筆
隨處猶須小曳裾燈火尚慙餘事在雲霄轉覺故人踈
爲言留滯今頭白無用諸公薦子虛

送淮海書院丘山長

遙望官河駐綵橈春深絳帳不蕭條已驚雨露恩光厚
還喜山川物色饒盡日樓臺人載酒隔江燈火夜吹簫
定知館下多才彥政樂風雩對一瓢

留別錢翼之

矯首清標二十霜白頭傾蓋鄭公鄉忘形肯厭追遊數
借潤頻飛翰墨香世態浮雲看不定別情流水去方長
木花時節霏霏雨誰共春風舉一觴

諸暨休日偶書

一室蕭然似冷官更無車馬駐江干天清不斷絲絲雨

春淺猶生陣陣寒，公事痴兒何日了。雲山圖畫要人看，
輕風正滿微黃柳。誰與相從試凭欄。

湖心寺夜坐

蕭蕭涼月滿池臺，水檻風櫺四面開。一柱殘燈何煜煜，
半簷衰柳故崔嵬。謬持微祿知無補，未謝餘緣得重來。
塵土馬蹄何日事，可容良夜廢銜杯。

次韻答徐文蔚

一別溪頭十五春，歸來烏帽尚黃塵。故應用意崎嶇外，
未忍忘情寂寞濱。圖畫雲臺非我事，掛冠神武獨何人。
也知州縣徒勞耳，相見空慙白髮新。

送顧仁甫上計京師

憶昔曾隨計吏行，浮湛州縣竟何成。涼風嫋嫋仙舟去，
夕日依依魏闕情。金匱故歲多鉅典，石渠高論盡鴻生。
棲身朱墨非君事，早晚公車上姓名。

送沙彥文架閣分題得西山

憶昔寒江破浪歸，西山迴首落烟霏。忍逢朝士登舟去，
如望仙人拔宅飛。游戲何妨依綠水，追趨早已到黃扉。
公餘若過滕王閣，為捲朱簾挹翠微。

題金明宴遊圖

危樓縹緲碧波中，曲檻方櫺面面通。雲氣傍花如欲雨，

柳絲垂地不驚風
千年華表人非是
九奏鈞天樂未終
更有殘山并剝水
煩君迴首六橋東

上巖寺訪一公

曉色微茫尚帶星
脩蹊犖确斷人行
獨支瘦竹身猶健
高入重雲地忽平
落月正當山缺處
細泉頻作雨來聲
上方燈火青林曲
隱隱疎鐘一再鳴

寄題高遠樓

聞道危樓架沈寥
樓前物色不蕭條
窓臨謝傅祠邊樹
門對曹娥渡口潮
解使詩人爭應接
也知老子極風標
倦游已忘山陰路
勝淺仍須折簡招

題東柯谷圖

長松密竹翠交加
洞府新開碧海涯
石上仙人留足跡
春深澗水出桃花
流傳圖畫來千里
生長兒孫只一家
目斷飛鴻那可到
舊遊空指赤城霞

聞趙繼清調安陸縣尹

慈恩塔上墨猶鮮
一別重來十七年
相見都門驚判袂
又聞澤國去鳴絃
素衣久出風塵外
青瑣行依雨露邊
歧馬望君先數日
縣花雖好莫留連

送畢縣尹

歸途環佩曉珊珊
白日青天映羽翰
疑是省親辭太學

驚聞出宰用郎官
花迎墨綬春光暮
風引仙舟海色寒
想見捧觴仍綵戲
鄉人爭作錦衣看

題雪竇妙高臺

偶為清遊宿梵宮
凌晨試上最高峯
水翻雪色寒猶落
雲掩丹光遠更重
舊有一僧能跨虎
近聞三洞盡藏龍
下方車馬應難到
烟際唯聽日暮鐘

題觀海圖

昔年解纜岑江上
初日團團水底紅
鼉吼忽搖千尺浪
鷁飛仍挾半帆風
遙看島嶼如星散
祇謂神仙有路通
及此棲身萬人海
舊游却在畫圖中

次韻題劉氏石壁精舍

佳城杳杳隔千峰
精舍寥寥一徑通
夜靜寒泉猶映月
秋深老樹不驚風
舊題尚喜苔碑在
高卧無令蕙帳空
我已倦游今白髮
有山如此願長終

送葉仲輿巡檢

重著儒冠望帝鄉
翩然一舸犯晨霜
秋來鬢髮依前黑
日射河流徹底黃
此去乘槎須有路
可容執戟更為郎
絲綸閣下多知己
握手應分滿袖香

和外舅主簿公自為挽詩

五十年前馬上飛
青春如水去難追
一從玉樹歌殘後

數到黃梁夢覺時李賀元無樓可記劉伶漫有鋪相隨
少須海上蟠桃熟歸造仙班恐未遲

留別一公琳公

浪走紅塵鬢已絲此身端合老巖扉興來復舉山陰棹
別去仍留海上衣夜聽泉聲如雨落晴看天末有雲歸
浮萍飛絮何時定空使詩人賦式微

送趙繼清潮州推官

相國南遷有故居理官高選出新除承恩特與金魚袋
訪舊爭迎駟馬車春入園扉庭草暗天低驛路嶺梅疎
鳳池不隔同年面歸及梅花鴈影初

送傅汝礪之安南

南徼車書路不遙秋風使節下青霄頗聞僚佐登才彥
應有文章達教條日照樓舡江水活天低銅柱瘴雲消
歸時嶺上梅花發想見詩囊未寂寥

送式公歸高麗

一錫凌空海上飛星河蕩漾宿雲披頗驚遼鶴歸來晚
正值驪龍睡覺時百尺珊瑚無地種六花薝蔔任風吹
高秋蘭若烟波外此樂應須久自知

題甯節婦詩卷

春旗柳色映門閭華扁新題節婦居作傳小裁青竹簡

疏封近降紫泥書河壩松柏風烟外階祀芝蘭雨露初
三釜及親殊未晚花前何日奉安輿

送孔御史歸曲阜

清流共喜聚群賢新渥時聞下九天東觀紬書何日了
中丞遺笏要人傳過家莫久依林廟封事先須徹御筵
千載斯文寄來哲臨分握手重懸懸

送龍南歐陽縣尹

絲綸閣下半同袍獨上南船去莫招出宰不嫌官俸薄
過家未覺驛程遙長溪白石晴雷轉深洞黃茅毒霧消
想見行春有佳句坐令遠俗變風謠

送謝仲連小廬巡檢

而翁許史舊家聲遺子黃金不滿籬坐擁齋爐驚歲晏
出乘邊障屬時清遊山定復多新句飲酒何妨得老兵
媿我白頭官尚冷夜深仍對讀書檠

送烏編脩代祀海岳南鎮兼簡明善隱君

承明退直馬如龍將指祠庭禮數崇岳色非烟生近甸
川靈藏器出幽宮周原共識皇華使禹穴誰陪大史公
亦見安陽韓處士為言客鬢已秋蓬

贈黃資深

涼風蕭蕭吹敝裘三年小作周南留相逢傾蓋盡青眼

肯抱遺經空白頭，捧檄定知毛義喜。著書非有虞卿愁，
春秋決事待公等。莫戀寒氊成久遊。

題張武定公死事詩卷後

古稱馬革裹尸還，祇有空言世共傳。一死如公良偉甚，
百年遺廟獨巍然。要從身後觀餘烈，試聽軍中奏凱還。
文衣冠方迭起，後先奕葉更綿綿。

題王君冕同年芳潤亭

花縣歸來畫寂寥，終南山翠湧亭臯。林深未覺蘭蓀變，
天遠何妨雨露高。此去漑根須食實，誰分贖馥與殘膏。
行看小試揮毫手，香霧霏霏滴鳳毛。

題丁文苑同年哀詞後

自別瓊林雨露邊，江湖目斷繡衣前。禹門尚想龍初化，
遼海驚聞鶴已仙。烈日秋霜空耿耿，重山宿草正芊芊。
不才後死知何用，坐對諸郎獨泫然。

送尉彥誠道州經歷

一別垂垂四十年，朔風吹鬢兩蒼然。寒氊久坐歸何日，
上幕初登望若仙。莫使催科書下考，盛談名理繼前賢。
春生馬首逢迴鴈，併寫相思入近篇。

送陳季和

高齋燈火正蕭條，忽翹天風上泐寒。共喜彈冠如貢禹，

豈期投筆學班超時清桴鼓元無用歲晚弓旌倘見招
雪後江南春水活重來莫厭驛程遙

春主送陳君歸江西

咫尺清光近土除姓名何不達公車也知賈傅今無策
猶幸虞卿舊有書江上歸帆隨去鴈年來旅食厭騎驢
諸公正索山人價能勿相招學隱居

不木送張良卿學士之淮南

坐厭流塵拂面紅行携涼月下青空三千里外揚州鶴
四十年前御史驄先廟鐵衣猶挂壁兒郎玉帳已生風
貞元朝士今無幾歸及花時一笑同

北次韻蘇侍郎平村暮歸

中臺多暇獨儀曹退食歸來路不遙扶老未須蒼玉杖
行春聊過赤闌橋揮毫風雨傾三峽聽履星辰接九霄
媿我白頭方倚席敢將巴曲和仙韶

送尚子正理問

上相分臨控列州理官高選用儒流風生使節聲華舊
地近台垣寵數優南土政平多暇日西山氣爽入新秋
公餘若過滕王閣煩爲題詩在上頭

送蘇伯脩憲使

又參法從侍凝旒忽擁幃輅按列州太史山川皆熟路

淮南草木自生秋
遙瞻龍節辭中禁
尚想鼇峯接雋游
擣散鄭虔無所用
幸搜巖壑副旁求

送王止善檢校
官無失政更無私
鉤校寧煩事細微
遙想名曹多暇日
不妨高詠發清暉
潮生江上仙舟迥
春到湖邊驛使稀
送盡北來南去客
石田茅屋幾時歸

送高唐李知州

來登延閣預時髦
出守名州領教條
已羨漢儒知吏事
要觀齊俗變風謠
雙旌前路方迢遞
八座家聲未寂寥
此去行須歸報政
鳴珂幾日造昕朝

送傅汝礪廣州教授

耻學山人赴辟書
勇隨使者駕輶車
橫經久合居高座
上冢應須過舊廬
黑夜文星南斗外
青冥鵬路北風初
采期莫落梅花後
待詔先生席正虛

送劉遂初脩撰

近聞退直自承明
忽報楊鑣出鳳城
未老已嫌金帶重
暫歸不著繡衣行
故人尚作瀛州客
歲晚無忘魏闕情
臨別贈言聊復爾
誰能持酒勸公榮

送于指揮歸密州

故山東望路何長
遠奉靈輶返壽藏
予告公朝存舊典

疏封泉壤發幽光
揔戎行復開油幕
倬直仍須赴玉堂
它日過家如上冢
歲寒松柏正蒼蒼

書巢張君挽章

歲晚巢居寄一枝
上林無樹可相依
不隨葉縣飛鳧去
竟作遼東化鶴歸
架上牙籤書在否
門前珠履客未稀
春江如箭船如馬
忍見丹旌颺落暉

采真題莫氏山莊圖

旋移小隱傍南峰
遠有咸平處士風
山態近人猶偃蹇
湖光無雨亦空濛
行春杖屨時時到
臨水軒窗面面通
別作新亭供戲劇
青帘搖曳杏花中

次韻伯雨鵬月八日雪中同登來鶴亭

興來欲泛山陰雪
不奈舟膠野水凝
朝士白頭愁獨步
仙人赤脚傲層冰
招來盡是雞群鶴
趨附空慙驥尾蝇
夜久松龕同擁毳
絕勝倬值有青綾

予與江陰何鼎叔鉉別三十六年乃相見於錢唐

感舊述情謾成四韻

月寒霜樹久相依
春去風花各自飛
遠信已隨潮水斷
故交渾若曉星稀
綈袍可戀知誰在
青鏡頻看歎昨非
正欲從君共傾倒
莫言興盡便須歸

至大庚戌正月二十一日予與儒公禪師謁松瀑

真人于龍翔上方翰林鄧先生適至予爲賦詩四
韻諸老皆屬和焉後三十一年是爲至元辛巳正
月二十三日過伯雨尊師之貞居無外式公劉君
衍卿不期而集輒追用前韻以紀一時之高會云
廬山舊事誰能繼三十年前此會同偶爾共來今日雨
蕭然猶有古人風坐深遙對花如霧興盡徐歸月在空
仰止前脩那堪作聊追餘響託無窮

送內史府孫知事還京

春風味邸雪初消野宿貔貅靜不驕綠水芙蓉分上幕
青雲騷褭度輕輶龍庭會祭包茅貢豹尾宸居佩玉朝

下土微臣今老矣淹留敢望小山招

送史景福

十年相望各天涯上幕新開鬢未華日出公庭來鴈鷺
風生老筆動龍蛇蜀鄉路遠春多雨江國雲深樹有花
若見君家彭澤令爲言且莫問桑麻

府判謝公挽章

換得朝衣不稱身勇辭新爵號遺民鍊成偃月爐中藥
閱遍銅駝陌上人魯國靈光俄委地謝家玉樹正傷春
忽聞舊唱貞元曲衰涕能無灑石麟

六月十二日上京翰林開院喜雨院長開府公俾

爲詩以志之

雨浥鰲峯長綠苔佳辰良會玉堂開涼生薰殿宸居近
恩予官壺詔使來盡醉不愁騎馬滑新詩可待片雲催
作霖正尔須公等行見文星入上台

安南遣使入朝用故事奉贄納謁于翰林其歸也

上介黎括以贈言爲請賦詩四韻以遺之

上聖敷文格遠人外藩脩職用儒臣並馳使介踰丹徼
特設朝班覲紫宸炎海計程歸路永都亭燕餞寵光新
祗承德意勤宣布鼓舞爲魚詠至仁

送徐志尹赴安鄉縣尹

自爲從史直鑿坡幾見鄉山爛斧柯能事正宜參筆削
借才聊復試弦歌屈原故國蘭都長陶令公田秫最多
應笑衰翁苦留滯汗青無日欲如何

送陳元達代祠補怛洛迦山

天下名山小白花鯨波帖帖度仙槎函香祕宇祈靈脫
出節宸廷振使華殿榜舊誇韋誕筆錦衣重過買臣家
相門喬木殊無恙萬古清風碧海涯

次韻答胡古愚博士

麻衣草坐老仙翁曾及清時侈際逢行殿曉趨開豹尾
禁林秋宴出馳峯休官尚想英遊並愛客何嫌異味重

况乃東陽山水窟主張風月有詩宗

送李師曾將仲善赴春官

憶隨飛鷲上秋天夢斷慈恩四十年及此鬢毛俱禿盡
見君頭角共嶄然計偕已趣輶車動臚旬行聽衛士傳
紫陌紅塵衣易化看花得意莫留連

六七言絕句

寒食舟中

東風溪水碧連連溪上青蘿獨繫船正是落花寒食夜
水煙沙月又鳴鶻

哭御史王公十首

有人新自甬東來別後音書第一回欲問布帆無恙否
豈知塵世隔蓬萊
被髮胡爲竟渡河由來魍魅喜人過不須待聽山陽笛
一曲空篴哀思多
早歲棲身擬鳳池桑田爲海已多時路人方爲乘驄止
流水生涯遽可悲
玉堂政要謫仙人何意先成采石墳人物渺然時事異
漫今平地有青雲
金昇原頭草未生兒郎俄已去騎鯨黃泉會有相逢處
轉見人間母子情

掉頭東下苦匆匆徑挾群仙入貝宮
眼底珊瑚高百尺釣竿吹折一絲風
膠液中流事可歎海雲飛兩失青天陸郎地下驚相見
應訝來遲二十年
孤兒思父母憐兒忍見銘旌獨返時
畢竟江魚與螻蟻世間何物最堪悲
楚客猶疑刻劍痕
秋風已到孟嘗門
殘潮落月天涯夜
剪紙誰招萬里魂
天吳罔象正縱橫
誰認鼇山頂上行
海氣昏昏風雨惡
夢中無路弔先生

金陵客中送友人歸里

青陽河畔杜鵑啼
歸路如弦定不迷
應到故山叢桂裏
笑人騎馬學聽雞

有感二首

橘抽青黃照眼垂
秋風籬落自紛披
頗聞玉食登蠻果
不獨涪州有荔枝

漢室需材拔隱淪
鼓刀屠狗正求伸
可憐風雪南山下
未有它年射虎人

葉審言張子長同遊北山知者寺既歸復與子長
至赤松由小桃源登煉子山謁二皇君祠回宿寶

積觀賦絕句十首

天風吹我度崢嶸春著千巒滃滃青紫陌紅塵寧有此
十年空負北山靈

芙蓉峰下南朝寺水秀山明兩絕奇更向水窮山盡處
一菴高貯碧雲師

却問仙山去幾程白雲如簇近相迎直須不脫登山屐
行盡松聲與水聲

山中今是太平民尚與人間隔幾塵流水桃花三百曲
莫教重誤武陵人

偶着飛花逐水紅不知身過亂雲東回頭旋覺峰巒別

惟有青天面面同

雙鶴冲天歲月多至今香火壓差峩劉郎不是無兄弟
奈此丹雞白犬何

坐愛春泉響翠微玉花吹濕薜蘿衣何人爲擘冰壺破
共看青天白練飛

削立城心雙白塔幾疑日月費撐支一朝頓在闌干底
始悟從來見處卑

遙憶仙華鶴髮翁清泉白石滿奇骨若爲此日千峯頂
更試平生九節筇

一宿山中竟莫留可能長伴赤松遊殷勤好去張公子

休愛人間萬戶侯

避暑圖

一丘一壑古遺民
十里清風不屬人
閑對青山揮白羽
世間何物是紅塵

圍棋圖

有客圍棋洞口歸
天荒地老已多時
人言此客殊癡絕
盡裏看棋我更癡

陶學士驛舍圖

一笑相逢亦偶然
浪將恩怨向人傳
無端更被丹青污
狼籍春風數百年

次韻章兄雨中

卧聽風水共喧喧
起視青空白雨懸
祇謂桑田可無恙
不知江勢欲吞天

茫茫平陸一尺水
瑟瑟涼飈五月秋
莫謂天公無皂白
誤將陰雨怨鳴鳩

故山回首杜鵑啼
客舍誰憐寄一枝
賴有四門章博士
不緣風雨廢談詩

春盡餘寒去却回
江天五月未聞雷
南風祇在浮雲外
彈折朱絃喚不來

草長故山懷獨往
蒼生今雨歎離居
誰能共飲桃源酒

一醉千年不願餘

偈二首

又謂聲聞難作佛今知龍女解成男
分明信有旁人分
五十三身第一叅

息心無想成無記有見還同有相存
不盡普賢殊勝行
隨方願啓一城門

松江舟中偶書二首

山房偶為故人留又領飛雲過別州
白浪千花帆一葉
茫茫天地此生浮
移舟夜泊華亭縣却聽吳歌思渺然
最憶澱山湖北寺

白雲堆裏看青天

青山白雲圖

十年失脚走紅塵忘却山中有白雲
忽見畫圖疑是夢
冷花涼葉思紛紛

桃竹畫眉圖

說盡春愁貌不成翠深紅遠若為情
江南有客頭空白
腸斷東風百轉聲

追和景傳新店客舍壁間韻

我夢方酣子遽醒絕絃可復要人聽
梨花寒食東風惡
淚盡重山宿草青

先朝嘗以進御云
君家藥籠有新儲
苦口時供茗飲須
一味醍醐充佐使
從今合喚酪為奴
芳苗簇簇遍山阿
珠蕾金芽未足多
千載茶經有遺恨
吳儂元不過灤河
春風北苑鬪時新
萬里函封效貢珍
羨爾託根天尺五
不勞飛騎走紅塵

次韻虞閣學上京道中

欲去仍為一日留
玉堂中夜有詞頭
歸鞍曉逐南飛鴈

猶及西山半夜秋

題李卓畫馬

平沙如雪草如烟
想見春風士馬閑
玉勒錦韉塵土化
畫圖流落尚人間

水僊圖

條條翠羽映鳴璫
誰遣乘風過我傍
歲晏高堂空四壁
一簾烟雨夢瀟湘

石節婦詩

伯也南征去不歸
舅姑長慟小兒悲
元戎奏徹鏡歌曲
來聽完州節婦詩

宣和畫木石

石邊古木尚青枝地老天荒石不知故國小臣誰在者
蒼梧落照不成悲

題高公畫竹木

木葉蕭蕭半欲空竹竿裊裊不成叢絕憐意匠經營處
都在風烟慘澹中

山水圖

老樹無陰石有稜亂山高下白雲層夢中猶識江南路
惟恨舟人喚不應

海月圖

憶曾夜叩潮音洞海闊天高月正中坐對畫圖如夢寐
六街塵土盡濛濛

送許參政歸武昌別業

九衢蕩蕩綠槐風旌旆搖搖馬首東惆悵鳳凰池上客
青天萬里一冥鴻

待漏東華霜滿靴掛冠神武意如何也知久歷中書考
若比汾陽恐未多

氈筆書題墨尚新杏花零落故園春一從今日公歸後
身到黃扉復幾人

曉日都門祖帳開路人嘖嘖歎賢哉東風無限新桃李

不敢煩公手自栽
片雲為雨出山時
群物欣欣各自私
收歛神功去無迹
尋常草木竟何知
住近韓家畫錦堂
不將牙纛詫同鄉
翻嫌相國歸來日
腰下猶懸太守章
白袍鵠立漫紛紛
遙聽車音共候門
相見唯須飲醇酒
看山看水坐忘言
南游聊食武昌魚
莫學騷人賦卜居
天子若思真漢相
可云吾亦愛吾廬

五十人間富貴年
山中道士早求仙
石田茅屋歸無計

愁絕燈前老鄭虔

龍門尚想舊同遊
藥籠深慚晚見收
新築沙隄却何日
欲歸且復為公留

飲後示陳生

歲終博士不趨遷
便腹先生醉欲眠
匡鼎若來猶自可
後堂無處著彭宣

題金德原所藏元暉小景

床頭書畫正縱橫
忽值今朝醉眼醒
起向米家船上看
青山元是舊儀刑

題洪崖出游圖

靈仙飛化事難言
驢背春風度市門
不到人間今已久
多應醉卧古藤根

贈寫真

自是清時翰墨流
水云林下莫淹留
漢皇正在麒麟閣
欲畫將軍博陸侯

送傅梅溪遷任福州

往歲從君直禁林
相於道義最情深
公車承詔蒞行日
莫怪頻頻酒屢斟

題王南谷大夫自作墨梅詩送傅君時教授南歸

何遜揚州跡未陳
染衣不是洛城塵
豪端一綫陽和力

中有江南萬斛春

題宣和御畫

青城塵土畫濛濛
百二山河一夕空
收歛神功歸化筆
野花啼鳥尚春風

題陸山長柳州

簇簇春山紫翠圍
瀟瀟烟水白鷗飛
東被正作西湖長
一曲空慙賀監歸

題清鏡閣

投老歸來賀監船
何時結屋鏡湖邊
羨公高坐毗盧閣
萬水同波一月圓

題趙伯容鶴巢

平原公子去翩翩獨遡剛風直上天家近孤山春樹好
歸期莫落後千年

次韻答濟公 三首

舊遊零落如星散坐對孤山似守株聽徹貞元供奉曲
羞將短髮照西湖

病須藥餌親丹竈老厭書帷徹絳紗幸有文殊來見問
更無天女散天花

白頭朝士方徒步欲過六橋愁路賒目斷紅雲花鳥上
樓居縹緲梵王家

桃源圖

山容慘慘將為雨雲氣垂垂欲傍花莫問前村何處覓
垂蘿盤石即吾家

瑤池春宴圖

西飛青雀幾時還貝闕琳宮縹緲間筆底春風殊未老
蟠桃積核已如山

次韻題墨梅

一自携家湖水東於仲時度玉花叢因君貌得橫斜影
閑却孤山月一蓬

題先照樓

初日團團出海東
凌晨先照最高峯
不知今日華嚴界
樓閣新開第幾重

武王扇暍圖

一夫偶爾獲清涼
四海仁風孰奉揚
有道曾孫不忘遠
幸均此施遍羣方

西溪題平章康里公春日杏園西即事詩後

鏘金戛玉音聲古
抉石奔泉氣勢雄
目斷雲車天路杳
小樓春雨杏花風

題明公畫蘭

吳僧戲筆點生綃
嫋嫋幽花欲動搖
夢斷楚江煙雨外

秋風灑水暮瀟瀟

東陽縣西道中

枯葉成陰綠滿村
桐花覆地草連雲
百年舊事無人記
猶指前朝御史墳

壬辰春三月遊左溪癸巳春三月遊天宮有感而

賦

頻年謁拜祖師庭
祇有山光與水聲
尚想玄珠密相付
免令我慢肆譏評

重刊黃文獻公文集卷之二

東坡先生集卷之二
蘇軾詩集卷之二
蘇軾詩集卷之二
蘇軾詩集卷之二
蘇軾詩集卷之二
蘇軾詩集卷之二
蘇軾詩集卷之二
蘇軾詩集卷之二
蘇軾詩集卷之二
蘇軾詩集卷之二

重刊黃文獻公文集卷之三

門人 宋 王 濂 全 輯

後學 虞 守 愚 僉 全 校

溫陵張維樞子環重選
會稽王廷會培菴補訂

賦

離居賦

慨予後古人而生兮恒潔志以好脩憑祖先之遺業兮
援往列之餘休粵總角以授經兮歲行汨其已周獨賢
賢吾何故兮庶遠悔而違郵攬雋恣以我彌兮懿前志
之為謀非夫人察予之衷兮孰躑躅而見收胡閔勉抱
茲獨兮曠周旋於窮陬廓私處而莫伍兮愴增思以懷

愁昔回路之相贈兮竭所獲以交投率並轡以疾驅兮
入聖域而彌優彼獨何人兮予顧忍恥而蒙羞惟昔者
之擇從兮極遠討而窮搜衆雜選其既多兮邈異趣之
交鉤紛詡詡以徵逐兮咸胥頌而勸憂曰予行之不可
兮矧將勗予以良猷居快悒其誰誣兮弦予歌之幽幽
恫惚慌以頽懷兮耿孤倡而無酬哀下土之塗濁兮駭
奔飛其呀咻大龜視予以吉卜兮曷去之而遐遊廣輪
曼曼而靡極兮忽又惑其所由非識路爲之先道兮懼
九折之摧吾軛羗穴豫以狐疑兮悵臨岐而夷猶軫中
情之戀嫪兮思勃鬱而莫抽噫遺行之已累兮固吾以
以綢繆夫有恃以爲善兮詎無成而淹留

太極賦

爲贅龐弗瞑眩之是圖兮何厥疾之能瘳堅所秉猶未
怠兮悼年歲之易邁諒予懷之旣騁兮雖坎壈其敢偷
苟非予之所存兮夫又何求結煩言而招要兮遂矢心
以綢繆夫有恃以爲善兮詎無成而淹留

厥初馮翼以曹闡兮維玄黃其孰分爰揭揭予中立兮
配天地以爲人曩既學而有志兮紛遑遑其求索曰道
不可名兮孰無徵而有獲繫皇羲之神聖兮感龍馬之
負圖得妙契於俯仰兮何有畫而無書豈至道之玄遠
兮非名言之可摹懿尼丘之降神兮廓人文以宣朗揭

日月於中天兮啓群昏之罔象指道妙於難名兮曰以
而生兩是謂太極兮非虛無與惚恍高下以位兮天尊
地卑燥濕以類兮五行順施南乾北坤兮西坎東離萬
物錯綜兮殊鉅細與妍蚩孰主張是兮茲一本之所爲
歷兩都而江左兮胡亂說之紛霏豈清言之弗羨兮去
道遠而偉先哲之獨詣兮重指掌於無極揭座右以爲
圖兮開盲聾於千億謂斯道之匪它兮在夫人而曰誠
幾善惡猶陰陽兮茲吉凶之所生嗟竒論之後出兮穴
壙坦爲戶牖析同異於一言兮或曰無而曰有猶終不
可使薰兮聖終不可使黜道惟辨而愈明兮貽話言於

不朽昔聖門之多賢兮續入室而升堂端木氏之穎悟
兮僅有覩其文章雖亞聖之挺生兮猶歎其前後之無
方疇敢索無聲於宵默兮孰能求無形於渺茫惟下學
而上達兮炳聖謨之洋洋諸生之貿貿兮方鉤深而摘
隱探賜也之所未聞兮誇神奇而捷敏持空言如繫影
兮曾不滿夫一哂曰予未有知兮何太極之敢言秉思
誠之遺訓兮矢顛沛而弗諉庶返觀而有得兮明萬理
之一原申誦言以自詔兮聊抒意於斯文

贊

閑閑贊

并序

客有談玄教嗣師閑閑公於僕者曰夫閑無爲也無事也公固方外士亦既登鈞天之庭而主列僊之籍烏乎閑僕聞而笑曰嘻蟻蠓不足以語扶搖之高蛭蝻不足以語溟渤之廣安得執迂儒曲士之見以窺夫強名者哉請贊公之道以祛子之惑可乎客曰唯唯乃爲之贊曰

之徒也歟

擊蛇笏贊

於烈孔公碩大且方麟鳳在郊百怪斂藏爾蟲何知乃罔畏忌怵彼蚩蚩改聽易視維是手版猶古璧圭千鈞則重鼯鼠則微憤激於中有弗遑計寧使妖血狼籍沾漬展也先覺俾民不迷九原莫作物是人非人之非兮鱗鱗之舞尚其聞孫曰予禦侮

李御史畫像贊

瞳如點漆顏如渥丹法冠朝服望之儼然人見其有威之可畏容止之可觀而孰知其精神心術之妙非畫史

所得而傳耶

學軒贊

器必琢而後成道必學而後知玉之不琢不失其爲玉人之不學不失其爲人也幾希是以有志之士莫不務學而求師虛以爲受教之地明以察進善之幾蓋深造以道固貴於升堂而入室取其虛明則於軒爲空居焉朝斯嚮晦宴息尚要其歸請爲學軒之贊亂以心齋之詩

程楚公小像贊

并序

故楚國文憲程公以宏材碩學被遇

世祖歷事四朝爲時名臣延祐紀元之初潛舉進士至京師因拜公於安貞里第後三十有三年潛起自休致入直詞林則公捐館已久幸從公之孫世京獲睹公遺像撫時運之推遷慨前修之莫作贊以一辭非敢曰美盛德之形容聊志歲月云爾贊曰
於風雲覲一言之寤意罄崇論而敷陳灼灼乎龜著之可覆洋洋乎魚水之相親激揚奮勵以紀綱乎憲度鋪張潤色以黼黻乎人文雖不以進退百官爲職未始一日忘吐握之勤凡楚材之晉用皆藥籠之儲珍咸懷誠

而秉忠其尊主而庇民奚必坐乎廟堂之上然後大展其經綸嗟儀刑之已遠儼丰彩之如新古稱達賢者有後是將在其來昆

董御史畫像贊

質厚而豐神完而充生乎相閥初無貴驕之色立乎朝著常存肅穆之容挺拔於翠竹碧梧之表泳游於祥雲麗日之中挹其光儀者猶可想見夫喬木世臣黃閣清風也

騷

訟魃

皇亶正直兮冒下惟仁肇毓嘉種兮誕生烝人胡汝魃之暴亢兮盜威柄以自神禍凶是司兮俾闕厥伸窮千里以逞毒兮豈此土為匪民歲丁未而孕孽兮俶九尾之邁凶乘陽竊出兮霍霍隆隆斥棄輿馬兮謂肥蠶其猶龍絳帑彤靴兮疾走如風揚氛埒於滄涂兮瞻我野其童童餓糧殫於草木兮搏塊礫之不可食旄倪僵尸兮強斂死力首丘而弗遑兮胡愍隸之可得狐狸飽而跳踉兮腐齒縱橫藜藿出戶兮室無哭聲野藁藁其誰闢兮篝火煜其宵行皇保下人兮曷椽喪而極斯樂人之死兮職魃所為耗賊大和兮遏玄澤於旣施朋殃友

厲兮出入敖娛仰九關而往愬兮予跋跋其屢止曰無
往而勿復兮其悔禍之汝埃胡披猖而薦肆兮將窮菑
乎今茲扇虐燄於熒熒兮導伯強使先之怒氣焯其如
饋兮惜薄人之四肢挺刃歛至兮狼顧睽睽曾遺民其
幾何兮矧有秋以爲期吞汝魃兮誠忤忍而險復憑妖
矜孽兮畔戾聖則謂吾莫汝燭兮何裸身頂目而辟易
有赫臨汝兮顧微臣其何力命不可久斃兮威不可久
乘孰怙終而稔毒兮能自道於天刑皇斯震怒兮叱咤
雷霆斧鉞孔利兮百神效靈害戕屏絕兮鬯嘉生於百
齡磔棄妖脅兮沈溺清冷嗟魃弗悛兮後雖悔其何懲

答問

答客問

僕大德中忝被選舉一時後進之士多見拔擢而僕方
居田里或訊其苞苴不修以爲迂濶乃倣昔賢述其
問答之辭云 客問主人曰蓋聞周於道者不貞
於小諒通乎變者不偏於俗度所以超尋常而建榮名
者也是故劉澤捐百金而王全燕不韋資奇玩以相強
秦由此言之豈非仁者固以財發身邪今吾子餐醇醪
襲芳華畢弋文翰之林而藩道德以爲家有日矣生逢
熙洽之朝名廁英俊之列曾不能披金閭歷絳闕騰驥

翁施揚眉鼓舌使聞之者膽寒炙之者手熱下是猶不
得輸筋力效智能於斗食之末然且僴勉趨起擇地而
趨持下執雌以蹠 蹕乎泥塗子之爲術不旣疏乎於
是主人瞠然而眎蹶然而笑曰若客之言毋乃眩勢交
之榮悴昧俗化之隆庠賭擗橈之利用而將乘之階祀
也曩者王途塲濁獠狡接足悻悻婞婞壤壤蠹蠹川奔
焱馳爪拏角觸富者蹈顯榮貧者嬰賤辱當是之時毀
廉爽行懷膏潤以賈媚悅者蓋不可勝錄也一旦恩移
勢奪權傾位軋金銷石毀星離電滅信夫以膏沃火者
膏盡則火微以利錮交者利盡則交絕爾其便翾捷疾

更起迭仆朝躐要津夕僭羈旅曾得喪之幾何而蒙詬
於終古是宜顏子殉志於簞瓢魯連唾睨於商賈長鶩
獨立蟬蛻滓溷而勿顧也今國家陶泰和源淳源軼燧
農轅羲軒龐恩濺澤旁魄布濩圓顛方趾之民濯沐神
化者無不抱信讓揭貞素籍禮義之衽席服中正之冠
履時則羣公庶尹濟濟鱗列騰聲發采作世玉雪譬若
以伯夷爲太傅曾參爲司徒公儀休爲御史孟公綽爲
尚書原思爲博士於陵仲子爲大夫鮑焦給事於黃門
黔婁待詔於公車邈哉此非常之際亘億齡之所無由
是遐陬裔壤鬼岸之士莫不舒翹振華纓冠縱履喁喁

于于以觀羔幣之所抵雖以眇膺遑迤朝佔夕呻亦且
睢盱批捩羞沒齒而無聞也然而淹速有時顯默有宜
故甘生以童孺都上卿而太公白首乃爲萬乘師此理
之固然而物之不可必齊者也今吾子處盛時而談叔
季當羣居而言財利奈之何笑鳴玉曳履之舒徐而欲
挾纖離騷衷以助其駛邪客乃憮然有間曰夫市井之
言不足以陳於先生之前固也敢問君子之將售其志
者亦潔名以爲高矜已以自熹而已乎主人曰何爲其
然也昔百里用秦鬻身五羊鞅介嬖豎厥開富疆毛生
重趙引錐脫囊孔舍魯而歷聘擊匿媵以要湯是皆韞

不世之閔略將圖伯而謀王誠懼夫厥志之弗究寧畢
已而遑遑夫以鯁生駢淺豪補縷拾退若失九牛之一
毛進若增太倉之一粒固宜量簣而容度綆而汲亦安
敢肩聖喆而駢立哉乃若樹不貪以爲名宋司城之寶
也弗枉尋以合汙鄒孟氏之道也斯吾徒之所知而百
世之師表也且予聞之時盈時虛天理之常乃仁乃義
人道之綱是以君子立不易方故曰勿行爾悔無患名
不大勿信爾欺無患祿不隨客獨不觀夫蘭滋九畹珠
媚重淵無脛以自致無舌以自宣至其流光晶吐郁烈
則人亦莫得而棄捐也若夫卜生投間於乏興張季藉

勢於雄貲相如發軔於武騎次公奮跡於沈黎是亦非
實人子之可幾獨共已埃命而奚疑其或次也猶然
不大策問爾其思厥不則春露不贈夫蘭幽火地
入上鄉試蒙古色目人策問曰必許爾其思
問天下事可言者多矣未易以遽數也姑舉其一二言
之可乎人材有短長而惟限於資格民力有高下而同
困於征徭儒術非不尊而未能崇雅黜浮吏治非不嚴
而未能發姦摘伏因循積久莫知所以爲變通之方識
時務之俊傑詎可默默而已乎願摠所蘊以俟爲政者
擇而行焉毋徒爲甚高論也

國學蒙古色目人策問

問學者將以行之也所學何道歟所行何事歟絃歌之
化本於四科之文學後世專門名家猶有以儒術飾吏
者以經義決事者夫何古道湮墜士習日媮羣居則玩
思空言而指簿書錢穀爲細務從政則苟道吏議而視
仁義禮樂爲虛文不幾於所養非所用而所用非所養
歟二三子蒙被樂育以幼學爲壯行之地可無所熟講
而素定歟孔門遠矣西漢之士有不可企而及者歟願
試陳之無以讓爲也

問欽惟天朝建國學爲育材之地二三子以公卿貴胄

而齒於諸生其相與言者無非天人性命之理若夫五射六御干戈羽籥凡古所用以爲教者皆未嘗以接於心目豈不曰彼所習者器之末此所講者道之本歟是宜成材就實有卓乎其特異者乃或不能無媿於古何歟先儒之論學蓋曰不可厭末而求本古人爲教之具亦有可用於今者否歟願推求其遺法將以復于上而與二三子講習焉毋徒以空言爲也

問國家之患盜自古而然矣方今朝廷清明天下無事而民間推埋搏掩之習猶有存者以爲養之未至窮而無賴歟教之未盡愚而無識歟則農桑學校之政嘗舉

矣以爲郡縣之治有未善苦吏急而致然歟則守令之選又未嘗不精也願推言夫不能使民不爲盜者其失安在弭之之方宜何如毋諉曰此有司者之事非諸生所知也

問進賢退不肖古之道也國家設官分職以理庶務而俾持風紀者司其黜陟夫何州縣間絀於吏議者往往而是登于版牘者曾不多見歟有虞氏所舉十有六人所去四人而已由是推之三載之所黜陟槩可知矣豈今不古若賢者寡而不肖者衆歟孔子曰十室之邑必有忠信安可厚誣天下無君子歟願試陳之以祛所惑

馬

問君子小人如陰陽之相反用君子則治用小人則亂不待智者而後知也然稽之前古雖治世未嘗無小人亦可盡去乎夫所以處之者必有其道矣聖人推陰陽之消長以為處小人之法或尚剛決或貴於不惡而嚴何其不同乎方今明良相逢君子道長時之所以為泰也欲保其泰有急於處小人者乎聖人所謂剛決與不惡而嚴者今宜何先二者以對

問養士將以致用也養之於未用之前者有教法焉用之既養之後者有選法焉為法雖不同而首尾相資有

不可偏任者夫向今也拘於法守莫能相通漢之徒三千不盡登於銓曹唐之吏八百不皆出於學館所養非所用而所用非所養選法在今為甚密教法視古則已疏法制之疏密既殊事任之重輕不得不異此勢之所必至歟是果出於立法之初意否歟品調消息之使無彼此輕重之偏亦有道歟此區區之所欲聞也

問古之為國者必務訓農其民富而俗醇良有以也方今朝廷重臣既專領司農之官郡縣長吏又兼任勸農之職而田里之間地有遺力人多游心談者率以為田不井則背本而趨末者衆是固然矣夫井地之法既未

易卒復若何而能使守本業者有以盡其力逐末作者
有以易其心幸試陳之
問古之爲治者必正習俗夏之忠商之質周之文所尚
不同故其爲俗亦異董生謂漢宜損周之文用夏之忠
漢人所習尚者果周之文否歟方今之俗以爲文耶則
士多因陋而就寡以爲質耶則民多澆淳而散樸以爲
忠耶則爲吏者又往往舞智以御人所尚果安在歟欲
救其弊宜何先歟諸君子他日獲備官使出而任承流
宣化之責於當代所宜損益者可無夙講歟試言其略
問除盜抹荒非無良法然莫思患而豫防之乃今聖仁

在上威行惠孚蟻聚之衆固已肅清菜色之民殆將甦
息及是時也儆戒無虞蓄積備具有不可不素講者二
三子儻有志焉於從政乎何有請試陳之以俟有司之
采

問昔者孔門弟子之間答言必以實聽其言而其志之
所趨學之所造可知也去聖日遠後生小子類以空言
相高端木氏之所不得聞者若已有聞漆雕氏之所未
能信者若已可信雷同勦說併爲一談雖有知言之君
子亦莫能察其所志之遠近所學之淺深也惟自知之
明者其爲言也實二三子宜審於自知矣幸因答問少

據其素蘊以見夫所志所學之實何如也
問為國者皆欲吏之廉不知所以致其廉皆患吏之貪而不知所以去其貪談者謂祿秩厚則廉者有所勸禁令嚴則貪者有所懲是固然矣今之祿秩非不厚而廉吏不為之多禁令非不嚴而貪吏不為之少其理安在乎問聖賢之論治未嘗不取法於古顏淵問為邦而孔子告以四代之禮樂滕文公問為國而孟子告以三代之井田學校何所取之不同歟由施設次第言之必養之以井田教之以學校而後禮樂可興也其法果可偏廢歟孔子所言布在方冊顏淵無其位而不得行滕文公

有其志而不能行後世雖或行之而未盡也今亦有當講者歟尚畢其說

問民貧則國無獨富民富則國無獨貧此理勢之必然而無可疑者今天下之民以為貧耶木土被文錦犬馬餘肉粟者亦或有之以為富耶椹褐不完含菽飲水而不免於飢寒者蓋已多矣國家之調度將一切取贍於富家固不能無朘削之患欲使均無貧而皆有以待公上之須又慮夫兼并之弊終未易除然則為國計者如之何其可也

問蓋聞君子學道則愛人小人學道則易使今之君子

知學道者誠有之矣小人而能學道者物不多見也伊
欲以斯道覺斯民使化行俗美而比屋可封則爲君
子者不得不任其責請試言之以觀二三子之自任者
何如也

問爲法必有先後之序知所先後則舉而措之斯易耳
蓋昔之言治者曰明黜陟也抑僥倖也精貢舉也擇官
長也均公田也厚農桑也修武備也減徭役也覃恩信
也重命令也此十事者孰於今爲急而在所當先孰於
今爲緩而在所當後二三子習爲明體達用之學必嘗

問昔安定先生之教學者有經義齋有治事齋治事者
人治一事又兼一事故其出而仕多適於世用若老於
吏事者由講習有素也夫窮經而不能致用則經爲空
言矣作事而不師于古訓則其爲事亦苟焉而已矣是
果可岐而二之歟然以其成效觀之則又如彼何歟諸
君子朝斯夕斯所談者無非經義也所治果何事歟幸
試以素所講習者言之毋讓

問錢出於古而交會創於近代然所謂交會者必以錢
爲之本蓋合券所以取錢非以彼易此使之捨實錢而
守虛券也方今鈔法獨行而錢遂積於無用之地立法

之初固有因有革及其既久亦宜有變通之道焉請試
言之以待執事者之財擇

問禹湯文武其道一也而有忠質文之異尚于丑寅之
異建何歟至若夫子又有行夏從周之說其去取之旨
可得而聞歟記禮者有曰虞夏之質殷周之文至矣由
是言之有虞氏亦有所尚歟殷之前夏已尚質周之前
殷已尚文歟三代而下以迄于今所用固夏時也今之
爲文果皆周之文否歟時務蓋莫有大於此者不可以
不講也幸究其說

國學漢人策問

問選舉之法其來尚矣說者率以爲古之取士以實不
以文後世反是故其人才不古若也稽之經史則有虞
氏之敷納以言近於文成周之賓興以六德六行近於
實謂有虞氏之法不及成周可乎若漢之以孝廉察於
有司者即古之所謂德行唐之以直言極諫對於天子
之廷者即古所謂言也然以唐人詞章之習較之西漢
之儒術東漢之名節固自不侔夫豈文勝其實誠如談
者所云雖有虞氏之遺法亦不能無弊乎此皆有司所
甚惑也幸相與推言其故

問漢儒言災異者焦延壽京房以易夏侯勝劉向歆父

子以洪範五行故延壽作易林而向作洪範五行傳論
至班固始述歆言以爲河圖雒書相爲經緯八卦九章
相爲表裏蓋二者莫可偏廢也曷爲而古書獨五行有
志乎近世學士大夫皆以易言吉凶而不復以洪範言
休咎豈非欲矯其偏乎漢儒之牽合拘泥誠若未足盡
信固所序次禍福徵應之實果可廢乎然考之周官則
太卜所掌三易之外無所謂洪範五行者豈古之陰陽
占驗一以易爲斷而洪範不預乎箕子之言安所用漢
儒之言何所本乎易洪範並列于六藝五行災異之學
豈但小道可觀而已今亦有能通其說者乎請聞其略

問爲學必求師而取友師之尊未若友之親也樊遲問
仁與知夫子既告之矣退復質諸子夏始喻夫子告之
之意當時學者既問於師又辨諸友其務實如此非後
進所宜取法歟二三子群居終日求於師者爲甚詳而
取於友者則已略是固知師之可尊矣亦知友之當親
歟在易麗澤允君子以朋友講習釋之者曰允爲說朋
友講習說之大者也知講習之爲說則知友之當親矣
其相滋相益豈淺淺歟願以古者須友而成之義相與
茂明之母苟曰歸而求之有餘師也
問成周鄉飲酒之禮歷漢唐猶存漢唐行於郡邑而西

晉行於辟雍今願以非著令所及莫之敢舉惟偏州下
邑守令之有志於古者乃或講行之固未必能盡合於
舊典也蓋古之鄉飲酒或以蜡祭或以習射或飲國中
之賢者唐惟三歲賓與略用其儀今又廢矣升歌笙入
間歌各三終皆以小雅合樂三終則周南召兩漢惟鹿
鳴騶虞僅傳其聲今亦亡矣然則古禮之存者幾希伊
欲蒐輯遺文以諗于朝而肄習于庠序之間諸君子倘
有意焉幸相與商訂之

問漢耿壽昌奏設常平倉蕭望之非之而宣帝不聽常
平法既行民果以爲便後世因之莫敢廢也夫以望之

論議有餘材任宰相豈迂闊於事情而不知變通者歟
若壽昌者徒以能商功利得幸於上何以使法施於人
如是之久歟近代常平義倉領以專使逮至我朝乃有
義倉而無常平頃嘗有以復常平爲請者事下有司將
行而輒止或者壽昌之遺法至是不能無弊而望之之
言爲不謬歟徵古驗今以究其得失而折衷之有司之
所願聞也

問班固志地理條其風俗最爲詳悉按禹貢周官職方
氏辨九州山川土地所宜皆未始及乎風俗而十三國
風之變獨見於詩說者謂盛治之世天下大同故無風

俗之可言國異政家殊俗而風聲氣習隨之故不得不
論其風俗作史者兼而取之所以備著古今之本末云
爾然以其時攷之禹有反道敗德之苗民周有怙侈滅
義之殷士則於其同之中有未盡同也曹之失奢魏之
失褊鄭衛之失淫而唐有堯之遺風則於其變之中有
未盡變也文翁倡其教相如爲之師而蜀之文章冠天
下韓延壽先之以敬讓黃霸繼之而潁川之教化夫行
則風有時而移俗有時而易似未可專以地分爲斷也
夫語時務者莫大於移風易俗而於經史之指若有未
喻幸有以祛所惑焉

問尚論昔之言治者必推賈誼董仲舒而劉向稱仲舒
雖伊呂無以加誼雖伊管未能遠過則是誼仲舒皆伊
尹之流也然而一則曰伊呂一則曰伊管豈仲舒所言
純乎王道誼所言雜出於霸道歟向子歆不以向之稱
仲舒者爲然而於誼無所貶誼果非仲舒所及歟至歆
叙七略誼仲舒又何以與伊尹太公管子並列於諸子
歟若夫治安之策天人之對乃班固所謂切於當世之
事而二三子所夙講以待問者也請據其言之無忤於
古人可施於今日者條陳之

問職田之制其來尚矣而今也謂之養廉職田職田而

以養廉爲名則是吏之廉否特視夫所養何如耳然以田之在官者有限有田則給焉無田則弗給也不幾於穀祿不平乎若夫人品之不齊又未易以槩論廉者固不待養而有養者未必皆能廉也豈非無恒產而有恒心者惟士爲能乎伊欲使上之所養也均下之自養也厚其道何由可得而聞乎

問曹參避正堂舍蓋公而齊國安集周亞夫得劇孟苦一敵國而知吳楚無能爲班固於本傳備著之者以其有關於治亂成敗云爾至爲司馬遷傳贊乃譏其先黃老而後六經退處士而進姦雄其旨安在乎固又謂道

家者流清厲以自持卑弱以自守合於堯之克讓易之謙謙布衣游俠之倫溫良泛愛振窮周急謙退不伐亦皆有純異之姿其稱之如此豈猶有取於遷之遺意乎方今治教休明風俗醇美爲士者既不屑道虛無之言爲民者又莫敢以豪桀自任諸君子亦嘗覽古今習尚之變而考前史論議之同異得失乎願聞其說

問古者士有常業官有常守故其爲事專而成效易見也夫何後世之用人惟以歲月序遷而不復審其能否至於官數易其守而士數易其業以儒名家者不得專意於稽古禮文以吏爲師者不得專力於簿書期會自

非以數術方技執藝事爲世守鮮有久於其職業者授以不素習之事而欲委任責成焉亦難矣豈當世之士皆有非常之材而措諸事業者無施不可歟抑爲士者徒知計官資之崇卑而未能如數術方技執藝事者之安其所守歟不然則古者任人之道不可行於後世歟必有其說

問談者謂秦尚申韓故其治刻薄而少恩晉尚莊列故其俗浮華而無實其說是也我國家尊尚儒術褒孔子之道以昭示乎四方搢紳先生言必以孔子詩書執禮而非敢爲申韓法家之言也教必以孔子之文行忠信

而非敢爲莊列道家之教也是豈秦漢之風化之習爲之丕變乃猶有一二之或存而未盡去者何百家邪說入人之深而儒者之効顧若是緩歟夫豈爲士者溺於口耳之末而昧於當世之所尚歟不然則承流化宣者未能諭上旨歟願聞所以轉移而興起之者其道何由也

問昔之大儒盖有以習文法吏事見稱於史氏者然則文法吏事亦君子之所宜知也安可忽乎孔子曰古之知法者能省刑本也今之知法者不失有罪末矣惟夫使之無訟而後可以省刑是誠難能也苟非有以得其

情鮮或不失有罪者豈易然乎律學之廢已久理官所
掌固非諸生所得與聞乃若先王立法之意思考諸載籍
猶可見也二三子姑以所知者究其本末而極言之可
乎

問自古有國者不能去刑必設官以主之虞之九官明
刑者有士焉而折民惟刑者秩宗之官也周之六官掌
刑者有司寇焉而以鄉入刑糾萬民者司徒之官也既
有刑官而文以它官分任其職何歟豈其爲事固有不
同歟今之刑曹即古之士與司寇也禮官無所謂折民
之刑而教官無所謂糾民之刑職任可謂專而不分矣

夫職任專則事易治何古之人慮不及此歟二三子姑
爲之解

問古者家有塾黨有庠術有序國有學蓋無地而無學
亦無時而不學也王制諸侯天子命之教然後爲學則
凡天子之命所未及者不得有學矣將輟而弗教歟干
乘之國爲鄉術與二十五家之間者有幾而建學立師
悉聽命於天子爲法何若是之煩歟小學在公宮南之
左大學在郊此諸侯之國學也豈當時國學湏天子之
命乃立鄉學之設不待稟命歟夫學校之政亦時務之
大者也考經傳之遺文以祛所惑敢俟來對

問古之造士必以四術而莫尚於樂有虞胄子之教典
樂專焉成周國子之教司樂總焉考其名官而所重可
知也豈不以樂者學之所以成終歟漢唐去古日遠詩
書禮之文雖僅存而樂之缺有間矣然猶有以樂立於
學官者有請以樂教諸生者其爲樂果皆出於古歟我
朝沿襲近制雅樂之設于成均者惟釋奠乃有人樂而未
始用以爲教也其爲樂果不通於今歟孔子適齊以童
子視端行直而知韶樂之作樂之善人心其效如此而
可希闊弗講歟伊欲如帝王盛時俾爲士者無不成於
樂亦有其道歟二三子旂于庠序之間蹈德詠仁不爲

不

又願具陳古樂之本末與其可施於今者有司得以詳
擇焉

問若昔三代之士論于鄉者必升于學然後官爵加焉
其取之也詳故其爲材也備漢之四科不皆養於學校
唐之六館不皆擇於鄉閭至宋之方州舍法遂判焉兩
途而亦足以得人何歟洪惟國朝自至元間建首善之
地于京師以風四方逮延祐初乃以科目取士著于令
如種之稷適適其時三歲登賢能之書于天府僅百人
以博士弟子而預其列恒不若偕計吏者之衆豈取之
有未盡歟抑教之有未至歟或者閎閎貴游恥與寒畯

爭長歟伊欲考古之制自鄉而學自學而官爵之其可行於今否歟後世之法亦有可參用者歟幸試陳之毋隱

問國朝之制策士必以經史時務時務誠未易知經出于聖人亦不容擬議也姑以史事言之左氏之所傳太史公之所紀立法何不同歟班固荀悅范曄袁宏陳壽之流互有祖述孰爲得失歟歐陽子唐書法太史公者也司馬公通鑑法左氏者也而皆不能免先儒之譏是蓋有其說矣然綱目之作或因其舊或革而正之其是非去取可得而聞歟方今六館之士奮自儒科而居編

摩論撰之列者踵武相接也二三子於昔人之是非得失安可無夙講而爲之折衷歟願試陳之以觀所學問古之爲國者四曰井田曰封建曰學校曰內刑其存於今者學校而已夫阡陌之已開者不可復矣何以使民無甚貧而遂其生歟郡縣之已置者不可變矣何以使吏無數易而成其治乎蠶令已定則法之輕者不可加重矣何以使人無易犯而不陷於罪戾乎若夫學校雖以著令僅存而知仁聖義忠和之教不及於萬民直溫寬栗剛簡之教不行於胄子何以使之成其材就其實乎先生之遺制廢而莫之舉者既如彼存於今者又

如此其弛張損益亦有可議者乎二三子游於庠序之間而務爲有用之學得無夙講於此乎其酌古今之宜以對毋以勦說爲也

問一代之興必有一代之俗風聲既立氣習縈焉東漢尚清議而名節日以崇西晉好清談而禮法日以替得非好尚之殊遂以成俗歟然夷攷其人無所回撓戮力王室者清議激之也而亦有遜辭恭色取媚於時者焉清議果安在歟任放爲達廢弛職業者清談啓之也而亦有檢攝衆事未嘗少閑者焉清談何嘗爲之累歟豈士君子之制行有不隨風聲氣習轉移者歟稽前言往

行之得失以自鑒而防其好尚之偏不亦學者之切務歟幸試陳之以觀所趨嚮者安在

江西鄉試漢人策問

問三代法制見於經者惟周官一書大綱小紀詳略相因其言人事悉矣然稽之尚書王制孟子之書有不能盡同者何歟或以爲周公致太平之迹或以爲六國陰謀之書果何所折衷歟周衰諸侯惡其害已而皆去其籍是書何以獨存歟漢除挾書之律是書最後出而冬官亡矣時以考工記足之或者排其非是考工有記果出於誰歟或又謂三百六十之屬已散見於五官冬官

果未嘗亡歟國家以經術取士而是書不列於科目豈以劉歆蘇綽王安石輩用之而不驗歟抑他有可議者歟厥今朝廷內建六曹蓋古六官之遺意也豈其成法固在所取歟抑猶有可舉而行者歟諸君子爲有用之學宜熟講之矣願聞其說

江浙鄉試蒙古色目人策問

問先儒以經義治道分齋教諸生而水利居其一然則水利亦儒者之所當知也古所謂水利曰河渠曰溝洫溝洫施於田間故其效易見河渠限於地勢故其功難成方今言東南之水利莫大於吳松江視古之河渠與

溝洫其爲力孰難而孰易其爲利孰少而孰多諸君子習爲先儒之學必夙講而深知之矣幸試陳之以裨有司之餘議

江淞鄉試南人策問

問事有不本於古而可施於今者君子所不廢也然亦安可徒守故常而不究其始終乎漢之取民者有更繇有筭賦而除天下田租之令時出焉唐之兩稅與之孰輕孰重而迄今以爲定制乎漢之任人者有察廉有課最而舉可爲將相之詔間見焉唐之循資與之孰得孰失而迄今以爲定格乎其果皆無弊乎推本而言則取

民莫善於井田任人莫重於封建自秦開阡陌置郡縣千載之下迄今遵爲成憲者大抵皆秦之舊也何以能使其法施於人久而不變乎漢之限民名田唐之襲封刺史非盡泥於古也亦莫有堅持其說而卒行之者豈時殊事異通於古者或戾於今而上下之所便安者無古今之間乎民苦於兼弁而無以樂其生吏病於數易而不得善其治又非可謂便安之也其弛張損益猶有當議者乎它如交鈔引鹽近倣於宋以立法者又未可遽數也請姑以其大者考歷代之沿革原其姑要其終而折衷之庸俟上之人采擇焉毋苟謂此儒者之常言

而雷同勦說以對

策題

會試漢人南人策題

問孔子告門人以既庶加富既富加教牧民而事具則王道成矣其設施之略可得而知歟稽之周官則所以庶之者有九兩保息本俗所以富之者有九職土會上宜土均荒政職事所以教之者有八統十二教三物八刑五禮六樂其經制之詳可得而聞歟孟子之語時君無非周公之法孔子之意也推而行之果可通於今歟漢唐盛時亦云庶且富矣君子或以爲其教無聞焉

或以為未知所以教也伊欲盡三事之責若何而可以
去漢唐之陋若何而可以比成周之隆抑有其道歟其
酌古今之宜而折衷之以對

雜著

賈諭

曷嘗觀於賈區乎吳之鹽蜀之布會稽之美箭代之名
馬至於漆泉厄苦筋膠藥物之衆無不叢聚區別而具
璣丹銀重淵遂谷恠珍之產又皆篝火腰組冒百死之
禍乃能奪而出諸虎豹蛟鼉之宅亦且畢致而錯陳焉
彼其役傭工費舟車遑遑顛顛心計目察筭者閑者在

箇管者匱而藏者辨之患弗良聚之患弗豐耳辨而良
則售益博聚而豐則獲益厚其貨誠千金也人且以千
金至矣求其張虛肆負枵橐自廁其間而能以操竒贏
者無有也於是日昃鼓起囊金適市者莫不鱗集蟻合
辨物以真賈焉方囂譁烟塢之中一旦有委千金於販
夫販婦而未嘗少見德色者誠將交致其利而向之千
金非以施愛云爾也仁義忠信士之大寶而爵祿車服
國家之千金矣夫其爲寶也非必燭幽緹深涉死地而
後能有也彼飾虛懷枵號呼以望售者何憧憧耶儻人
之直而能無德色者又幾人耶嗚呼市井之事學士大

夫所共賤鄙而羞以汚齒牙也今之稱乎大人君子者果何如哉果何如哉

讀賈生傳

屈原死後百有餘年而漢有賈生賈生以謫去過湘水乃投書以弔屈原太史公蓋合二子以爲傳夫亦徒見生之爲文愁痛無聊發憤壹鬱不殊於原而未極其趣者也夫懷王受欺於張儀疏屈原而不用身陷國蹙爲天下笑頃襄親值其亂而曾不悟及怒原遷之江南而楚亦尋滅彼屈原者誠悼夫存君興國之志終無所伸而爲是發憤無聊也生之在漢非有肺附之親歷試之

又顧於卒然遇王之頃欲盡去其舊而惟已之所欲爲一不見用則遂自附於原而待其君以亡國之主誠何理耶夫改正朔易服色法制度定官名興禮樂事至不輕也大臣不聞議士不與而遽自草具其儀法可不可哉絳灌之屬皆先帝舊臣苟遠嫌而不言則誰當言者且此三四公位爲將相爵爲通侯權寵之盛豈復有過於此亦何忌而不容一新進之賈生耶然則謂生以讒去而遂以配於屈原者甚不然也夫生之始欲改定制度也將無以天下爲既和洽與至其論厝火積薪之勢願在乎數年之後凡其言之可行而必效者大抵皆南

遷之餘也吾意生以憂患怵迫習於世故未必不悔其
前言之易而尚肯尤人之短已哉然則今之疾視絳灌
之屬而比之上官子蘭者又非必生之志也周人之詩
曰肆成人有德小子有造絳灌之屬安足以知此徒使
如賈生者不得盡其材反以年少初學而見斥遠則其
蒙蔽賢之譏非不幸哉

陸君實傳後叙

僕為此叙時固已不敢悉以客語為信及來京師將取正於太史氏

而新史所紀二王事乃與皇朝經世大典自有不盡合者史既成而鄧氏光薦家始以其與海綠等書上進又不能無所見所聞之異辭謹據其一二附注于舊文之下以訂其訛舛補其闕逸

陸公秀夫之死楚人龔先生開既為立傳且曰君實死

事得之里人尹應許尹得之翟招討國秀翟得之辛侍郎來莘而君實在海上乃有手書日記日記歲鄧禮部光薦家數從鄧取之不得故傳所登載殊弗能詳至公之官位為丞相為樞密使亦且貳其傳而莫能定因字稱之曰君實而不爵蓋闕疑也僕往在金陵客有來自番禺者頗能道崖山事云宋益王之踐帝位也不踰年而改稱景炎歲丙子五月乙未朔宋丞相陳宜中等立益王于福州以為宋主改元景炎并福州為福安府新史所書無非其實而大明年南遷化之碣典據傳聞之辭誤以景炎為咸熙云明年南遷化之碣洲景炎改元之十一月御舟入海自泉而潮十二月次甲子門明年正月次梅蔣四月移廣州竟次官富塲六月次古墘九月次淺灣十二月駐秀山一名武山一名虎頭山入海至井奧一名仙女澳風大作舟敗幾溺復

入海至七洲洋欲往占城不果遂駐碇洲鎮碇洲又明年四月戊辰殂於舟中

自井澳遇風驚悸成疾以至太

漸遇風之日新史以為丙子填

海錄以為丙寅越三日庚午衛王襲位是日黃龍見海上羣臣

皆賀乃升其地為翔龍縣填海錄以為是日午登壇禮

畢還宮御輦所向有龍擎空而上身首角目俱全暨入

宮雲陰不見非見於海中也翔龍縣填海錄以為祥龍

龍興以為拜張世傑少傅樞密使蘇劉義開府儀同三司

殿前都指揮使陸秀夫端明殿學士簽書樞密院事餘進

官有差景炎新造之初世傑為檢校少傅兩鎮節度使

保節度使主管殿前司公事兼諸路經制鎮撫大使廣

東西策應大使秀夫為中書舍人兼直學士院累遷權

尚書加端明殿學士尋謫潮州明年七月劉義能經制

等使免兼殿司十月秀夫還行朝徐同簽書樞密院事

祥興嗣立世傑以樞副秉國政秀夫以簽樞裨助之

木也進拜惟劉義以問官累加開府儀同三司填海錄

所載視新史為詳而秀夫之官位與新史異

會雷州失守而六軍所泊居雷

化犬牙處乃稍北徙廣州之境五月寓梓宮於香山縣

尋葬其地上廟號曰端宗陳宜中以宰相為山陵使事

畢宜中一夕浮海去莫知所之上廟號以四月辛巳梓

福陵蹟宮復土以九月壬午朔皆非五月亦非先寓於

香山先是宜中辭相位而以樞密使都督諸路軍馬御

舟次碇洲舟皆來會惟宜中自南蕃洋轉拖往古城

累及竟不至山陵使乃觀文殿學士曾淵子非宜中也

見填海錄而六月世傑等遂奉御舟抵崖山崖山者在

新會縣南八十里鉅海中與奇石山相對立如兩扉潮

汐之所出入也山故有鎮戍世傑以為此天險可扼以

三

青

三

三

三

三

三

三

三

三

自固始不復事轉徙矣六月己未御州發碭州乙亥至

庚辰升廣州為祥興府見填海宜中之去劉義追之不

能及夜泊仙女灣俄有天火飛集其舟延燒眾舟幾盡

劉義追宜中八月庚申月貫南斗己巳夜復有星大如

正眾小星千百隨之自西北流墮東南海水中聲隆隆

如雷蓋天狗云已巳星墜海中書於新史而填海錄以

如箕中爆裂為五既墮地殷如其年十月蒙古漢軍數

路並進江東宣慰使張弘範以舟師由海道出漳潮江

西行省參知政事季恒以步騎出梅嶺弘範拜蒙古漢

副元帥大典所書可考而恒廟碑謂恒明年正月己酉

朔宋改年祥興行元會禮丁巳登海舟世傑就崖山港

艘為方陳中廬外舳貫以大索四圍起樓已未弘範兵

至崖山庚午恒亦以兵來會乃先遣斷其汲道舟人茹

乾糗餘十日渴甚則下掬海水飲之海鹹不可飲飲者

亦輒病嘔洩軍中大困海錄新史不書二月戊寅朔世

傑部將陳寶降陳寶以二月戊寅朔降見新史而填海

統制陳寶與撥發張達忿爭而降又書統制陳忠與撥

癸未大戰恒南向隨潮下弘範北向隨潮上夾攻之恒

早潮退攻其北至午潮上弘範攻其南見新史恒廟碑

自朝至日中戰未決會日暮雨暴作昏霧四塞宋師

碑書而弘範廟碑詳書之但誤以癸未為癸未之明日

部伍大亂秀夫朝服抱宋主赴水死世傑命小舟取幼

世傑舟或不免或反為人所賣被執辱於是擁之負璽綬自沈後宮及百吏士從死者

以萬數國秀等文武班行之降者猶百餘人是歲實至

元之十六年也國秀官承宣使見大典其父貴以復州

指揮使泌江招撫使時貴已死填海錄所載世傑知大

事已去乃挾鬪艦十八潰圍奔南恩州五月庚戌遠至

海陵港遇颶風舟敗死焉餘衆盡沒自是嶺海間無復

宋軍幟旗矣世傑劉義等三十餘艘斬纜乘朝而遁世

至山東欲向占城土豪強之回廣東乃回舟儀南恩之

海陵山散潰稍集謀入廣擇宗室子立之六月庚辰颶

風大作將士勸世傑登岸世傑慮為人所圖即登拖樓

露香以祝風濤愈甚隨水溺死諸將焚其尸函骨葬朝

居里赤次村劉義出海洋後為其下所殺見填海錄其事往往傳所不書竊嘗有

志論錄附傳而行以備本事然恨其不能記陸公終何

官秀夫終於端明殿學士同簽書樞密院事見填海錄

新史書秀夫景炎之初為簽書樞密院事詳與之初

為左丞相而大典於秀夫之死第稱之曰端明殿學士

盡丞相文天祥家傳謂秀夫以樞密兼宰相者言其以

簽樞行相事耳恒廟碑又慮所談三十年前事道里時

日不容無小失謬故久未敢稱述後遊宣城有蘇寶章

者縣小吏也僕邂逅見之戲謂曰前朝貼職乃有寶章

誰以是字汝縣吏亦帶職耶其人無所對旁一人曰是

人乃蘇劉義之子以恩補官嘗直寶章閣人習呼之而

莫能變非字也劉義次子景由直僕為之矍然起將以

向所記客語質之其人故爲不聞者徑去僕嗟惋久之
因念曰祀宋大國也其不足徵久矣它何譏焉姑叙客
語傳末庶幾傳疑之義云爾至大二年春二月東陽布
衣黃潛謹叙

說水贈蔣春卿

陽羨蔣君春卿嗣主安定教事於吳興以秩滿去友生
金華黃潛送之苕溪之陽酌之水而與之言曰君知水
之爲物乎嵌巖壘空一掬之多遺針墮芥可指而取非
不冷然冰骨雪齒也無搖焉無溷焉斯可耳及其去而
爲湍爲礪也驀山跨谷歷百折而弗頽不既壯歟然而

迫於風則驚扼於石則怒矣若夫醜爲三江鍾爲七澤
茫洋演溢涵烟霏而滔日星者漫不知其幾百里泊乎
其休汨乎其不可留沈沈乎黃龍之所宮穹龜鉅魚之
所家鰕蛤生焉而不以爲隘也來牛去馬飲焉而不以
爲耗也鳧鷗出沒焉而不以爲褻也螭蛟投焉而不以
爲汚且辱也神妖物怪居焉游焉而不以爲異也千漚
萬泡交起互滅瀆混爾淳涵爾洩之莫能害其蓄撓之
莫能亂其澄潛淵之珍參錯朗耀而荒查醜石屑瑣附
麗之物亦無所不容也嗟乎水一而已其量之相遠碩
如此非夫所處者異勢耶今君之去山谷也久矣接天

潢度瀛海且有日盍亦拓七澤以爲襟舒三江以爲帶而無以是冰雪者沾沾自喜哉雖然水行天地間其適也愈遠則其趨也愈下孔子蓋稱智者樂水夫不激不流非智者不足以與此君非智者歟持涓滴以相波瀾祇強頰耳離歌既闕風颿遽張因次第其語書以識別勸農文

諸暨州勸農文

古之有民社者未嘗不以農事爲先拊循勸率具有其法我朝參稽故典郡邑守令悉以勸農入銜事莫重焉比以受任之初延登耆年詢以風土咸謂是州地產素

薄兼之襟山帶湖旱澇相半仍歲凶歉民多阻飢夫不知盡在其人而一切聽其在天不可也昔魏文侯使李悝作盡地力之教以方百里之地爲田六百畝理田勤則歲增粟百八十萬石不勤則歲減粟百人十萬石勤與否之利害相遠如此然則欲盡地力者亦在乎盡人力而已誠能率而子弟竭其四肢之力以從事於南畝將見富歲之入弗減益增蓄積既多縱有旱澇可無乏食之慮矧今聖仁在上茂育羣品至和之應必有豐年乃若獎厲而成就之固長民者之責也茲以東作方興率遵故常躬秉耒耜爲爾農勸其尚勉之母苟以爲

具文而藐藐其聽也

樂章

三皇廟樂章

降神

黃鍾宮 三成

之曲 九變

於皇三聖神化無方繼天立極垂憲百王聿崇明祀率由舊章靈兮來下休有烈光

降神

大呂角 二成

之曲

帝德在人日用不知神之在天矧可度思辰良日吉歲事有儀感以至誠尚右享之

降神

太簇徵 二成

之曲

大道之行肇自古先功烈所加何千萬年是尊是奉執事孔虔神哉沛兮冷風馭然

降神

應鍾羽 二成

之曲

雅奏告成神斯降格安安有位清廟奕奕彤嚮潛通豐融烜赫我其承之百世無斁

初獻盥洗

姑洗宮

之曲

靈旂戾止式燕以寧吉蠲致享惟寅惟清挹彼注茲沃盥而升有

孚顒若文于神明

初獻升殿

南呂宮

之曲

齊明盛服恪恭命祀洋洋在上匪遠具邇左右周旋陟
降庭止式禮莫愆用介多祉

奠幣

南呂宮

之曲

駿奔在列品物咸備禮嚴載見式陳量幣惟茲篚實肅
將忱意靈芳安留成我熙事

捧俎

姑洗宮

之曲

我祀如何有牲在滌既全且潔為俎孔碩以將以享其
儀不忒神其迪嘗純嘏是錫

初獻盥洗

與前同

初獻升殿

與前同

太皞宓犧氏位酌獻

南呂宮

之曲

五德之首巍巍聖神八卦有作誕開我人物無能稱玄
酒在罇歆監于茲惟德是親

炎帝神農氏位酌獻

南呂宮

之曲

耒耜之利人賴以生鼓腹含哺帝力難名欲報之德黍
稷非馨眷言顧之享于克誠

黃帝有熊氏位酌獻

南呂宮

之曲

為衣為裳法乾効坤三辰順序萬國來賓典祀有常多
儀具陳純精迨達匪籍彌文

配位酌獻

南呂宮

之曲

三聖儼臨孰侑其食惟爾有神同功合德丕擁靈休留
娛嘉席歷世昭配永永無極

初獻降歎與前同

亞獻終獻

南呂宮

之曲

緩節安歌載升貳觴禮成三終申薦令芳凡百有職罔
敢怠遑神具醉止欣欣樂康

徹豆

南呂宮

之曲

籩豆有踐股薦豐時禮文既洽廢徹不遑慎終如始進
退無違神其祚我綏以繁釐

送神

黃鍾宮

之曲

夜如何其明星煌煌靈逝弗留颯舉雲翔瞻望靡及德
音不忘庶回景貺發為禎祥

望瘞

姑洗宮

之曲

工祝致告禮備樂終加牲兼幣訖糝愈恭精誠斯馨惠
澤無窮儲休錫羨萬福來崇

祭文

祭朱叔文山長文

嗚呼世其家者雖古或希豈光華之莫續頌習尚之易
非惟君之秉心也諒以直而制行也粹以夷若良玉之
不琢況可得而瑕疵是固出于天性或者有得乎家庭

之遺謂宜益大於先列遂襲紫而傳龜奈何乎步武之
初啓而遽尼於斯嗚呼哀哉晝夜之道天人之際蓋君
之所夙講齊死生於一指兮尚窮達乎奚疑君之自處
雖可以無憾吾黨所未能釋然者悼故家之遺俗方就
陋而趨卑曰賢者之有後幸百聞而一窺攀靈車於道
周望喬木以增歎踞陳辭而薦酒爲有知乎無知嗚呼
哀哉

祭宋康胡先生文

嗚呼先生古之豪英清風峻標孰可狀名弗崇爲高顧
以文鳴其文斯何出史入經汲書魯簡武戒湯銘下逮

百氏名墨縱橫旁行敷落律令章程包羅揆序弗徼弗
并維蓄之厚故施之宏紛其百嘉咍達滿盈蔽其歛華
根柢一貞以歸于極以集于成金春玉撞發其和平遠
彼贖聾勿使震驚獨抱厥器旅于天庭胡不廟郊薦之
誾諛乃弦乃歌乃佐武城人趨易良俗失悍嚚稚蓋熙
熙怙爲父兄於穆昌辰文事聿興乃謝弔鞶乃專鑑衡
賤華貴實樹之風聲磬欵所及驅飀走霆學徒嚮方俊
良用登藐此陋微亦累品評贊邑海壖遺則是徵擇士
藝闡緒言是承庶終惠我勉夫競競曷使中路奪其依
憑嗚呼先生爲幽爲明有煇斯文揭若日星重江複山

煙慘雲冥瞻言遠而泣涕兩零馳辭侑觴式昭哀誠

祝文

謁先聖

忝繇諸生蒙恩錫第洋洋聖道實佑啓茲覆載生成名
言罔既欽承睿旨展謁告虔聖神臨之敢負夙學

諸暨州謁廟祝文

先聖

昔者夫子之論政蓋曰子欲善而民善矣潛忝繇諸生
與聞有政請事斯語以對越夫子在天之靈

三臯

維三聖人爲郡邑之通祀厥有著令潛祗事云初肇以
禮見遵舊典也

城隍

潛被命佐州與有民社祗役告虔式遵故常治人事神
敢不夙夜維爾有神尚鑒臨之

國學遷設先師配位祝文

釋奠上丁國之通祀四賢竝侑厥有舊章穆卜靈辰具
嚴廟像奉遷改作伏慮震驚庀事云初敢修虔告

大成殿修造祝文

禮殿有嚴妥靈茲久旅楹故敝惟新是圖飭材庀工諏

辰興作廟庭清謚伏懼驚誼菲薦陳誠尚祈照鑒
巍巍聖師廟祀惟舊增新崇構有覺其楹旣固旣完式
芘俎豆吉蠲薦告冀茲妥安神之格思永世無斃

謁胡侍郎墓祝文

維至正二年二月壬寅朔越二十有二日癸亥具位姓
某等敢昭告於故宋兵部侍郎胡公之神維神生爲名
臣沒有廟祀維桑與梓是庇是依歸焉茲丘高山仰止
展謁之禮大懼弗時爰考舊規祇薦俎豆有引弗替神
其鑒之

先大夫封贈祝文

維至正二年歲次壬午五月辛未朔二十七日丁酉孝
子奉政大夫江瀚等處儒學提舉潛敢昭告于先考祕
丞府君潛蒙賴教育竊有祿位疏恩分土已表生榮進
秩升朝載揚卹典伏奉至正元年十月制書贈奉政大
夫祕書監丞驍騎尉追封義烏縣子慶澤所被下逮一
門祗念厥由不任感慕而潛繫於職守不得躬展彝儀
謹遣弟溥淇詣墓次以告謹告

維至正六年歲次丙戌正月庚辰朔三日壬午孝子中
順大夫祕書少監致仕潛敢昭告于先考太常郡伯府
君先妣郡君童氏潛忝有仕籍垂三十年幸免曠官克

承委祉陳情歸養而奄罹大故乞身得謝而獲被加恩
伏奉至正五年三月制書先考贈中順大夫同僉太常
禮儀院事上騎都尉追封江夏郡伯先妣追封江夏郡
君今雖無燎黃之法而禮有可以義起莫之敢廢是用
祇薦於墓下音容如在命數維新瞻望松楸不勝感咽
謹告

太廟時享祝文二首

青陽屆候雨露旣濡永言孝思有懷先烈吉蠲致享來
燕來寧錫羨降康益綿寶緒

太宮奕奕列聖端臨藏祀有常夏享以禴禮文告具昭

薦孔時第祿是承永世無斁

表

翰林國史院賀正旦表

一氣洪鈞肇協始和之序九天黃道肆陳元會之儀寰
宇均懽臣鄰胥慶欽惟 陛下堯神廣運湯德懋昭月
竈天池揚風霆之號令蘭臺石室煥雲漢之文章茂對
三陽誕膺百福臣等叨榮鼇禁造跡鸕班黼黻丹青莫
寫化工之妙梯航玉帛惟觀壽域之同

國子監賀正旦表二首

玄枵紀歲新曆象以更端太極受朝肅儀文而稱慶覆

臨所暨林蹈惟均欽惟陛下駿惠先猷丕昭嗣服體
元建號道允協於重華備物隆名孝益嚴於長樂克承
天貺式迓春祺臣等忝職教庠參陪班序鴻鈞一氣難
名有造之仁眉壽萬年申衍無疆之祚
七政旋杓回陽和於蒼陸一人當宁展朝會於彤庭凡
在生成實同慶賴欽惟陛下宅心至正撫運重熙春
育海涵播仁聲於庶類風行雷動敷治象於多方候應
泰來祥開履吉臣等忝司六學獲旅千官瞻就日之清
光載逢昌旦祝齊天之寶算永固不圖

國子監賀聖節表二首

虹流華渚肇開出震之祥龍見中星式應純乾之候三
宮均慶百辟騰懽欽惟陛下祇適文謨丕隆舜孝雲
行雨施等天地以無爲日就月將與春秋而俱富欽時
五福賴及萬方臣等忝職儒賢欣逢瑞節播南薰之至
化鈞奏九成瞻北極之常尊高呼三祝

頒度明堂允協乘離之候紀祥甲觀肇臨載震之期喜
溢大庭歡騰同宇欽惟陛下宅心淵粹凝命穆清長
樂承顏昭聖人之孝治金華勸講開天下之文明茂對
正陽益增神策臣等忝司教事欣覩朝儀律應薰絃並
奏九韶之舞香浮合殿同稱萬壽之觴

國子監賀冊太皇太后表

德爲聖人治有光於舜孝養以天下禮益謹於漢儀備物隆名熙朝盛典欽惟陛下誕膺駿命寅御丕圖黼座端臨念皇慈之保佑綸言播告極鴻號之尊崇事遠邁於古先慶旁流於中外臣等幸專教席獲旅廷紳傾向日之微忱遙瞻廣內祝齊天之睿筭永奉慈闈

國子監賀冊皇后表

顯冊誕敷肇正宮闈之號鴻圖增重益隆宗社之基慶輯邦家懽同華夏欽惟陛下道尊皇極治本人倫與日俱新剛健允符於乾德自天作合順承式表於坤儀

命出楓廷禮成椒掖臣濫司教事欣覩褻章關睢正始之風四方來賀既醉太平之福萬壽無疆

國子監賀太皇太后正旦表

獻歲發春肇正孟陬之序隆名備物載新長樂之儀嘉與外廷肅禰元會欽惟殿下道光內治德配先朝尊極宮闈誕舉推崇之禮慶流宗社彌章擁佑之功履茲端辰哀時多祉臣等忝司教育獲預班聯絳闕天開恭展三朝之拜滂池日永歡騰萬歲之呼

國子監上太皇太后賀冊皇后表

禮行當宁丕昭文定之祥尊極重闈茂衍徽音之嗣驩

騰禁掖喜浹寰區欽惟 殿下德備儉慈功參覆載承
先朝之付託克協孫謀建中壺之表儀式資婦順流輝
華於椒屋增鞏固於蘿圖臣等忝職上庠欣逢盛典二
南正始大義本於家人萬壽無疆介福歸於王母

中書省賀正旦表

歲臨析木藹瑞氣於神臯天近太微赫清光於黼座三
朝嘉會萬福來同中賀欽惟 皇帝陛下凝命上玄宅
心至正典學與春秋而俱富知人侷日月以並明震器
夙成俾橫經而就傳謙光下施加備物以展親惠綏群
黎函蒙慶澤臣某等忝司政柄獲領朝紳金鉉調元莫

贊皇猷之盛玉卮稱壽願增寶曆之長

中書省賀聖節表

歲舍在庚應虹流之紀瑞月臨于巳瞻龍御之當陽綬
典載行輿情胥慶中賀欽惟 皇帝陛下居富盛之業
撫熙明之期地重青宮崇教事以端國本天開華閣陳
古訓於宣人文茂對嘉辰荐膺多祉臣某等忝居政府
肅領朝儀接武泰階莫贊無爲之化發祥神筴願綏有
永之年

牋

翰林國史院賀 皇后正旦牋

春回椒掖茂迎百福之祥天近楓宸均備三朝之禮懽
騰廣內喜溢羣工敬惟 殿下淑德純全徽音夙著中
讓黃裳之美恪謹柔儀上侔紫極之尊永綬吉履肇臨
穀旦並介蕃禧臣等忝職文詞獲倍班序化行宮壺願
新彤管之書慶衍家邦敬上玉扈之壽

國子監賀皇后受冊牋

嘉禮備成正柔儀於內壺隆名載舉孚大號於外廷治
首六宮歡形八表敬惟 殿下性全淑哲德並神明玉
冊金相茂輯彌文之盛暈衣綸翟光昭象服之崇稽合
舊章亶為鉅典臣等叨居黌序獲綴朝班瞻北極之四
星祥開吉旦祝南山之萬壽慶衍齊年

箋

中書省賀正旦

璣衡密運回玉律於青陽暈翟令儀應軒星於紫極慶
行中壺喜溢大廷中賀敬惟 皇后殿下德並神明功
叅覆載體家人之正位肇立化基志卷耳之求賢助成
治道春生穀旦天錫蕃禧臣某等忝職宰司造班元會
載新椒頌展盛禮於三朝永固蘿圖登齊年於萬壽

公文

代制東憲使請立耶律文正公書院公牒

竊謂人能弘道學必有師仰惟碩德之間生實繼先儒
之正統流風未遠世澤猶存不有專祠曷彰遺烈伏見
故昭文館大學士兼國子祭酒贈資德大夫河南江北
等處行中書省右丞上護軍追封涑水郡公謚文正耶
律公前代賢王之貴曾本朝上相之諸孫負深沈不器
之資懷耿介拔俗之志爰親師而取友用脩己而治人
粵若 世祖之時咸宗許氏之學克嗣其業允屬於公
卓居輩行之先式膺付託之重一貫忠恕之妙獨傳於
曾參三千弟子之徒同師於有若凡升堂而入室必蹈
矩而循規一從國學之建官三爲祭酒以設教啓前賢

之蘊奧示後學之楷模青青子衿覩時髦之傑出彘彘
束帛承天寵之褒嘉逮請老而懸車復興歎於當宁特
馳乘傳加錫上樽高朗令終既䟽封而告第華結一節
已定謚而易名孰知鄉國之舊居尚缺禮祠之精舍當
職久司風紀博采輿言謂後人苟獲瞻其儀刑雖異世
亦將知所觀感宜立書院而脩其祀事仍置山長以領
其生負庶幾人材之作興可備國家之任使誠非小補
是用申明

啓

謝鄉試主司徐照磨啓

三月十三日蒙恩賜同進士出身者祇命以還撫躬無措載循忝冒曾寅有寅緣竊以詩詠思皇侈成周之多士史彌間出彰大漢之異材垂照來今蔚爲盛際然必鄉書上獻乃登天府之名計吏與借方署太常之籍凡皆重乎其始進是故擇焉而愈精昔在熙朝率由茲道矧右文而興治若先烈以敷猷蒐曠典於三紀之餘徠羣英於千里之外彋彋束帛殆幾楚然而有聞于干纓冠孰其瞠若以自後棘連圍而並樹袍何白以太紛惟薦送之定負實抑損於舊制加以文非故習蕩無桀度之可稽業有專攻競出管闕之餘見 辨麗者或乖雅馴

之體獵幽眇者或昧精殺之原乃欲定去取於一日之間而使論安危於九重之上其所繫者大矣豈不 乎難哉自非精鑒裁以持衡攬英雄而入彀妍蚩並照細大不遺則何以闢賢路之物程承天光之下燭肆時盛舉屬我宗工宜搜傑異之材佇副詳延之意如潛者器質窳陋術業踈蕪造迹英躔猥玷譽髦之造晞光華且謬充跡弛之求敢期小枝之曲迂亦借大方之品目忘其瑕垢不俟三獻而遽收出諸泥塗輒與十朋而前列辱采甄之及此顧庸謏其奚堪粵陪方物之陳荐入春官之考綸言俯被雍容衢室之諏積奏森羅煥爛上之

札盡少俾於末議庶無負於殊知夫何鼓已至於再三
威實臨於咫尺厘終條對靡中題評挾以先登徒愧大
官之士存而勿去偶同矍圃之賓叨綴第以爲榮省流
恩之有自茲蓋某官先生導揚德意底厲文風假華袞
之寵褒曲垂薦藉致黜旒之過聽獲預并容潛敢不勉
企前脩益圖後效鞭駑附驥豈十駕之難追磨鈍爲銛
尚一割之可用上酬享遇次答隆私激烈情深鋪菜語
淺

賀周縣丞啓

策名昕陛贊邑海壖榮命載行輿言胥慶惟古有詳延

之禮肆時多間出之材於皇昌辰聿新曠典文場初啓
類霑優渥之恩英毅重張果極俊髦之選科目見謂得
士州縣豈徒勞人蓋將任以事功必先養其譽望某官
卓乎懿行充矣今儀獨抱遺經詞章固爲餘技究觀當
世設施匪事空言粵策雋於鄉闈逮旅陳於方物褒然
高舉籍甚能彌可緣再鼓而少衰仍與十朋而前列用
膺妙柬式副旁求日昃彤庭旣親承於大對天臨黼座
宜密近於清光侈是際逢胡然引却姑一登於選部不
再轉而爲丞庶出緒餘稍甦疲瘵佇聽疇庸之美亟觀
圖任之新某猥以陳人覲茲盛事雲霄直上詎爲儒者

之榮膏澤下流上慰斯人之望聊攄悃悃少助忻愉

通李州判啓

晉登上第臨佐偏州偶緣臭味之同遂託雲仍之雅輒
憑書聞庸候車音共惟其官流慶仙源飛英學海故家
舊物陋祀宋之莫徵大冊高文卑鼎董之所對科目之
士於斯爲盛州縣之職夫豈徒然竚展材猷力禪治化
風行草偃里無珥筆之民川泳雲飛座有彈冠之客載
新觀聽允賴作成屬當視籀之期敢後典籤之詞某衰
遲漫迹惕息素餐忝冒謂何久白慙於揚糝瞻承伊邇
幸毋爽於及瓜拱俟晤言悉攄下悃

書

上憲使書

某烏傷之鄙人也郡縣不見菲薄猥以克貢由是昧昧
於一來庶幾求伸其所欲爲重惟呈身識面昔人所恥
輒不敢踵門納謁以速誚讓庸藉不腆之辭致其區區
於下執伏惟少垂察焉某聞國之所與立者曰人才人
才之所由興者曰風俗而風俗之所恃以不墜者曰大
人君子古者士之仕也上有求下之制下無求上之法
故夫學脩于家行孚于人者其鄉之老之大夫若列國
之諸侯且以禮而賓送之漢非古矣然而州郡之所舉

公府之所辟要非有待於人之求之也唐宋以來士子
得以投牒自試而下之人始有求於上覬幸之念生趨
競之俗成矣國家剷除前弊改試爲課以教不爭其貢
士之法即鄉舉里選之遺制也立法不殊於古而得人
之效闕焉未著豈風俗實爲之與且古者舉一人而不
仁者遠令也一有所舉而巧取豪奪者不知其幾人雖
有環備傑特之彥且逡巡引却而羞與之比又安能俛
首匍匐以事迂曲於其間哉故所得非鄉里之富民則
貴游之子弟耳蓋夫睥睨而欲前也其言以爲凡物之
適於欲者未有不求而得之奈何世之操予奪之柄者

亦且曰是宜有求於我者也然則廉恥之不立豈獨忘
身徇勢者之咎耶伏惟明公以君子之德居大人之位
又適以觀人風爲職其於俗化之變遷固宜有以品調
消息之是未可以爲細故也某生而寒微賴家世遺緒
不失身於農工商賈之列幼而知書年十五六而能屬
文時之鉅工宿學皆幸而與之進莫不玩其華而望其
實也其於是忽然以疑釋然以悟盡棄俗學之陋而務
極其業於力之所至凡聖賢精神心術之妙古今廢興
治忽之由固嘗竊窺之而未始敢以爲有得也不意今
茲誤玷選舉俾受察於下執是用囊書裹糧而來且庶

乎親承明問以少舒其平生之素計日俟命不爲不义而寂焉無聞彷徨躑躅欲進而不能欲去而不敢上之人未聞有求於某而某方汲汲焉若有求於上者其爲滯留澶涘之狀寧不起人厭薄之心而重風俗之不美也哉某於門下既不得有私謁又不容嘿嘿而遂已也輒敢顯誦所聞於左右若夫引而進之抑而絕之明公事也非某敢知也惟明公不以某之進退爲嫌而以人才風俗爲念幸甚幸甚

傳

柳立夫傳

柳立夫者名森當塗人也祖父世醫至立夫遂以其技知名立夫於醫善爲脉其治疾决人生死多奇驗然志在德物未嘗挾以爲市也人以病叩門不擇貧富輒往或委金錢率謝弗取即取足自養而已亦用是見稱士大夫間而參知政事吳公淵允遇立夫厚立夫亦喜爲之留吳公乃買田築室居立夫不使輒去也初立夫兄嘗誤殺人就逮當死立夫曰兄先人世嗣又有子且吾毋老矣吾自度生無益於兄終不能爲兄愛其死乃自言有司願以身受刑贖兄罪吏感其誼而悲之乃議出其兄而立夫亦竟得不死然重以立夫故廢法遂論

黥立夫當吳公盛貴時士多以善爲方出入門下者而特敬重立夫嘗用比貴客不獨以其技也吳公有愛姬無子將出以嫁立夫立夫聞之輒先自娶婦亡何婦死吳公卒欲以姬妻之立夫乃謝曰吾婦雖亡毋固在爾吳公曰娶婦非以養姑耶立夫曰不然是方秦貴驕襲姜飾而能躬井臼以事吾母耶於是吳公止不復言姬聞而歎曰吾乃爲刑餘之人所棄吾終不可以事人即日脫簪珥入道終其身諸公聞之以爲吳公所得姬侍賓客皆非常人也以此賢吳公而益重立夫吳公既病歿立夫乃去賣藥黃池上里中子或求立夫瘡疾弗爲

報立夫嘗爲穢貸於富人又弗償也會復得疾乃不敢致立夫而更迎它醫它醫以藥溫之病加劇不得已始召立夫立夫診之曰病得之勞而伏暑奈何以剛劑燔之方冬沍寒而立夫言如此它醫素害其技乃謂病家彼固有嫌於君不可信病家將遂謝罷立夫已而念立夫素長者卒聽不疑竟如其言而效乃奉幣物重報立夫立夫輒罵曰公市人何復以市人處我趣歸而逋無用是污我也里中子乃大慙悔盡償所貸錢由是鄉閭皆慕化立夫行有不可者惟懼立夫知之也立夫後以

高壽終

贊曰先左曹君布衣時客吳公與立夫游而善嘗弟畜之亟稱立夫賢有道者皆寓於醫云以予所聞立夫爲人已疾其治驗甚衆而立夫所著有診脉圖有可用方今江淮間類多襲用其書以故弗論論其卓悝殊絕之行著於篇

俞器之傳

俞器之者名時中金華人也其先事錢氏最貴顯錢氏亡子孫世仕宋凡十一世乃至器之器之自少時知讀書能屬文年十六盜起里中器之盡室走辟匿旁近山谷間會大軍南下或直其叔母劉氏藏處遂爲所得將

殺之劉懼所哀器之識其聲知爲叔母急走從叢薄中出曰此吾母也卽欲殺吾母者當以身代母耳軍士壯其語乃釋劉不殺而心獨奇器之因挾以去是歲至正十三年也器之旣與其家隔絕然幸得不死乃惕然自傷思隱忍以有所就于是常盡力其所事蚤夜如恐不稱以此得無辱困更善遇之其年冬至京師遂以見公卿貴人公卿貴人憐其儒家子且得所以北來狀莫不歎奇之乃使受學羅郎中所羅郎中者蜀人號侗儻喜士且又貴幸當是時兩都賢士大夫皆延頸慕交之器之事羅郎中數以材見稱因爲其子壻由是名益聞諸

公間稍得推擇給事尚書吏部爲令史居久之用薦者以布衣對禁中被旨入翰林與纂次本草事遂爲太醫令史由太醫遷都水監用例補官監通州樂歲倉秩滿當改調器之自念拔羈虜官七品是有以復其父母矣乃以親老求便養遂得諸暨州判官以歸初父母旣失器之數從人間求其所在莫能得或言死矣去十二年聲問始來又十九年乃歸閭巷之人皆爲歛歎歎息焉其里中少年子弟多器之去後乃生無識器之者聞器之至爭共來聚觀之不知者見器之以爲北人也器之歸時父母歿已久劉亦死再葺器之乃爲位制服晨夕

號慟如初喪且自爲文以祭其言悃悃怛皆可流涕也

贊曰予睹器之跋跋然爲卑讓君子哉迹其遭值艱難蹈白刃而不驚誠亦能勇矣至身爲係累摧剛下志窮而不能自財又何盤也彼固隱忍畏約以有所待獨死爲難乎故曰生有輕於鴻毛死有重於泰山無所而巳耳嗟夫以器之之材窮不失仁達不失義豈俟它日然後信耶

黃節婦傳

節婦蔡氏者鄞黃君天驥妻也黃君之先閩人六世祖龜年宋高宗時爲殿中侍御史論罷右僕射奉檜累遷給事中及檜再相遂以貶去隱于鄞其後子孫多爲美官至黃君廼弗仕節婦年十八歸黃君明年有子曰傳孫甫晬黃君死又明年其舅亦死婦屏華采服艱勤以奉其姑以保其孤子三十餘年猶一日家旣裕而姑已老子亦能自樹立所與爲師友多顯者由是知名得察舉補儒學官節婦之名亦因以著聞有司上其事于中書用例旌表所居及其里門曰

孝節云

東陽黃潛曰予讀詩至柏舟未嘗不歎古女婦之賢傳於今者少也共姜之名由詩以顯得孔子而詩益傳女婦之以義自守獨共姜邪世無孔子若蔡氏者非尊官要人爲之引重惡能彰彰如此閭巷之人砥行立石堙滅而不稱者可勝道哉可勝道哉

梅孝子傳

梅孝子者名應發居吳郡閭門市中不由學問而知人之行莫大於孝行之盡其誠蓋天性然也母有

疾醫不能療則剔股肉以食之疾良已它日母又有疾危甚更求良醫投以藥皆弗効莫知所爲乃露立北面稽首以名香然頂灼臂叩天乞減已年益益母壽是夕天將雨陰雲四合俄割焉而開若啓半扉盡見北斗之六星惟一星及輔星不見頃之雲復合而天深黑及還至母所則母已擁衾坐床上言有衣白衣者六人以水來灌灑遂霍然而蘇不覺疾之去體也詰旦母平復如常時今年已八十餘身愈康強四方大夫多爲詩美其事蜀郡虞公爲

之序云

金華黃潛曰曾子固氏有言古今豪傑工傳論人行義不列於史者往往務摭竒以動俗亦或事高而難爲繼或伸一人之善而誣天下以不及雖歸之輔教警世然考之中庸或過矣以予所聞梅氏子事談者誠近於過夫欲使中人以下觀過知仁恥躬不逮則載而傳之曷可已哉

行述

山南先生述

先生姓劉氏諱應龜字元益世爲婺之義烏人自曾大
父祖向大父夢龍父景辰無仕者先生少恢疎常落落
多大志宋咸淳間游太學馬丞相高其材將女焉先生
不可廼已由是名稱籍甚非直用文墨出小異也於時
同舍生掇其緒論或取高第而先生故爲博士弟子員
亡何當以優升解褐值德祐失國廼返耕築室南山之
南賣藥以自晦人勸以仕輒不答然亦不爲激詭蘄絕
事眩俗矜衆也居久之會使者行部知先生賢強起以
主教鄉邑先生始幡然出山即席於是至元二十有八
年矣終更調長月泉有司以累考合格上名尚書親友

白當詣謁先生笑弗頌銓曹謬以年未及出其名復俾
正杭學先生竟不自言明年遂以疾卒於家壽六十四
大德十一年八月二十日也先生偉貌美髯談辨絕人
然任氣好臧否間里少年以爲厲已而與謀中傷之相
卒亦無以害也先生學本經濟而以簡易爲宗讀書務
識其義趣未嘗牽引破碎以給浮說至其爲文雄肆俊
拔颯駛水飛一出於已無少貶以追世好世亦未有能
好之者凡所著爲夢豪六卷癡豪六卷聽兩留豪八卷
歲于家先生蓋有祿食於世矣而未顯也故識與不識
皆稱之曰山南先生如隱者焉初娶吳氏卒再娶許氏子

子男一人曰鼎孫男女合三人既卜宅于永寧鄉白茅
之原將以某年月日窆而未有以昭不朽也潛惟我曾
祖左曹府君以文章家知名當世先生以外孫實得其
學碩潛之蒙鄙劣弱猶幸弗失身負販技巧之列以隕
先業者先生教也先生之疵麻我厚矣而潛安足以求
先生之存庸疏其世系出處卒葬之歲月以諗夫志同
而言立者尚幸爲之銘若誄以揭諸幽云

制

二程子加封制二首

朕惟三千之徙莫先顏氏瞻言往哲式克似之故河南

伯程顥體備至和躬承絕學元氣之會鍾於獨得聖人
之道賴以復明翳百世之真儒豈追崇之可後爰蒐盛
典爵以上公於戲緬想德容儼揚休而山立聿新禮命
孚渙號以風行服此寵靈益綿道統可加封豫國公主
者施行

朕惟孟氏以來千有餘歲不有先哲孰任其承故伊陽
伯程頤本諸躬行動有師法謂初學入德始乎致知格
物謂隨時從道在乎觀象玩辭遺書雖見於表章異數
尚稽於封冊胙之大國庸示褒崇於戲規矩準繩庶有
存於矜式火龍黼黻匪徒侈於儀章懋相人文以對休

命可加封洛國公主者施行外類章懋卧入文以性木
尚箴公性所報之大國書示襄崇公熱賦學辭類
伯陽甫取孔門記言名齋居之室曰朋樂予竊嘉其能
得朋而懼夫樂之或過其節也為之箴曰其承姑用
天壤之間並生者人矧曰同類其有弗親孰予之從來
之紛若匪善何信匪信何樂相古易象示人以朋毋敢
適莫惟德是徵復而朋來寔用無咎坤以喪朋厥慶終
有一陽之至我其埃焉三陰之聚我其舍旃豈茲記言
與易殊指便碎佞柔既曰損矣二人同心其樂也康比

之匪人其樂也荒猗伯陽甫式謹爾類交游司規取告

閣隸

行狀

元故翰林學士承旨中書平章政事贈舊學同德
翊戴輔治功臣太保儀同三司上柱國追封魏國
公謚文忠李公行狀

曾祖執皇贈濟美功臣光祿大夫平章政事柱國追
封韓國公謚康惠

祖昌祚皇任潞州招撫使贈保順守正功臣金紫光
祿大夫司徒上柱國追封韓國公謚文靖

父唐皇任徵事郎略陽縣尹致仕贈推誠保德佐運
功臣太傅開府儀同三司上柱國謚忠獻母王氏
追封韓國夫人

本貫

公諱孟字道復系出後唐李氏世爲潞州著姓康惠公
金未舉進士不第以行義見稱於時文靖公歸皇朝佩
銀符使潞州卒於官忠獻公姑去家而仕於秦蜀四十
餘年乃致其事樂漢中風土之勝因家焉公生而穎悟
十歲能屬文稍長益肆力於學讀書日記數千言學既
淹貫文愈超卓每考論古今治亂盛衰之故慨然有志

於當世然恥於干進屏居閭巷開門授徒遠近負笈而
至翕如也時之名公鉅卿如商公挺王公博文魏公初
至漢中往往折行輩與之交郭公彥通於公爲父執名
能知人見公魁頽偉岸謂忠獻公曰此郎骨相殊常公
輔器也至元十九年侍忠獻公留四川藩閩聞公名將
辟置幕下辭不就改辟主晉原縣簿文辭臺府交章舉
之亦不起一日幡然曰大丈夫固不能俛首州縣方今
朝廷更化政治聿新招徠衆正材俊林立獨不可與之
並遊乎乃束書如京師行中書右丞楊公吉丁一見輒
加器重薦之裕宗皇帝得召見於東宮未及登用而

裕宗賓天楊公遂延致家塾俾諸子弟師事之翰林諸
大老奇其材剡上于中書謂宜置之館閣而銓曹調公
主梓潼縣簿非其志也忠獻公方爲夔府經歷乃往省
焉未幾從忠獻公出峽沂襄江還漢中日以奉溫清具
甘旨爲事忠獻公勉之入仕復北上三十一年成宗
皇帝臨御首命詢訪先朝聖政以備史臣之紀述公過
關中陝西行省因俾公與諸儒討論彙次成編馳乘傳
以進時武宗仁宗俱未出閣徽仁裕聖皇后求
名儒職輔導公首當其選大德元年武宗撫軍北邊
仁宗特留宮中公日陳善言正道從容啓沃多所裨益

受知於成宗特旨除太常少卿當國者以公不及其
門沮格不行改禮部侍郎命亦中寢昭獻元聖皇后
幸覃懷公以官僚從戢衛卒無敢侵奪民居在覃懷四
年夷險一節信任益專十一年春成宗陟遐神器暫
虛宗王大臣密謀構變國勢危疑人情洶洶公從兩公
還京師遂與丞相哈刺哈孫答刺罕等力贊仁宗削
平內難中外晏然定策迎武宗入正大統仁宗卽
承制以公爲中書參知政事公久在民間於閭閻之幽
隱靡不究知損益庶務悉中其利病遠近無不悅服然
以抑絕僥倖羣小多不樂公不爲之少自撓也居亡何

言于 仁宗曰執政大臣宜出於嗣天子親擢今鑿與
在道臣未見顏色誠不敢冒當重寄 仁宗不許則逃
之許昌築室於涇山澗水間若將終身焉夏五月 武
宗卽皇帝位 仁宗爲皇太子物色得公所在白于上
遣使徵詣闕下至大三年春正月入覲 武宗于玉德
殿上指公謂宰執大臣曰此先太母命爲朕賓師者宜
亟任用之三月特授榮祿大夫平章政事集賢大學士
同知徽政院事四年春 仁宗皇帝正位宸極真拜中
書平章政事進階光祿大夫推恩其先三世且諭之曰
卿朕之舊學其悉心以輔朕之不逮公感上知遇毅然

以國事爲已任慎賜予重名爵覈六官之濫費汰衛士
之冗負責戚近臣惡其不利於已而莫敢言也前所建
新法有未便者奏請革去百司庶政一遵 世祖皇帝
成憲而行焉 仁宗素崇儒且察見吏弊欲痛剷除之
公曰吏亦有賢者在乎慎擇而已上曰卿儒者宜與吏
輩氣類不合而曲佑之如此真長者之言卿在朕前惟
舉人所長而不斥其短尤朕所深嘉也同僚有積與公
忤者人意公必銜之及其坐事見黜公乃力言于上俾
毀外藩且優加賜資以慰其意聞者莫不服其有容方
是時朝野乂安民康物阜號稱極治公歆然不自以爲

功士大夫或譽之輒謝曰此聖天子之德也吾何力之
有焉乞解機務上曰朕在位必卿在中書朕與卿君臣
當相為終始自今其勿復言尋賜爵秦國公上親授印
章仍錫書命以褒寵之上在潛邸嘗因公所自號命集
賢大學士王顥書秋谷兩大字御署以賜公至此又命
繪公象勅詞臣為之贊入見必賜坐與語移時而退惟
以字呼之曰道復而不名其見尊禮如此皇慶元年冬
正月特授翰林學士承旨知制誥兼脩國史依前平章
政事尋謁告歸葬其父母于潞州之先塋上勞送之曰
卿襄事畢宜亟還毋久留孤朕所望冬十一月入朝上

大悅公因請謝事優詔不允然重違其意乃命以平章
政事議中書省事依前翰林學士承旨知制誥秦國公
大詔令皆公視草史冊所記亦公手自刑定辟置官屬
多時之聞人二年夏請歸秦國公印綬不允章三上乃
如其請先是 上與公論用人之道公曰自古人材所
出固非一途而科目得人為盛今欲取天下人材而用
之捨科目何以哉然必先德行經術而後文辭乃可得
其真材以為用 上深然其言遂決意行之延祐元年
冬十二月復拜公中書平章政事依前翰林學士承旨
知制誥兼脩國史二年春遂命公知貢舉及親策多士

于廷仍命公爲監試官秋七月進階金紫光祿大夫加
勳上柱國改封韓國公職任如故公頻年扈從上京數
以衰病不任事乞歸田里六年乃從所乞解其政柄復
授翰林學士承旨知制誥兼脩國史散階勳爵如故公
既退居散地日以文史自娛每入侍燕閒禮遇尤至七
年春 仁宗奄棄羣臣 英宗在諒闇中太師帖木迭
兒再入相以公前共政時不附已妄構誣言盡收前後
所頒封拜制命降授集賢侍讀學士嘉議大夫意公必
辭因中傷之公受命欣然就職夏五月分治院事於上
都至秋乃還略不以利害得失介其意恒謂人曰吾待

罪中書無補於國 聖恩曲宥俾遂間適今旣老矣何
以報之 上聞而悟其爲譖也恩意稍加焉入望公將
復見柄用至治元年春瘡發于股醫莫能療公知不可
復起乃區別家事手書付家人使治墓地於燕遂以夏
四月三日薨于大都和寧坊居第之正寢享年六十有
七以其月十八日葬宛平縣石井鄉之某原遵遺命也
公薨後臺臣累疏辨其誣乃給還所收制命而復其元
官 令天子念舊圖功加贈舊學同德翊戴輔治功臣
太保儀同三司上柱國追封魏國公謚文忠配劉氏前
公二十一年卒納合氏 昭獻元聖皇后所賜前一

月卒並封秦國夫人改韓國夫人俱合葬焉繼室何氏
封韓國夫人有子一人曰獻今爲資善大夫御史中丞
知經筵事能世其家者也公宇量闕廓材略過人三入
中書事閑休戚知無不言援古證今務歸於至當苟有
益於國家雖違衆而行無所憚四方之士爲時所推許
者甄拔無遺汲引後進未始有吝驕之色品題所及後
多知名公退一室蕭然留連觴詠言笑竟日無異布衣
時其爲文跌宕有奇氣要其歸一主於理詩尤清壯麗
逸人爭傳誦之蓋公之歷官行事及平生大略可見者
若是而止中朝大謀議既非外間所得聞宅所奏陳亦

皆自削其藁莫得而詳也公已定謚於奉常而國史之
傳未立許昌有公祠堂翰林學士歐陽玄爲之記公詩
文有秋谷集御史中丞許有壬爲之序潛幸辱從兩人
之後濫廁公門生之列公嗣子獻命潛爲之狀以俟太
史氏之采擇義不敢辭謹撰次如右謹狀

辭

白雲辭

爲陳生作

秋風起兮白雲生親之命兮子奉以行秋風落兮白雲
歸倚閭望子兮子歸遲遲膚寸而起兮大蔭周乎八極
求仕與道兮焉往而弗得子兮來歸毋使兮心惻

宋史紀事本末

東坡志林

龍圖閣監子合子類書

大觀圖序

重刊黃文獻公文集卷三終

蘇軾詩集

白雲集

蘇軾詩集

文獻公集

文獻公集

文獻公集

文獻公集

文獻公集



